


NDWENGA ME

TELEMINA LUKWIKILU

 Matondo na nge, Mpangi Neville. Mfumu sakumuna nge. Mbote, mbote. Mpangi-bakala . . .

2 Mbote, bankundi. Kiese na kuvutuka na yinzo ya Mfumu!

3 Mu bokilaka kaka kuna, na mwa ntangu fioti me luta, samu na kusambila samu na longi mosi ya kiboba. Mpe yandi vwandaka me zimbisa mabanza, mutindu. Kima mosi ve vwandaka tambula mbote ve na yandi. Yandi kele kaka kiboba ya santu ya Mfumu. Na nzila awa, Satana mekaka na kusala munu kubela, na kuluka, mpe. Mu tubaka, “Beto ke sambila kaka samu na mosi na yankaka.” Ya kele kieleka. Yinga. Na yina, ya vwandaka Mpangi Coggins. Beto zaba yandi mbote mingi, awa na tabernacle. Yandi katukaka na Caroline. Mpe yandi vwandaka kieleka, ya kubela mingi, yandi vwandaka kaka—kaka ya kutelama mpe ndombe. Kasi ya ke monana ve ti kima mosi ke tambula mbote ve na yandi, na nzutu ve. Na yawu, ya kele kaka dyabulu yina ke meka na kumeka na kupukumuna yandi. Na yawu, yandi kele mpukumuni ya nene mingi, mpe yandi kele mosi ya mbote, mpe.

4 Beno kuwaka disolo yina me tala mpangi ya kento ya kiboba yina kwendaka na yinzo-Nzambi, yina zolaka tuba kima mosi ve ya yimbi samu na muntu nyonso. Yandi tubaka, “Yinki nge ke banza samu na diabulu?” Yandi tubaka, “Mbote, yandi kele mbeni ya mbote.” Na yina yawu yina yandi—yina yandi kele.

5 Beto kele na kiese, na suka yayi, na kuvwanda na yinzo ya Mfumu diaka, na sabala yayi, na kuingilaka Nkwizulu ya Mfumu Yesu.

6 Mpe ntangu yayi, mu zolaka zonzila na dilongi yayi, na suka yayi, “Kubumbamaka na nzila ya Menga,” mpe ya monanaka ti Mpeve-Santu sobaka mabanza ya munu na zulu ya yawu. Mpe mu kele na dilongi yankaka, ya malongi. Samu, na yina, na manima, mu tubaka, mazono na nkokila, “Samu na yinki Yandi ke soba dibanza ya munu na zulu ya dilongi ya mutindu yina, ‘Kubumbamaka na nzila ya Menga?’” Beno me bakula kisika masonuku ke vwanda, “Israel na nsi ya menga, ke tambula na nsilulu,” beno me mona. Mpe mu lendaka zonzila yawu, na mwa bantangu yankaka.

7 Na yawu mu bambukaka moyo, na ndosi yina mu kuzwaka awa, ntama mingi ve. Mpe munu, na ndosi yayi, mu zolaka baka Madia na tabernacle, beno me mona, awa na kati ya ndosi yayi. Bantu yikwa ke bambuka moyo na yawu, basabala fyoti me luta,

kuzwaka ndosi? [Dibuundu me tuba, “Amen.”—Mu.] Mu lendaka ve kupesa beno ntendulu ya yawu. Mpe kana ya ke baka munu ntangu mingi ve, mu ke tuba na beno kaka, kana beno zola kuwa. [“Amen.”] Mbote mingi.

⁸ Ya kele mpasi ti mu ke lota kima yina kele kaka na sense samu na yawu. Ya kele, na mumesanu, mu ke kwendaka na mbeto na nsukinina, mpe na manima mu ke vumbuka na lufwa. Mpe beno vwanda na kidi-kidi to ya kulemba, beno ndosi, na manima beno ke lala mpe ke lota ndosi, na manima beno ke vumbuka na lufwa. Beno zaba mutindu ya kele, muntu ya kidi-kidi mutindu munu mosi.

⁹ Mpe mu vwandaka kuna na Mpangi Wood mpe Mpangi Sothmann, mpe Mfumu vwandaka pesa kaka bantu. . . na kukwizaka na . . . na yisi. . . Mpe yayi vwandaka na Tucson, na Arizona. Mpe Mfumu kaka na mutindu ya kulunga, na mutindu nyonso, na kupesaka bantendulu ya bandosi.

¹⁰ Ntangu yayi, beno me mona, ntangu muntu nyonso ke pesaka, ke tubaka na munu na yina me tala ndosi, mutindu mosi kaka mu lenda pesa ntendulu, mu ke mona ndosi yina. Mpe mingi ya beno awa zaba, ti bayankaka ya beno ke tubaka na munu bima, ti beno tubilaka munu yawu nyonso ve, na kati ya ndosi. Kasi ntangu mu kuzwaka yawu, mbala mosi dyaka, mu kuzwaka yina beno tubaka ve. Beno me mona? Mpe na yawu beno fwana mona dyaka yawu, mpe kuna Yandi ke tuba na beno. Na yawu, bantangu yankaka ya ke na kuzenga. Bantangu yankaka ya kele mpasi, ya kele mbote ve samu na muntu yina. Kasi beno fwana vwanda kaka ya kieleka, samu ti ya kele Ndinga ya Mfumu. Beno me mona? Samu ti, bawu ke na kuingila yawu. Mpe Yawu kele ata mbala mosi ve. . . Mfumu me vwanda mbote na munu, na kubika Yawu kuvwanda ntangu nyonso ya kusungama.

¹¹ Mpe na yawu mpimpa yango mu—mu kwendaka lala, mpe mu lotaka, munu mosi. Mpe mu banzaka ti mu vwandaka. . . Muntu mosi yina mu vwanda salaka na boxes, bamvula me luta. Mingi, beno bakundi ya ntama. . .

¹² Mu vwandaka banza kaka na Mpangi Roy Slaughter, mu vwandaka ya kutelama kuna na kiolo. Yandi vwandaka na yawu, mu banza na mosi ya bamambeke ya kulutila ntama awa, na dibuundu. Mpangi Slaughter, mu banza, kele kaka pene-pene ya mosi ya bamambeke ya kulutila ntama. Mpe mu—mu kaka. . .

¹³ Na yina mu ke na kuzonzila na yina me tala yandi, ya kele na bima mingi ya mbote samu na Roy Slaughter yina bantu zaba ve. Ya kele kieleka. Yandi kele mpangi ya munu ya bakala, mpe mu ke zola mingi kupesa yandi mwa kikunku ya bafololo ntangu yayi, to kifulu, na kisika ya yimpu ya muvimba ntangu yandi me kwenda. Ya kele kieleka. Ya kele na mitindu mingi ya mbote. Mpangi Roy vwandaka mpangi ya bakala ya kieleka samu na munu, yandi mpe dibuta ya yandi, ke zinga kuna, mpe ke sala

mpasi samu na mwa dibuta yina, mpe ke telemisa nkonga ya bana ya kitoko. Mu zabaka bana ya yandi nyonso ya bakento mpe bana ya yandi ya babakala, mpe longaka na mafwa ya mwana ya yandi ya bakala ntangu yandi kufwaka.

¹⁴ Mpe mu ke bambuka moyo, kilumbu mosi awa, beto vwandaka na muntu mosi vwandaka sala na dibuundu. Mpe. . . Mpe yandi zolaka kusala yawu, kaka mutindu kisadi-mabaya. Beto vwandaka ve na mbongo mingi. Mpe yandi zolaka tula muludi yayi na kati awa. Mpe muntu mosi kwizaka yina zolaka kusala, mpe yandi salaka yawu ve. Mpe yandi vwandaka na kisika kuna, yandi tubaka ti yandi salaka kati-kati ya ngunga mosi, to kima mosi, mpe ya talisaka mpasi na makulu ya yandi. Mpe na yina yandi, kaka ya kulutula samu na kumeka kunata lufundusu na dibuundu, mpe funduka beto na yinzo ya lufundusu samu na mafunda kumi ya ba-dollars. Mbote, beto vwandaka ve na kima mosi. Beto zabaka kima mosi ve samu na yawu tii bawu kuzwaka lufundusu. Beno me mona, ba bokilaka. Bakala yina, yandi vwandaka ve na assurance, mpe na yawu kuna yandi kubwaka na zulu ya beto. Beto kuzwaka ve, ya kufuta.

¹⁵ Mpe mu ke zimbanaka ata fioti ve mpimpa yango, mu vwandaka *kuna*, na manima, ti Roy kwendaka kuna na posi. Kiboba. . . Beno lemvokila munu, Mpangi Roy. Ya ntama, porte-feuille ya kilambu, mpe yandi basisaka ba-check yina vwandaka na tomabilu ya yandi ya nene, bima ya mutindu yina. Yandi tubaka, “Mbote, Mpangi Bill, mu ke tula yayi na zulu ya yawu.”

¹⁶ Mwa kiboba Evelynna, mpangi ya yandi ya kento, yandi ke kaka ya kuvwanda awa, kisika mosi kuna ntangu yayi. Yandi, “Mpangi Branham, mwa yinzo ya munu ya ntama, kele kaka na lutangu ya bankama tatu ya ba-dollar, kasi beto ke lwata kaka yawu.” Beno me mona? Ya kele kima ya kieleka, kimbangi ya kieleka, kana beno zonza na munu. Ya kele na kati ya buku ya munu, ya kele kieleka.

¹⁷ Mu ke bambuka moyo na ntangu yina, na mwa ntangu fioti na manima, mu ke na lukutakanu ya munu ya ntete. Mu vwandaka na St. Louis, na mosi ya balukutakanu ya munu ya nene. Mpe télégramme kotaka, “Mwana ya munu ya kento me tandama na kisika ya lufwa. Mpangi Slaughter. Kwiza mbala mosi.” Mu tambulaka kaka kuna, mu bandaka na kutula bilele ya munu na kati ya valize. Yawu yina kaka vwandaka na kusala. Mu vwanda lenda kaka ve kulosa yandi. Mpe awa beto me kwiza. Mu me vutuka na yinzo, me kota na kivinga. Ba-bébé, kuna, na lupitalu, na lupitalu ya Catholique na New Albany, yandi pesaka mwana ya yandi ya kento. Kaka na yina beto vwandaka tambula na kati ya kivinga, Mfumu Yesu belusaka yandi. Yandi vwandaka kuna, beno me mona. Beno me mona?

¹⁸ Mpe mutindu dimpa na zulu ya maza, ya ke vutuka na beno

kilumbu mosi. Na ngaanda ya dilongi ya munu; kasi kuvutuka na mbandukulu.

¹⁹ Mpe mu vwanda salaka na bwati. Mpe ya vwandaka na mwa muntu mosi na nkumbu ya yandi awa na kati ya mbanza yayi. Mputu ya bakala yina ke kunwaka kieleka yimbi ntangu yayi. Mosi ya bana ya yandi ya babakala kele pulusu. Smith, George Smith, ba ke bokilaka yandi, “Six-second Smith.” Yandi kwendaka samu na kulongusa munu boxe, ntangu beto me. . . na ntwala Gants ya Wolo kubanda. Beto vwandaka na ngaanda awa na luyalu. Mpe na yina, mbote, yandi vwandaka muntu yina vwandaka ntama mingi mu me monaka ntete ve. Yandi vwandaka bula munu kaka, mpe mu vwandaka kwenda kaka na mupepe. Mpe mu vutukaka. Mu tubaka, “Nge ke na mpasi mingi ve samu na yawu. Beno me mona?” Mu tubaka, “Nge ke katula munu pema.”

²⁰ Yandi tubaka, “Mu ke tuba na nge, Billy,” yandi tubaka, “ya lenda vwanda yinki mutindu ba me longusa nge mbote, mpe wapi mutindu ya kimbangi ya athlete nge me kuzwa, mpe wapi mutindu ngolo nge kele, samu na yinda ya nge, to kima mosi ya mutindu yina,” yandi tubaka, “mwa coup ya ludimi ke kangaka menga ntangu beno me bula mutindu *yayi*.” [Mpangi Branham me bula maboko ya yandi—Mu.] Mpe yandi tubaka, “Nge lendaka kuyina munu ntangu yayi, kasi ntangu nge ke mata kuna na ring, nge mosi,” yandi tubaka, “nge ke sepela na yawu.” Yandi tubaka, “Nzutu ya nge ke tungaka yawu, samu na kuvutuka na nswalu. Kana beno kuzwa dinkomi, beno ke kubwa kaka kuna, mpe beno ke lala kuna mpe kubakula. Kasi kana nzutu ya beno kele ya kutunga mpe lenda telama banlemo,” yandi tubaka, “na yina, ntangu beno ke bula yawu, mpasi beno bula yawu,” yandi tubaka, “na yina ntangu nge. . . nge lenda vutuka na nswalu,” yandi tubaka, “vutuka diaka na makulu ya nge. Kubasisa nge na ngaanda ya ring, kudumuka na manima.” Yandi vwandaka me manisa kaka na kukonkota munu na selekele. Na yina yandi tubaka, “Nge fwana sala kaka yawu. Beno me mona?” Mpe yandi zolaka kufwa munu. Yandi vwandaka na bakilo makumi tatu to makumi yiya na sambwadi kulutula munu. Mpe yandi lendaka. . . Yandi vwandaka boxeur mpe mu vwandaka kaka muntu yina vwandaka longukaka, na yina yandi vwandaka kaka kufwa munu. Yandi tubaka, “Kasi nge ke sepela na yawu ntangu nge ke kuma na ring.” Mu monaka ti ya vwandaka kieleka.

²¹ Na yina, mu me kuwa ba-sergeant yayi na kati ya makesa kulongusa bana-babakala yayi, mpe bilombe. Ba ke yinaka sergeant yayi. Kasi ntangu yawu kumaka na mvita, bawu zolaka yandi, samu na malongi ya nene.

²² Ya kele mutindu mu mekaka na kulongisa Miklisto. “Beno zenga ve bansuki ya beno. Beno tula maquillage ve. Beno sala *yayi* ve.” Beno kuzwa yawu tata. Beno ke sepela na munu ntangu

mu ke kuma na—na nsuka ya nzila. Beno me mona? Ndongosolo, beno me mona, kuzwa ndongosolo yayi ya mbote. Kasi beto—beno bikana ya kusungama na Ndinga. Ya lendaka vwanda na ngolo, kuzenga baluswaswanu ya denomination na bitini-bitini, kasi beno ke sepela na yawu ntangu beno ke kuma na nsuka ya nzila. Beno me mona? Beno telamaka na nzila ya Buku.

Na yawu, kento ya munu, bakaka, tulaka diboko ya yandi na maboko ya munu, mpe beto belamaka.

²³ Mpe George Smith ntangu yayi, yandi kele, mu banza, yandi kele bakala ya bansuki ya mpembe. Mu banza ti yandi kele na bamvula sambwadi to nana, kumi ya kukula kulutila munu. Mpe yandi vwandaka na manima kuna na kati ya ring, mpe yandi vwandaka nwana. Mpe bantwenia yayi yina kwisaka, bana-bakala na mapeka ya nene, ba lendaka ve kulunga na yandi, ata fioti ve. Bawu kaka . . . Yandi vwandaka bula bawu fimbu na mwa ntangu fioti. Mpe mwana-bakala mosi ya ntwenia tubaka, “Mu lenda bula fimbu na kiboba ya bakala yina. Mu zaba ti mu lenda sala yawu.” Na yina yandi, bana ya athlete ya kulutila nene, dumukaka na kati ya ring kuna. Yandi wumelaka ve kati-kati ya muniti mosi. Yandi basikaka, tubaka, “Mu zaba ve kisika ya me katuka, kasi kieleka yandi kele bakala.”

²⁴ Mpe kaka na ntangu yina, mu talaka kento ya munu, na ndosi, mpe mu tubaka, “Kento ya munu, nge zaba, yandi pesaka munu malongi ya munu ya ntete.”

²⁵ Mpe na manima, beno zaba, bandosi ke yitukisaka. Mu kulumukaka na mubu mosi ya nene, mpe bamaza vwandaka kieleka ke ningana. Mpe munati-masuwa . . . Ntangu yayi, Meda vwandaka ve na munu na ntangu yina, kento ya munu. Mpe na yina, na yayi, munati-masuwa kwisaka kuna, mpe yandi pesaka munu mwa bwatu ya fioti pene ya ba-centimetele makumi sambanu na ndambu, makumi yivwa ya ba-centimetele na yinda. Mpe yandi tubaka . . . Ya vwandaka kieleka mpembe, kaka plastique, mpe mpembe. Yandi tubaka, “Awa kele bwatu ya nge.”

“Oh,” mu tubaka, “Mu lendaka zabuka ve, samu na yawu, na yina.”

²⁶ Yandi tubaka, “Mbote,” yandi tubaka, “yina ke nata ditoma bakilometele makumi tanu na ngunga mosi, na zulu mpe na yisi mutindu *yayi*.”

²⁷ Mu tubaka, “Ya lenda, kumata mpe kukulumuka na lweka ya nzadi, kasi ya ke kwenda *kuna* ve. Beno me mona?” Mu tubaka.

²⁸ Yandi tubaka, “Mbote, kwenda na bawu.” Mpe mu talaka, mpe awa vwandaka Mpangi Wood, mpe Mpangi Fred Sothmann, bampangi zole vwandaka na munu na nkokila yina mu lotaka ndosi yango. Mpe vwandaka ya kuvwanda na kati ya bwatu ya vert na kinkuku ya ba-greement na kati ya yawu, agreement ya camping, batenta, mpe nionso yina. Mpe bawu vwandaka ya kuvwanda kuna. Yandi tubaka, “Kwenda na bawu.”

²⁹ Mu tubaka, “Bawu kele ata fyoti ve minati-masuwa.” Mu tubaka, “Mu zaba yawu.” Mu tubaka, “Mu kele munati-masuwa. Mpe mu—mu zaba yina me tadila bwatu, samu na kusimba yawu. Kasi,” mu tubaka, “bawu, bawu ke sala yawu ata fioti ve. Bawu lendaka ve kusala yawu. Mu lendaka ve kukwenda mutindu yina, na mutindu nionso.”

³⁰ “Mbote,” yandi tubaka, “ba ke zolaka nge.” Mpe yandi tubaka, “Samu na yinki nge ke vutuka ve awa mpe ke bumbaka magazini?”

³¹ Na yina, mu vutukaka na manima. Mpe mwa kisika yina kisika beto basikaka, mwa kisika ya fioti ba bokilaka Klondike, pene ya ba-kilometre makumi sambanu na civilisation nionso, mwa magazini mosi samu na bamfumu ya ba-ranch mpe nionso yina. Ya talanaka mutindu ti ya vwandaka na Klondike, mpe ya salamaka ti ya vwandaka tabernacle yayi. Mu vwandaka ya kutelama kaka awa. Ba vwanda bokila munu na kati, ba mbungu ya nene ya madya ya kulutila kitoko yina mu me monaka ntete ve. Ba-radis, yina talanaka mutindu makumi yivwa na mosi na yinda; ba-navets, ba-verts, bambala, mpe nionso.

³² Yandi tubaka, “Bumba yawu kulutila mingi.” Beno me mona? Mpe mu vwandaka ya kutelema kuna, mu vwandaka kaka kubumba yawu na kati kuna.

³³ Mpe mu vumbukaka na mpongi. Mu lendaka bakula yawu ve. Mu banzaka ti yawu vwandaka kaka ndosi mosi, mpe kwendaka na ntwala. Vwandaka kwamisa Mpangi Wood mpe mingi ya bawu. Na yawu, awa vwandaka lutendulu. Mu zolaka vingila, kaka mutindu mu me tuba na beno bambala mingi. Bima fwana salama ntete beno lenda; bima mosi yina ke nata yawu na mulonga. Awa vwandaka lutendulu. Bawu. . .

³⁴ Beto vwandaka banza na kukwenda na bayinsi ya nzenza. Mpangi Miner Arganbright, nkundi ya munu ya luzolo, zolaka futa samu na kento ya munu mpe ba-depense, samu na kukwenda na Palestine. Mpe beto vwandaka kwenda na Suisse, mpe kuna na Afrique, mpe na campagne mosi na Ngonda ya sambanu. Mpe kento ya munu, mpe Rebecca, mpe bayankaka, vwandaka kieleka na kiese na kuzaba ti bawu ke luta na Allemagne, Angleterre, France, mpe Palestine. Ba zolaka vingila kuna tii mu salaka campagne ya Afrique, na manima kubaka yawu na nzila. Mpe bawu nyonso vwandaka na yisi ya ntima ya nene. Beno kuwaka munu kutuba, “Kana Mfumu zola,” na mutindu nyonso. “Kana Mfumu zola, mu ke zola kunata campagne yango na bayinsi ya nzenza. Mu zaba ntete ve kieleka.” Na yawu mu vwandaka vingila na yawu.

³⁵ Kasi beno tala yina ya vwandaka. Tata Smith yayi, George Smith, yina vwandaka mulongi ya munu ya ntete na kati kuna, mpe yandi vwandaka kulutila kufwanana na bantwenya yina

kele na yinsi bubu yayi, na kati ya kunwana ya yandi. Vwandaka longi ya munu ya ntete, na ndonga ya bisambu. Beno me mona?

³⁶ Bambala mingi, mu ke zangulaka bantu, ba-vision kele. Beno vingila. Yinga. *Yayi*, vision. *Yina*, vision. Ata mbala mosi ve ti ya salaka kaka mbote. Ntangu yayi, ntangu mu bandaka ntete, mu bikaka ata fyoti ve muntu. . . Kana ti mu kuzwa kima mosi na mulonga, yina vwandaka kaka kieleka ve, mpe ti Yandi telemisaka munu, Yandi mosi, beno me mona, mpe tubaka na munu samu na yawu, mu ke kwenda na ntwala mpe mu ke sambila samu na bantu. Mpe, oh, bandandu vwandaka bambala nkama, samu ti mu fwana. . . Mu ke sambila bankama yiya to tanu na nkokila mosi. Mutindu yayi, ya lendaka vwanda makumi zole na tanu to makumi tatu, ya lendaka vwanda ti mingi ve. Mu banza ba-vision kumi to kumi na tanu, mpe mu kele. . . beno fwana kunata munu na ngaanda, na kutala.

³⁷ Mu ke vutuka diaka na kima ya mutindu mosi, beno me mona, mu ke vutuka diaka na malongi ya munu ya ntete. Na manima ya nionso, ya kele ve na kima mosi na zulu ya bilanga yina telamaka na Yawu, to yina lenda, beno me mona, samu ya kele Ndinga. Ya kele denomination mosi ve. Ya kele Ndinga. Beno me mona?

³⁸ Mpe na ntangu yina, kuna, beno ke tala kitini yina ke landa na manima ya yawu, Meda me basika na ndosi. Ntangu mu kwizaka na mubu, yina vwandaka: mu vwandaka kwenda na bayinsi ya nzenza.

³⁹ Ntangu yayi, Mpangi Arganbright bokilaka munu, na nkokila yina, na kiese nionso, mpe yandi tubaka, “Mpangi Branham, ya ke vwanda konze mosi ya nene. Mpangi Shakarian me kuzwa mpasi ya ntima, na yina balukutakanu ya bayinsi ya nzenza me basika.” Mpe bawu. . . Lukutakanu ya Suisse, yandi zolaka ti mu kwenda kuna kaka samu na nkokila mosi, mpe zolaka vwanda lukutakanu mosi ya nkokila yina. Na yina yankaka nionso zolaka kwenda na konze, mu ke tambula kaka na kati ya yinsi. Oh, yawu, ntangu yayi, yina kele kieleka mbote; Mpangi Arganbright kele kaka samu na kusala nsaka, ya Muklisto, nkundi ya zola samu na munu mpe dibuta ya munu.

⁴⁰ Mpe, kasi, beno me mona, mwa bwatu yina ya plastique ya mpembe yina yandi zolaka ti mu kota, vwandaka Ndinga ya Nzambi. Mpe ya kele ve na malongi mingi na kati ya yawu, samu na kubokila munu na simu ya mubu. Mu tubaka, “Huh-uh, yina ve. Kaka samu na yawu? Huh-uh.”

Yandi tubaka, “Na yina kwenda, kwenda na bawu, mutindu bawu ke kwenda.”

⁴¹ Mu tubaka, “Ba kele minati-masuwa ve, milongi. Mu kele longi. Kana bawu kwendaka, ya ke vwanda na konze, na muvimba, na camp ke bendamaka na kati ya yawu.” Kasi mu

zolaka yawu ve sala. Mu mangaka yawu. Na yawu ya vwandaka na lutendulu ya—ya ndosi. Beno me mona?

⁴² Mpe kuna Tata Arganbright bokilaka munu, bankokila fyoti me luta, mpe tubaka na munu ti—ti. . . Ya kieleka, beto kuwaka ti balukutakanu ya bayinsi ya nzenza me beba, samu na Mpangi Shakarian. Mpe na yina ya kele ve. . . Kuna, mosi na Suisse, mu vwandaka kaka na mpimpa mosi. Mpe mu. . .

⁴³ Meda tubaka na munu, ntete, ti yandi zolaka ve kukwenda. Na yawu mu bokilaka yandi, na Floride, na nkokila yina, to na Georgie, mpe mu tubaka na yandi. Mu tubaka, “Mpangi Arganbright me bokila mpe me tuba ti beto fwana kwenda na kilumbu ya makumi zole ya Ngonda ya tanu.”

⁴⁴ Yandi tubaka, “Yimeni. Yimeni.” Beno me mona? “Bana ke na kubaka kaka bakizame ya bawu na ntangu yayi. Ba lenda ve kukwenda.” Beno me mona, yandi zolaka losa yawu, yandi mosi, na yina yandi vwandaka yandi yina vwandaka na kati kuna. Ya vwandaka konze ya yandi. Mpe ya vwandaka kuna.

⁴⁵ Ata mpe bandosi, bima nionso, kele samu na zola kutuba kima mosi. Nionso me kuzwa kima mosi kisika mosi kuna. Na yawu, bandosi kele na bantendulu.

⁴⁶ Ntangu yayi, na kuvutukaka. . . Mu lendaka tuba yawu ti beno ke bakula, mpe yayi kele na bande. Na nzila, na kuvutukaka na yinzo. . .

⁴⁷ Kaka ntete mu basika kuna, bantu yikwa ke bambuka moyo ti mu vutukila yawu awa, ti Ndinga mosi kwisaka na munu, na kati ya kivinga na suka mosi na manima ya vision, mpe yandi tubaka, yandi tubaka na yina me tala nioka, mpe ya vwandaka ya kukanga, mpe ya vwandaka ve na boma ya kima mosi? [Dibuundu me tuba, “Amen.”—Mu.] Yandi tubaka, “Kuvwanda na boma ve.” Yandi tubaka, “Mu me talisa ve ti nge ke kwenda bisika nionso?” Yandi tubaka, “Mu me siamisa ve ti Mu me vwanda na nge na banzietolo ya kuzomba?” Beno bambuka moyo ntangu mu tubaka samu na yina mu zolaka kuzwa, ntete mu kwenda, mpe nyonso yina? [“Amen.”] Beno me mona? Yandi tubaka, “Mu me talisa na nge ve?” Na manima Ndinga ya Nzambi ya lembami kwisaka, yandi tubaka, “Mvwandulu yina ke kubwaka ata fioti ve ya Yesu Klisto kele na nge bisika nionso nge ke kwenda.” Mpe mu zaba, na yina, beto ke na kukwenda na kima mosi. Mu zaba ve yinki ya kele. Mu lenda tuba ve.

⁴⁸ Mu vutukaka na yinzo, nkokila yina, to kilumbu yina, to kaka ntete mu vutuka na yinzo, mu kubwaka na vision mosi. Mpe mu monaka mwa bana ya babakala, ya fioti, yina vwandaka monana mutindu bantwenia ya babakala, to kima mosi, yina vwandaka na zulu ya ba-caire. Mpe beto vwandaka ya kutelama, na kuzomba. Mpe mu bulaka masasi na nzoko mosi, ulusu mosi ya nene ya ntinta ya café. Mpe kuna bawu balukaka mpe tubaka

na munu, yandi tubaka, “Kasi ya kele na muvusu na yina me tala lukutakanu.”

⁴⁹ Mu tubaka, “Ata ti mubulu kele, kana mu zolaka kwenda, bisika nionso ya zolaka vwanda, mu ke kwenda na mutindu nionso, beno me mona. Ya kele ve dyambu.” Mpe vision telamaka. Mu zaba ve kisika wapi ya kele. Kasi, yayi kele na bande. Ya ke na kusalama. Beno me mona? Beno bambuka kaka moyo, ya ke na kusalama. Ya kele vision.

⁵⁰ Na yawu, ntangu yayi, Lumingu ke kwisa, mu ke vwanda na Tennessee, kana Mfumu kuzola, na Kilumbu ya sambanu na nkokila mpe na Lumingu, na Mpangi M. E. Littlefield, na, oh, dibuundu yango ya Nzambi quartier général kuna na Cleveland, na Tennessee. Mpangi M. E. Littlefield, na dibuundu ya yandi, yandi yina mu me pesa na yandi awa, bamvula zole to tatu me luta, na Cleveland, na Tennessee, na Kilumbu ya sambanu na nkokila mpe na Lumingu na suka. Beno vwanda kaka na lukutakanu ya Lumingu na suka kaka, na Lumingu. Mpe beno pesa munu ntangu, dibuta ya munu ke kwenda na munu, mpe beto ke vutuka. Mu silaka yandi, mata mpe longa dyaka na dibuundu ya yandi. Ya kele Lumingu ke na kwisa.

⁵¹ Na yina, Lumingu yina ke landa, Mpangi Arganbright ke vwanda awa na Mpangi Rowe, kimonikisi yayi ya Washington, yina vwandaka, yina salaka na nsi ya luyalu ya bantwadisi ya yinsi tatu to yiya. Ba fwana vwanda awa na Lumingu yina, mpe na foto ya malu-malu. Mu zola ti muntu nyonso kumeka kuvwanda awa, kana ya lenda salama, samu na ntangu yina. Mu zola kuvwanda awa, munu mosi.

⁵² Lumingu yina ke landa kele Paki. Beto ke vingila lukutakanu ya nene awa, ya Paki. Kana Mfumu kuzola, mu ke zola kuvwanda awa Lumingu ya Paki. Samu. . . Mpe beto ke na lukutakanu ya kubasika ya mwini, mutindu bantangu nionso. Mbotika, beno nyonso yina ke kuzwa mbotika, Nkumbu ya Mfumu ya beto Yesu, kuvwanda awa samu na Lumingu. Mpe ba vwandaka banza yawu, to ba zonzaka yawu, ntama mingi ve, ti beto kele ve na bisika ya kuvwanda, beto lenda baka Club ya Mwana ya bakala, bakiti bankama sambwadi to nana, kaka na zulu awa, kaka na ziunga, club ya malu-malu kaka na nsongi awa, beno vutuka awa samu na kisalu ya mbotika na ntangu yina. Mpe beno vutuka kuna, samu ti muntu nyonso kuzwa kiti ya mbote samu na suka ya Paki. Beto ke meka na kutala yawu, sabala yayi, mpe beto ke mona yawu.

⁵³ Kuna lukutakanu yina ke landa, yina ke banda kuna na. . . Mu ke katuka awa na makumi zole na. . . na kilumbu ya makumi zole na tanu to makumi zole na sambanu ya ngonda. Mpe kuna ya sambwadi. . . ya sambanu, ya sambwadi, ya nana, mpe yivwa, mpe ya kumi, Mu me vutuka na. . . kuna na Van- . . . to

na Victoria Island, kuna na kati-kati ya ba-Indien, kisika beno fwana kwenda na bwatu, samu na kukuma na bawu.

⁵⁴ Nkundi mosi ya missionaryaire, mpangi-bakala, mu vwandaka na yandi me luta na nzietolo ya kuzomba. Mpe na nganda ya yinzo mosi ya kitoko, yandi na kento ya yandi. Mpe maboko ya yandi, nionso, kele bisika nionso ya kukangama, bisika ya kuswaswana. Mbote, ya kele yina ya vwandaka. Ya katukaka na banzinzi, binsekwa mpe nyonso, beno me mona, ti bawu vwandaka zingila kaka kuna, kisika wapi bawu zolaka zinga kaka na kima mosi, na kati-kati ya ba-Indien yina. Yandi nataka ndambu ya bawu kuna na lukutakanu, mfumu. Bawu nyonso kele bantu ya Katolika, na kutala nyonso. Mpe Mpeve-Santu kulumukaka kuna mpe bakaka mfumu yina, mpe bawu nyonso na yandi, mpe belusaka bawu nyonso kaka kuna na lukutakanu. Bawu yokaka kaka lweka yina, na zulu mpe na nsi, na babwatu ya bawu yina vwandaka basika. Ba kele milobi ya bambisi ya mumbongo, kuna na simu. Mpe Mpangi Eddie ke na kubokila, mpe mu ke na nsatu ya kukwenda kuna, beno me mona, samu na kukwenda kuna.

⁵⁵ Na yina beto katukaka kuna, mpe beto kuzwaka kilumbu mosi nzietolo katuka kuna, mpe kuzwa bankokila zole to tatu na Fort St. John. Ya kele kuna na bala-bala ya nene ya Alaska. Mpe bankokila zole kuna.

⁵⁶ Na yina, ntangu mu ke vutuka na yinzo, mpe. . . mu banza ti ya kele ya sambwadi, ya nana, yivwa mpe kumi ya Ngonda ya sambanu. Ntangu yayi, awa kele kisika yina beno nyonso lenda kwenda, na balukutakanu yayi awa, ke vwanda na Southern Pines. Beno zaba mpangi-bakala yina pesaka kusunika ya mbote awa, ntama mingi ve. Na nzila, yandi fidisaka munu mwa ba-magazine dyaka. Mu zolaka nata bawu. Mu ke kuzwa bawu awa Lumingu ke kwiza, kana Mfumu zola. Mpe ya kele na Southern Pines, kaka pene, oh, bangunga sambanu to nana ke katuka awa, na Southern Pines, na Caroline du Nord. To, Caroline ya Sud? Caroline du Nord. Yinga. Ya kieleka. Na yina, ya kieleka, na yina beto ke katuka kuna na zulu ya kumi.

⁵⁷ Mpe na kilumbu ya kumi na mosi mpe na kilumbu ya kumi na zole, na Mpangi Bigby na Colombie, na Caroline du Sud. Mpe ya kele muntu, Presbytérien yina sonikaka mukanda. Samu na munu, ya me bula munu mbote mingi kulutila kima nyonso yina ba me sonikaka samu na munu. Yandi vwandaka Presbytérien, mulongisi ya théologie. Mpe yandi kwendaka na Chicago mpe sonikaka mukanda yango. Ya. . . Mu me zimbana yina ya vwandaka ntangu yayi. Ya vwandaka kieleka mbote mingi. Mu kele na yawu kisika mosi kuna, mpe na magazine mosi. Kima mosi samu na “Presbytérien, kukutana na Pentecote,” to kima mosi ya mutindu yina, “profete ya pentecote na Presbytérien,” kima mosi. Mpe ke vwanda na yandi.

⁵⁸ Na yina, mazono na nkokila, beto bokilaka Mpangi Roy Borders, yina kele dezia na Côte Ouest. Mpe ya kele na bayankaka ya bantu kuna yina kele na mingi mutindu mabuundu makumi tatu na tanu mpe makumi yiya yina ke yukana na balukutakanu; Sedalia, na Californie; mpe kuna na Matiti ya Mbanza, mpe katuka kuna . . . to na Kiwanda ya Matiti, mu zola tuba. Mpe kubanda kuna, tii na Oregon; tii na—tii na Washington.

⁵⁹ Mpe na manima Mpangi Arganbright, yina vwandaka kwisa, beto ke kwenda, na manaka ntangu yayi, na sabala ya nsuka ya Ngonda ya sambwadi, samu na kuvwanda na Anchorage, na Alaska, samu na kusala organisation na kapu yina samu na Bantu ya Mumbongo ya Baklisto, na kulandaka reveil ya bilumbu sambanu to nana yina mu banza kuzwa, mpasi yina, Alaska ya ngolo. Beno zaba wapi mutindu ya kele, kaka bizikisi mpe batoko. Mpe jambon mpe maki kele na ntalu pene ya ba-dollars tatu na ba-centimes makumi tanu samu na madia mosi. Ya kele—ya kele kieleka kisika mosi ya mpasi, kasi bawu kele na nsatu ya Nsangu ya mbote.

⁶⁰ Ntangu yayi, yina mu zola kusala, kele, bima yayi yina mu ke na kulongaka awa, na kubumbaka Madia yayi mpe kubasisa yawu, mu ke zola kukwenda ntangu yayi. Mu ke na lutwadusu mosi ve ya kimakulu samu na kisika mosi, kasi mu ke kwenda, samu na kukuna bankuna, yina ba me fidisa kisika mosi kuna, yina ba bandaka.

⁶¹ Kento ya munu, yandi kele awa kisika mosi kuna. Yandi kuzwaka mukanda ya mama mosi awa na Illinois kilumbu yina. Ya me pela kaka na kati ya moyo ya munu ya ntima ya munu. Mama yayi tubaka, “Mpangi-kento Branham,” yandi tubaka, “ya kele ve na ntembe kasi bambala mingi, mpe nzila nyonso, kubanda nge me kwelana, ti beno fwana kutala mpasi mingi, Mpangi Branham yina kwendaka, kuzwa bana yango.” Mpe yandi tubaka, “Bana, ya kieleka, kudila samu na tata ya bawu mpe nyonso yina.” Mpe yandi tubaka, “Mu zaba yina nge zola kutuba, samu ti mu kele na bakala ya luzolo, munu mosi.” Yandi tubaka, “Kasi, mu ke tuba na nge kondisyo ya munu.”

⁶² Yandi tubaka, “Mu—mu me kuzwa balipaso yiya, bamvula yiya me luta.” Yandi tubaka, “Mu ke baluka, mwa bilembiki kumi na tanu to kumi na sambanu na kilumbu mosi.” Mpe yandi tubaka, “Mu ke baka bafoto tatu Lexron, mpe nionso yina, na sabala mosi.” Mpe yandi tubaka, “Mu me tula kinkuku ya bawagon ya kulala, mpe kima ya nsuka, mpe me lembika banerf. Mpe bantunga yayi, mpe kubaka tii na zole, mu ke baka bankisi ya mpongi zole na nkokila mosi, kasi mu lendaka ve kulala.” Mpe yandi tubaka, “Dokotolo ya munu me tuba na munu na kukwenda na yinzo ya bambevo na ntwala mu vutuka ve. Ya lendaka vwanda na kivuvu ti mu lenda vulusa mabanza ya

munu.” Mpe yandi tubaka, “Mpe ya kele ve na kima mosi na bandilu ya minganga kisika mosi ve lenda simba munu.”

⁶³ Mpe yandi tubaka, “Mu vwanda na lukanu ya kukipesa lufwa, na manaka, kubika bakala ya munu ya luzolo mpe mwana ya munu ya kento.” Yandi tubaka, “Beto ke zingaka na Kansas. Mu zola yawu, samu ti mu ke monaka mbuma kukula, mpe ke banza na kuyonzika.”

⁶⁴ Mu banza ti yandi vwandaka Methodiste. Mpe yandi tubaka kisika...Mpe na manima, kuna na lukolo ya nene ya ba-Méthodiste na Bloomington, na Illinois, bawu bakaka mukanda, ti mu zolaka vwanda kuna, bangonda kumi na mosi me luta. Mingi ya beno ke bambuka moyo na lukutakanu ya Bloomington. Beno vwandaka kuna.

⁶⁵ Mpe yandi tubaka, “Bakala ya munu bakaka munu, mpe bankundi yankaka, mpe yandi kwendaka.” Mpe yandi tubaka, “Mfumu zabaka ti mu lendaka kangila yawu ntima ve kilumbu mosi diaka.” Yandi kwendaka ntama mingi ve. Mpe yandi tubaka, “Mu vwandaka muntu ya ntete. Mwana ya nge ya bakala, Billy Paul, pesa munu kalati. Mpe na nkokila yina, ntangu bakala ya beno—ya beno yina ba ke bokila balutangu, mu vwandaka ya ntete na mulonga, samu ba sambila samu na bawu.” Mpe yandi tubaka, “Ntangu kaka mu kwizaka na estrade,” yandi tubaka, “yandi tubaka na munu luzingu ya munu mpe tubaka na munu yina mu salaka, mpe ata nyonso yina me tala yawu, mpe tubaka, ‘MUTINDU ME TUBA MFUMU, ya me suka.’” Yandi tubaka, “Minuti yina ya kukabula, mu me vwandaka ata fioti ve na mpasi yankaka.” Yandi tubaka, “Mu vwandaka na kilo makumi sambwadi na tatu. Mu vwandaka na kilo nkama mosi na makumi sambanu na sambanu na kima mosi ntangu yayi.” Mpe yandi tubaka, “Mpangi-kento Branham, ntangu nge kele munu mosi,” yandi tubaka, “Mu zaba wapi mutindu nge ke kuwa, kukabula bakala ya nge na yinza, mpe bima ya mutindu yina. Kasi,” yandi tubaka, “bambuka kaka moyo, ntwenya mosi ya kento ya Kansas kele na kimpwanza bubu yayi, samu ti yandi vwandaka zola kubanza Mfumu.”

⁶⁶ Mu lakisaka Billy. Mu tubaka, “Billy, mu zola ti nge fidisa yayi na lukolo ya nene ya ba-Methodiste.”

Yandi me telemisa diboko mpe me kuzwa kikunku, me tuba, “Tanga ndambu ya bayayi.”

⁶⁷ Mu tubaka, “Mu zaba. Mu zaba ti bawu kele mbote, kasi yandi yayi me lunga. Yayi me vwanda kaka kisika yango.”

⁶⁸ Beno kuwaka yawu? “‘Mvindu! Mvindu!’ Bampeve ya yimbi me nata yandi,” beno me mona, na kati ya mabanza ya yandi, “kuna na ntoni. Ntangu Yesu kwisaka, Yandi pesaka kimpwanza na mpika.” Mpe Yesu kele Ndinga. Na yawu, beno baka Ndinga, mpe Yawu ke pesa kimpwanza na mpika.

69 Awa mu ke na kuzonzila, kubaka ntangu ya munu, kubaka ntangu ya beno, mpe mingi ya kutuba.

Beto kulumusa bayintu ya beto.

70 Mfumu, mutindu bantu ke kufwa, beto zaba ti beto kele ve na ntangu mingi ya kuzonzila. Ntangu mu ke tala na zulu ya mwa nkonga yayi, ya kufuluka na nsatu ya bizyeti yina me katuka na bilanga, ntama na kisika, bayankaka na kati ya bawu me katuka na bisalu ya leta, na kisalu, mpe bayankaka ya bawu sabukaka myongo, bantoto ya kuyuma, mpe bilanga mpe mazanga, mpe ke vukana awa, mpe na manima ba fwana kutelama. Kasi bawu kele bizyeti. Bawu kele ve bamambeke ya yinza yayi. Bawu kele kaka awa mutindu bimbangi, mutindu bansemo yina kele na zulu ya mungo, yina ke pesaka Nsemo na kimvuka kisika bawu ke na kuzinga. Na manima ntangu ba ke vukana, samu na kubiekama diaka, mpe me tumama na Ndinga, bawu ke telama, bawu ke tambula na bamambeke ya bawu, mpe biboba mpe bantwenya, mutindu mosi.

71 Bawu zola Nge, Mfumu. Ya kele samu na yina bawu kele awa. Muntu nyonso zaba ti muntu ke kwiza ve, mpe ke nata ditoma bakilometele, mpe ke telama na lweka ya bibaka, ya kuyekama, mpe makulu ke tekita, samu kaka na kumonana. Mpe na nkonga yayi, Mfumu, beto kele—beto kele bamputu. Beto ke kwisaka ve na robe ya nsoni. Beto ke kwisaka awa samu na kusambila Nge. Lukanu mosi na kati ya ntima ya beto, lukanu mosi mpe mitifi mosi, ya kele Nge, Mfumu.

72 Mu ke sambila, Nzambi, ti Nge ke pesa bawu ndandu ya kulutila nene. Ti ya vwanda ve na mosi yina ke luta na myelo yayi, bubu yayi, kasi yinki ke kuzwa Luzingu ya Seko. “Na yina bampasi ya nzila ke monana kima mosi ve, ntangu beto ke kuma na nsuka ya nzila.” Kana bawu kele mbevo, belusa bawu, Mfumu.

73 Mpe ntangu yayi beto me zonzila kaka na balukutakanu yankaka, to kukondwa kuzaba ya kimakulu, na yina mu ke kwenda, kana ya kele luzolo ya Nge, kumwangisa kaka Bankuna. Bawu ke kwiza, kana Bawu kubwa na ntoto ya kulunga. Mu ke sambila, Mfumu, ti Nge ke twadisa Bawu na ntoto ya mbote yina.

74 Ya kulala na estrade, to na chaire, mu zolaka tuba, awa na suka yayi, ya kele na bamuswale, mwa mabuki. Ya zola kutuba ti bantu kele ya kubela, na nsatu. O Nzambi ya Mazulu, Yina vumbulaka Klisto na lufwa mpe talisaka Yandi na beto na kilumbu yayi ya nsuka, na mutindu ya Mpeve-Santu, ti Yandi Yina kele bisika nyonso beno tala na yisi; yina zaba nyonso, zaba bima nyonso; yina kele ya ngolo nyonso, ya ngolo nyonso. Beno tala mbote mwa mabuki yayi. Mpe ti bawu, ntangu bawu ke simba bambevo mpe bantu ya mpasi, bika ti Mpeve-Santu kukindisa kisambu yina na makutu ya Nzambi, mpe bika ti bawu beluka na mbala mosi.

⁷⁵ Mfumu, banza na mwa kento yina ya mputu. Mu me tanga kaka kimbangi ya yandi, “Kuna na Kansas bubu yayi, na kiese, na mpasi ve. Dokotolo mosi ve lenda mona kima mosi ke tambula mbote ve na yandi. Ata mpasi diaka ve, ata bilembiki diaka ve, ata bankisi ya mpongi diaka ve; kulala ya mbote mpe ya lembami. Bima nionso kele mbote mingi.” O Mfumu, ya kieleka, ntangu Nge ke kwiza, nyonso kele mbote kuna. Beto ke tonda Nge samu na yawu.

⁷⁶ Ntangu yayi, Tata, na yina beto ke baluka na Ndinga, sakumuna Ndinga ya Nge. Bika ti Yawu vutuka ve na Nge ya mpamba, kasi bika ti Yawu kulungisa kikuma ya Yawu mpe tumaka yawu. Na Nkumbu ya Yesu beto me lomba yawu. Amen.

⁷⁷ Ntangu yayi, beno lenda kuwa mbote mingi, muntu nyonso? Kuna na manima, ya kele mbote mingi? Nani kele ya kulutila mbote, kana mu zonza mutindu *yayi*, to kuzonza mutindu *yayi*? *Awa*, lweka yayi awa kele mbote mingi? Ya kele mbote mingi samu na beno nyonso na manima kuna? Mbote mingi, mu ke benda yayi awa, kaka mwa fyoti pene-pene kuna.

⁷⁸ Lumingu me luta, ya kele sabala mosi, mu—mu vwandaka mwa ntangu fioti na nsukinina, mu vwandaka diaka na lukutakanu mosi ya yinda. Mu ke zolaka ve kuvwanda mutindu yina. Mpe ntangu yayi, mbala mosi na mwa ntangu fioti, ya ke kwamisa munu ata fioti ve, kana muntu mosi me vwanda kuna, yandi ke mona bantu yina me telema, ke zola kusobisa bisika na bawu, mwa ntangu fyoti, kupemisa bawu. Ya ke vwanda kieleka kisalu ya Muklisto ya mbote. Mpe ntangu yayi, ntangu yayi, mu banza, na—na Paki yayi, beto lendaka vwanda na kisika yankaka samu na kusimbisa lukutakanu ya ngudi.

⁷⁹ Ntangu yayi beto zola kubaka, na suka yayi. Beno basoda nionso beno baka Mbele ya beno—ya beno ntangu yayi, mpe beto ke tuba mvita na zulu ya mbeni. Yandi vwandaka yimbila mwa nkunga yina beno zaba:

Bitumba ke na kulandana, O Soda Muklisto,
Kizizi na kizizi na ndonga ya kukangisa.

Beno me kuwaka nkunga.

Binwaninu yina ke na kungenga, bantinta ke
na kulumuka,
Mbote mpe yimbi kele ba-fiancé bubu yayi;

Beno me mona? Ya kele kieleka.

Bitumba me kuma ngolo, kasi beno vwanda ya
kulemba ve,
Beno vwanda na ngolo mpe beno kanga ngolo
ngolo ya Yandi;
Kana Nzambi kele samu na beto, bendele ya
Yandi na zulu ya beto,
Beto ke yimba nkunga ya lunungu na nsuka.

80 Ya kele kieleka. Beto zola kubaka ntangu yayi, ntete, samu na kutanga Masonuku yina kele na Santu Jean 10, banzila tanu ya ntete.

Ya kieleka, ya kieleka, Mu ke tuba na beno, Yandi yina ke kotaka tii na kielo ya lupangu ya mameme, kasi ke mata mutindu yankaka, mutindu mosi kele muyibi mpe kimpumbulu.

Kasi yandi yina ke kotaka . . . na kielo kele mvungi ya mameme.

Samu na yandi kielo ke zibuka; mpe—mpe mameme ke kuwa ndinga ya yandi: mpe yandi ke bokilaka mameme ya yandi mosi na nkumbu ya yandi, mpe ke twadisa bawu.

Mpe ntangu yandi ke basisa mameme ya yandi mosi, yandi ke kwenda na ntwala ya bawu, mpe mameme ke landa yandi: samu bawu zaba ndinga ya yandi.

. . . nzenza bawu ke landa ve, kasi ke kwenda ntama na yandi: samu—samu bawu zaba ve ndinga ya nzenza.

81 Ntangu yayi, dilongi na suka yayi, yina mu me soola na kulonga na mwa ntangu fioti, kele: *Ndwenga Me Telemina Lukwikilu. Ndwenga Me Telemina Lukwikilu.*

82 Ntangu yayi, ya kele kaka na bayinto zole, to na nzila ya bayinto zole, yina beto fwana zinga. Beno me zaba yawu? Ntangu yayi beto . . .

83 Mu kele na Masonuku mingi ya kusonika awa. Mpe mu zola ti beno . . . Beto kukondwa ntembe ke tala yawu, na yina beto ke landila. Mpe—mpe mu ke meka na kuvwanda na nswalu nyonso mutindu ya lendaka salama. Mpe ke meka ve na . . . Beno basisa kaka yawu, samu beno katula yawu kuna. Beno me mona?

84 Kasi ya kele kaka na bayinto zole yina beto lenda basisa luzingu ya beto. Mpe mosi ya bawu kele ndwenga, mpe yankaka kele lukwikilu. Mpe kana beto banza yina ndwenga ke basisaka, mpe na manima yinki lukwikilu ke basisaka! Kasi, bayinto yina zole, beto ke vutuka na suka yayi mpe beto ke baka yawu samu na lesu ya lukolo ya Lumingu, mpe kubasisa yawu na Biblia; mpe kulakisa yina bawu kele, mpe yina bawu ke sala, mpe yina bawu salaka, na nzila ya lusalusu ya Mfumu.

85 Ntangu yayi, lukwikilu mpe ndwenga. Ntangu yayi, na kubanda, beto ke tala, ti, na Genèse, kapu ya 1te, beto ke mona ti—ti ba talisaka lukwikilu, mpe ba talisaka ndwenga. Mpe, bubu yayi, bayinto zole yayi ba me talisa na kati ya dikanda ya bantu. Beto ke mona ti, ti, Nzambi vwandaka Musoniki ya lukwikilu, na kukwikila, samu na bantu na kukwikila mpe na kusala kivuvu na Ndinga ya Yandi. Mpe Satana kele mfumu ya ndwenga, na kumekaka na kunata bantu na kundima ndwenga ya yandi, mpe

kukatula bawu na lukwikilu yina kele na kati ya Ndinga ya Nzambi. Bangolo nyonso zole yina.

⁸⁶ Beto ke mona ti ya ke yitukisa mingi ti Genèse, kapu yayi ya nkuna, kubanda na mutindu yina. Mpe beto ke mona ti bima nyonso yina kele na beto, bubu yayi, kisina bandaka na Genèse, samu mpova *Genèse* zola kutuba “mbandukulu.” Mpe kana beto mona bima yayi yina beto kele, bubu yayi, mutindu ya kele, ba fwana kuzwa mbandukulu kisika mosi. Beno fwana vutula nyonso na mbandukulu.

⁸⁷ Mpe beno tala mwa dibanza samu na beno. Nyonso yina kuzwaka mbandukulu, kele na nsuka. Kasi ya kele bima yina kuzwaka ve mbandukulu, ya kele ve nsuka, bima kaka yina kele ya Seko.

⁸⁸ Na yawu, mu ke zola kuyufula kyuvu yayi. Wapi mutindu beto lendaka sala na ndinga ya “bumwana ya Seko ya Nzambi”? Kana Yandi vwandaka Mwana, Yandi kuzwaka mbandukulu. Kana Yandi vwandaka Mwana ya Seko, wapi mutindu Yandi zolaka vwanda Mwana mpe kuvwanda ya Seko? Samu ti, *mwana* kele—kele mbuma ya kima mosi. Kasi, kana Yandi vwandaka—Yandi vwandaka, zolaka vwanda ve Mwana ya Seko. Ya kele ve na kima mutindu, “Mwana ya Seko ya Nzambi.” Samu ti, kana Yandi—kana Yandi kuzwaka ata mbala mosi ve mbandukulu, kuna Yandi lenda vwanda kima ve kasi ya Seko. Kasi, kana Yandi vwandaka Mwana, Yandi kuzwaka mbandukulu, na yawu Yandi lenda vwanda ve Mwana ya Seko.

⁸⁹ Ya vwandaka Nzambi ya Seko yina me monisama na kati ya Mwana. Uh-huh. Beno me mona? Nzambi ya Seko, samu ti Nzambi kele kaka kima yina kele ya Seko.

⁹⁰ Mpe mutindu mosi kaka beto lenda zinga kele samu ti beto kele na Luzingu ya Kukonda nsuka. Nzutu yayi ke kufwaka, bitini nyonso ya beto ke kufwa. Kasi kitini yina kele ya Seko kele Nzambi, mpe lenda kufwa ve. Ntangu yayi, ntangu yayi, Ndinga, Biblia, kele ya Seko, samu ti Yawu kele Nzambi na mutindu ya Ndinga. Mpe yinki vwandaka na kati ya Nzambi, na kati ya mabanza ya Yandi, ntete ti ya vwanda na Ndinga yina tubamaka, ya vwandaka Nzambi. Beno me mona yawu? Ya vwandaka Nzambi. Na yina, na kuvwandaka ya kusoola na ntwala, beto yina kele; na kutubaka “beto,” mu ke tula kivuvu ti mu kele na beno yina ba soolaka ntete; vwandaka bima yina vwandaka na Nzambi na Seko.

⁹¹ Mpe na yina, kana beno kele mwana ya Nzambi yina me butuka mbala zole, beno kele, mpe beno kele na Mpeve-Santu na kati ya beno, beno kele bakumonisama ya Ndinga ya Nzambi yina tubamaka na ntwala Ya vwandaka Ndinga. Ya fwana vwanda dibanza ntete ya vwanda Ndinga. Ndinga kele dibanza yina tubamaka. Mpe mabanza vwandaka na kati ya Nzambi, mpe kuna beto vwandaka na kati ya Nzambi na Seko, mpe ba

zonzilaka beto na luzingu na nzila ya Ndinga. Oh, wapi. . . Na nzila ya yinki Ndinga? Ndinga *yayi*, Ndinga ya Nzambi.

⁹² Ntangu yayi, Nzambi keke Nsoniki ya lukwikilu. Satana keke yinto ya ndwenga. Samu, Nzambi pesaka bana ya Yandi ya ntete Ndinga ya Yandi, mpe tubaka na bawu ti bawu fwana kwikila Yayi; mpe tulaka lufwa, nkabwani, kitumbu, kana bawu me kondwa na kukwikila Yawu.

⁹³ Mpe Satana ke kwisa pene-pene mpe ke meka na kupesa na Eve, ndwenga, “Nge ke vwanda na ndwenga, na kuzabaka ti yandi me sala yimbi, mutindu Nzambi.” Ntangu yayi, beno me mona, na kubanda, beno me mona kaka na nswalu ndwenga yina me katuka na dyabulu. Ya keke ngitukulu, mutindu yina ve? Kasi ya keke kieleka. Ndwenga me katuka na dyabulu. Yandi keke yinto ya ndwenga.

⁹⁴ Ntangu yayi, ya kieleka, konso kima yina diabulu ke na yawu, keke kubeba ya kisina. Disumu keke kubeba, kubeba ya ludedomo. Kinsuza keke kubeba ya—ya kisalu ya musiku. Luvunu keke kubeba ya kieleka.

⁹⁵ Mpe na yawu ndwenga yina mu zola ti beno vwanda ya kusungama, ntete beto banda. Ya keke na ndwenga ya Nzambi, ndwenga ya Nzambi, keke, kuvwanda na Ndinga ya Yandi. Kasi Satana, na ndwenga ya yandi, mekaka na kusoba Ndinga, na yina ya keke ndwenga mu ke tubila.

⁹⁶ Ya keke na lutangu mosi ya lukwikilu yina ke kwendaka na Satana. Samu na—na kundima Satana, beno fwana kwikila Satana, na yina ya keke na lukwikilu ya kubeba na kima ya kubeba. Mpe nyonso yina ke meka na kusoba Ndinga ya Nzambi, samu na kusala Yawu kutuba kima yina Yawu ke sala ve, keke mpeve ya yimbi, beno me mona, kupesa ndwenga yina ke telemina ndwenga ya Nzambi. Na yawu, beto ke tala na yawu mutindu ndwenga, mpe ve lukwikilu ya Satana.

⁹⁷ Mingi ya bantu yina ke kwikilaka yawu, keke ya kusungama, mpe ke kwikila, kaka na lukwikilu nyonso yina keke na bawu, ti bawu keke kieleka. Beno me mona? Beno fwana tala mbote. Bulanketi na zulu ya banzila zole ntangu yayi. Kasi, yandi, bawu keke. . . Mutindu kaka ya kundima, keke kuvutuka na Ndinga ya kisina. Ya keke kisika bima nyonso keke ya kuvwanda, na zulu ya Ndinga.

⁹⁸ Ntangu yayi, beto ke mona ti bimvuka zole yayi, to bayinto, keke: mosi, ndwenga; mpe yankaka, lukwikilu. Mpe bawu swaswanaka mosi na yankaka katuka luvangulu, na disamba ya Eden.

Ntangu yayi, ya keke na bana na balweka nyonso zole.

⁹⁹ Ntangu yayi, yinki keke ndwenga yina beto ke na kuzonzila? Kima yina ke wisana ve ti Ndinga nyonso yayi keke Kieleka. Ya keke kima yina ke katula na Kieleka, na kunataka yawu mosi

mutindu luzabu ya zulu mingi, ndwenga ya kulutila. Mpe kana ndwenga ya mutindu yina me katuka na Satana, bana ya yandi ke zinga na nzila ya ndwenga yina.

¹⁰⁰ Mpe kana lukwikilu ya Nzambi kwizaka na nzila ya Nzambi, mpe Ndinga ya Nzambi, bana ya Nzambi ke zinga na zulu ya lukwikilu. Biblia ke tuba, “Muntu ya kudedama ke zinga na ndwenga”? [Dibuundu me tuba, “Ve.”—Mu.] Lukwikilu! “Muntu ya kudedama ke zinga na nzila ya lukwikilu.” Ve yina yandi lenda longuka, kasi yina yandi lenda kwikila. Mbote mingi.

¹⁰¹ Ntangu yayi, ntangu yayi beto me mona. Beto baka ndwenga, ntete. Ndwenga kele na mbanzulu. Lukwikilu ke banzaka ve. Kasi ndwenga kele na bangindu. Beto banda kaka na kubaka Biblia, mpe beto baka ntangu yayi na Genèse, kapu ya 3 na Genèse, mpe beto longa kaka yayi.

¹⁰² Ntangu yayi yinki beto ke na kusala, na kumekaka na kusala na suka yayi? Beno landa yina Mfumu tubaka, “Beno bika Madya.” Beno ke vwanda na nsatu ya Yawu, mosi ya bilumbu yayi. “Vwanda na Madya.”

¹⁰³ Ntangu yayi, Genèse 3:1, beto tanga ntangu yayi, beto tala mutindu ndwenga kele na bangindu.

Mpe nyoka vwandaka na mayela mingi kulutila bibulu nyonso ya mfinda yina MFUMU Nzambi salaka. Mpe yandi tubaka na kento yina, Yinga, Nzambi tubaka, (kukwikila, na kutubaka Ndinga), Beno ke kudia ve bayinti nionso ya disamba?

Mpe kento tubaka na nyoka, Beto lenda kudya mbuma ya bayinti ya disamba:

Kasi... mbuma ya yinti yina kele na kati-kati ya disamba, Nzambi me tuba, Beno ke kudia yawu ve, (na kutangaka Ndinga), to beno ke simba yawu ve, na boma ti beno ke kufwa.

¹⁰⁴ Ntangu yayi, lukwikilu ke kangama na Yawu. Beno me mona? Ntangu yayi beno tala mbote.

...nyoka tubaka na kento, Beno ke kufwa ve ya kieleka:

¹⁰⁵ Ya kele samu na yina, bangindu, “Nzambi kele mbote mingi. Nzambi kele na mawa mingi. Yandi ke zolaka beno mingi.” Beno ke kuwa diabulu yina mosi ya ntama bubu yayi. “Nzambi kele mbote mingi na kusala yayi. Nzambi ke sala yayi ve. Nzambi ke pesa kitumbu ve.” Yandi ke sala kaka kieleka yina Ndinga ya Yandi tubaka ti Yandi ke sala. Beno me mona?

¹⁰⁶ “Ya kieleka beno ke kufwa ve.” Beno me mona? Yinki yandi ke meka na kusala? Yandi ke nata yandi na kubanza na yandi. Na minuti yina beno ke banza na Ndinga ya Nzambi, kuna beno ke zimbisa lukwikilu. Beno me mona? Ya kele ve na “yinga, ya kele ve, mu banza mutindu yina.” Beno bikana kaka na Yawu.

Beno me mona? Eve vwandaka na mutindu ya mbote, kasi yandi kuwaka bangindu ya yandi.

¹⁰⁷ Ya kele kaka na bantu mingi bubu yayi yina kele na luzabu ya kieleka, yina zaba ti Ndinga yayi fwana vwanda Ndinga ya Nzambi, mpe Yawu kele Ndinga ya Nzambi, kasi bawu ke telama mpe ke bika malongi ya seminere kubasisa bawu na Yawu, ntama na Mpeve-Santu, ntama na bima ya Nzambi. “Bangindu, beto ke losa yawu.”

¹⁰⁸ Ntangu yayi, nzila ya 4.

Samu . . .

Mu ke tuba na beno samu na yinki Satana tubaka. Mu ke tanga nzila ya 4, ntete, na yina ya 5.

Mpe nyoka tubaka na kento, Beno ke kufwa—kufwa ve ya kieleka:

Samu ti Nzambi zaba ti na bilumbu beno ke kudya yawu, na yina meso ya beno ke zibuka, mpe beno ke vwanda mutindu banzambi, na kuzabaka mbote na yimbi.

¹⁰⁹ Beno me mona, yandi ke na kupesaka yandi kikuma mosi, “Nge zola kuvwanda mutindu mosi na Nzambi? Baka . . .” Na nzonzolo yankaka, “Beno zola vwanda ya kusungama na Nzambi? Beno baka ndongosolo ya munu. Beno kuwa munu. Nzambi zola kutuba Yawu ve. Yandi salaka yawu ve.”

¹¹⁰ Ntangu beno ke kuwa yawu, beno kwenda ntama na yawu. Ya kele kieleka. Ya kele mutindu ya yandi ya nyoka. Ya ke wakana mbote. Kasi ya kele ve samu na yina, ata fyoti ve. Beno kwikila kaka yawu, yina Nzambi tubaka. Ntangu yayi, ntangu . . .

Mpe ntangu kento monaka ti yinti vwandaka mbote samu na kudya, . . .

¹¹¹ Beno me mona yinki ya vwandaka? Bangindu ya yandi nataka yandi na kuzaba ti ya vwandaka kieleka, ya vwandaka kieleka.

. . . mpe ya vwandaka mbote mingi na disu, mpe yinti yina ba zolaka . . .

¹¹² “Samu na kusala mosi kuvwanda na lukwikilu”? [Dibuundu me tuba, “Ve.”—Mu.]

. . . samu na kusala mosi kuvwanda na luzabu, samu na kusala muntu kuvwanda na ndwenga, . . .

¹¹³ Beno me mona yina ya vwandaka? Satana yina vwandaka talisa luzabu, luzabu yina vwandaka ya kuswaswana na Ndinga, “mosi samu na kusala ndwenga mosi.”

. . . yandi bakaka mbuma . . . mpe kudiaka, mpe pesaka diaka na bakala ya yandi; mpe yandi kudiaka.

Mpe meso ya bawu zole zibukaka, mpe bawu zabaka ti bawu vwandaka kinkonga; mpe tungaka matiti ya fiki kintwadi, mpe bawu salaka binkuti.

114 Ntangu yayi, yinki bandaka yawu? Kubanza. Beno me mona? Lukwikilu kele na kikuma ve. Beno ke banzaka ve, ata fioti ve. Beno ke kwikila. Ntangu ba ke sambila samu na beno, mpe beno ke ndima Ndinga ya Nzambi samu na kubeluka ya nzutu, beno banza ve na bansatu ya beno. Beno banza ve na kima yankaka. Ya kele ve na dibanza na yawu. Nzambi tubaka yawu, mpe yina ke sukisa yawu.

115 Oh, wapi mutindu mu ke zola kutelama awa baminuti fyoti, mpe kupema na zulu ya yawu, mpe kubaka dilongi na yawu. Mu lenda ve kusala yawu, mpe kulonga yayi, pene ya banote makumi yiya to makumi tanu mu sonikaka awa. Kasi kubanza . . .

116 Ntangu Mfumu me pesa vision . . . Mu ke tuba na beno kaka, mwa mutindu ya munu mosi ya bana. Mfumu pesaka vision ya kima mosi ke salama, na yina, mu ke kipe ve yina kele ya kuswaswana na yawu.

117 Mpe beno bambuka moyo, nyonso yina ba lenda monikisa, ya kuswaswana, Satana ke sala yawu. Yandi ke meka na kubanza, “Benolenda ve kusala yawu.”

118 Mumbandu, yina mu me tanga na mwa ntangu fioti me luta, samu na kukwenda . . . Ntangu yayi, yayi vwandaka fioti na nzila ya kimpwanza. Kaka na ntwala mama ya munu kukwenda. Mpe Mfumu zabaka ti mu ke vwanda ve na kiyeka ya kukeba makabu yina na bampangi yina, samu na kwenda kuzomba. Mpe pesaka vision, mpe fidisaka munu nzila nyonso na Colombie Britanique.

119 Mpe ntangu beto kumaka kuna, ntwadisi tubaka, “Mu me monaka ata fioti ve ulusu ya bibongo ya palata. Mu me zinga awa luzingu ya munu ya muvimba. Mpe na nganda ya yina, beto ke kwenda mbala mosi na yinsi ya mameme, na zulu ya bampunda. Ya kele ve na bibongo ya palata. Ya kele ve . . . Beno ke kuzwa yawu ve kuna.” Beno me mona? Beno me mona? Na kumekaka, beno me mona, na kumekaka na kukwenda; kubanza.

120 Satana tubaka na munu, “Ya ke vwanda, beno me bakula kaka—beno me bakula kaka yimbi vision.”

121 “Kasi mu ve. Ya ke vwanda. MUTINDU ME TUBA MFUMU.” Mpe ntangu caribou basikaka, mpe beto bakaka yawu, yina vwandaka na vision, mutindu beno nionso me zaba.

122 Na yina yandi tubaka, ntwadisi tubaka na munu; mpangi-bakala mosi ya mbote mingi, na kuvwanda na yandi ntangu yayi na mwa basabala, Muklisto ya ntwenia. Yandi tubaka, “Mpangi Branham, mpangi ya munu ya bakala kuzwaka épilepsie. Mpe nge mataka na zulu ya mpunda yango kilumbu yina, mpe tubaka na munu kima mosi ya kusala, mpe ‘kimbevo ya mpangi ya

munu ya bakala kimbevo ya épilepsie ke suka.” Yandi tubaka, “Ntangu mu salaka kieleka yina Mpeve-Santu tubaka na nge na kutuba na munu,” yandi tubaka, “yandi me vwandaka ata fioti ve na ntangu yina, kubanda kilumbu yina.”

¹²³ Yandi tubaka, “Ntangu yayi beto bawu yayi, na zulu ya mongo yayi. Mpe na bakilometele yiya na ndambu kuna, ya vwandaka ve na matiti na ba-centimetele kumi na yinda. Kima mosi ve kasi mousse ya caribou, mwa bambuma ya myrtille, mpe ya ke mataka kaka ba-centimetele tanu to sambwadi na ndambu na yinda.” Yandi tubaka, “Mousse ya Caribou mpe ba-myrtille, ya ke mata tii na nsongi ya bayinti. Mpe ntangu yayi, landila yina nge tubaka na munu ntete beto kwiza awa, ti, kisika mosi na kati-kati awa mpe kisika mwana-bakala yina kele ya kutelama, na simisi yina ba me kanga, beno ke kufwa ulusu ya bibongo yivwa ya kisengo.”

Mu tubaka, “Ya kele MUTINDU ME TUBA MFUMU.” Beno me mona?

Yinki ya vwandaka? Satana vwandaka meka na kunata munu na kukondwa kukwikila yawu.

¹²⁴ Beto kulumukaka na mongo. Pene-pene beto me kuma pene-pene, yandi landilaka na kutuba, “Mpangi Branham, beto kele kaka pene ya ba-mètre nkama nana na nana na yawu ntangu yayi.”

Mu tubaka, “Nge ke na kutula ntembe, Bud?”

“Ata fyoti ve.”

¹²⁵ Beto kumaka pene ya ba-mètre nkama nana. Yandi tubaka, “Beto kele kaka na kati-kati ya kilomètre mosi na tanu ntangu yayi.”

¹²⁶ Mu tubaka, “Ya kele kieleka.” Yandi tubaka, “Beno banza kaka, na kati-kati ya kilomètre mosi!” Beno losa bangindu.

¹²⁷ Yandi tubaka, “Tala. Beto lenda mona nyonso kaka na ntwala ya beto. Ya kele ve na kima na ngaanda kuna.”

¹²⁸ “Kasi,” mu tubaka, “Nzambi Yina pesaka munu Ndinga lenda vanga mosi kuna. Ya kele samu na yina ve. Beno kwikila kaka yawu. Beno sala keba ve na mabanza. Yina kele ve na kima ya kusala na yawu. Beno kwikila kaka yina Yandi tubaka. Kaka yina.”

¹²⁹ Mu vwandaka ya kutelama kuna, vwandaka tala na zulu ya myongo, bisika nyonso, kaka mousse ya caribou; mwini vwandaka kulumuka; myongo, kitoko. Beno lendaka mona mwa kisika mosi kuna, samu na ba-kilometre tatu na zulu ya mongo, kaka na zulu ya munu. Mpe ntangu mu balukaka samu na kutala, pene ya ba-kilometre tatu na ntwala ya munu, to na kilometre mosi na ndambu, to na ba-kilometre tatu, telemaka grizzli ya bibongo ya argentini ya bametele tatu. Wapi mutindu yandi

kumaka kuna, mu zaba ve. Kasi yandi vwandaka kuna. Beno me mona?

¹³⁰ Ya kele samu na yina ve. Beno kwikila. Ata ti mambu yina kele, beno sala keba ve na mambu yina. Beno kwikila.

Ntangu yayi Nzambi tubaka, “Kilumbu yina beno ke kudia yawu, kilumbu yina beno ke kufwa.”

¹³¹ Satana tubaka, “Bika mu tuba na beno kima mosi, beno me mona. Ntangu yayi, Ti, ya kele. . . Oh, yinga, beto ke tuba ti Nzambi kele kieleka. Kieleka. Ya kele kieleka. Beto ke kwikila Ndinga yina. Oh,” Satana tubaka, “Mu ke kwikila Yawu, kieleka. Kasi, beno kuwa, beno bika mu tuba na beno, Yandi zolaka ve kutuba Yawu kieleka.”

Yandi zolaka kutuba Yawu. Yandi zolaka kaka kutuba yina Yandi tubaka.

¹³² Satana tubaka, “Ntangu yayi, tala, mu ke tuba na nge samu na yinki Yandi salaka yawu. Yandi kieleka. . . Beno me mona, beno kele—beno kele—beno kele ve ya ndwenga, ntete. Beno kele ve na ndwenga. Beno me mona? Beno kele kaka mutindu dimeme, samu na kutwadisama. Beno kele ve ya beno mosi.” Ya kele mutindu Nzambi zola beno. “Ata mbala mosi ve ti beno. . . Beno kele ve na Doctorat ya Philosophie, ntete. Beno—beno—beno kele kaka ve na ndongosolo mingi. Beno me mona? Kasi mu me kuzwa ndwenga. Mu ke siamisa yawu na beno. Ntangu yayi, beno tala, beno zaba ve yina kele mbote mpe yimbi. Beno zaba ti ya kele na kima ya mutindu yina, kasi beno zaba ve yinki ya kele. Beno bika mu talisa na beno mutindu ya me salama.” Yawu yina kaka yandi zolaka kutuba na kento yina. Yawu yina kaka yandi zolaka kusala. “Bika mu talisa na beno yinki mutindu ya kusala.”

Yandi tubaka, “Kasi beto ke kufwa.”

¹³³ Yandi tubaka, “Ya kieleka Nzambi ke sala yawu ve. Kasi Yandi zaba ti nge ke vwanda na ndwenga mpe.” Beno me mona?

¹³⁴ Na kutulaka ndwenga ya yandi yina me telemina Ndinga ya Nzambi. Ya kele na ndwenga yina mu ke na kuzonzila. Beno me mona? Ndwenga yina me telemina lukwikilu, yina ke nwanisa lukwikilu. Bitumba ya ntete kele. Mpe Ndinga ya Nzambi vwandaka kangama ngwi mpe kieleka. Ntangu bawu mekaka yina ba yiminaka, bawu kufwaka; mpe vwandaka, kubanda ntangu yina. Beno me mona? Ya kele kisika, ya me siamisama kaka kuna, kukondwa kivudi ya ntembe.

¹³⁵ Ntangu yayi beto ke zonzila yawu mwa ntangu fyoti. Ntangu yayi, mu kuzwaka Genèse 3:1, 17, mpe ntangu yayi. . . to 1 na 7, mu zola tuba, mpe ntangu yayi, ntangu yayi, kisika ndwenga kele na bangindu. Bantu yikwa ke kwikila yawu ntangu yayi? Beno tuba, “Amen.” [Dibuundu me tuba, “Amen.”—Mu.] Beno me mona? Beno ke tuba ntangu yayi. . .

¹³⁶ Badokotolo tubaka, “Mbote, mu ke tuba na nge.” Ntangu yayi beno tala, beno baka mwa kento yayi mu pesaka kaka kimbangi ya kimbangi ya yandi. Dokotolo tubaka, “Kima mosi ve nge lenda sala. Nge me kwenda. Kivuvu kele ve samu na nge. Kwenda na yinzo ya bambevo ya yintu. Nata yandi kuna.”

¹³⁷ Yandi tubaka, “Ntete mu kwenda kuna na mosi ya ba-cellule yango, mu ke kufwa munu mosi.”

¹³⁸ Mpe na manima yinki? Nzambi kotaka na kusalu. Mpe na nzila ya mikanda ya yandi, kisika mosi kuna na zulunale mosi kuna na Kansas, katuka Bloomington, na Illinois, yandi kuwaka. “Lukwikilu ke kwizaka na nzila ya kuwa.” Beno me mona? Mbote, bakala ya yandi vukisaka yandi kintwadi. Ba vwandaka bankundi ya kieleka, ya luzolo mosi na yankaka.

¹³⁹ Beno banza. Bamvula yiya, mpe ba-lipaso yiya ya kulutila nene; kumi na tanu, bilembiki kumi na sambanu. Ya kele mingi samu na kufwa muntu yina ke kufwa. Beno me mona? Mpe bantunga yina nionso, bambala zole to tatu na sabala mosi. Mpe mu zaba mosi ya bawu vwandaka Lexron, mpe mu me zimbana yina yankaka vwandaka. Ya vwandaka kima mosi samu na kondisyo ya yintu. Yandi vwandaka baka bantunga yayi, mpe, na ngaanda ya yina, bankisi zole ya kulala. Mpe yandi vwandaka ata fyoti ve kulala, na yawu. Mipasi, kubela kilumbu nyonso, mpimpa nyonso, mvula na mvula mpe mvula na mvula. Kima ve zolaka salama.

Kasi, “Lukwikilu ke kwizaka na nzila ya kuwa.” Beno me mona?

¹⁴⁰ Ntangu yayi, ntangu yandi kumaka kuna, Nzambi tulaka yandi na estrade, ntete mosi. Beno me mona? Mpe na yinki. . . Samu na yinki, yinki? Ntangu mu belamaka na yandi, mpe mu tubaka, “Wapi faso, mpangi ya kento?” “Wapi faso?” Yandi kuwaka ata fioti ve kima mosi samu na yayi. Yandi zaba kima mosi ve samu na yawu. Kasi yandi tubaka, “Nge kele Mama *Kingandi*. Nge me katuka na Kansas.”

¹⁴¹ Ntangu yayi, na nswalu, yina ke nata yandi na—na kubanza. “Beni vingila fyoti. Mu kuwaka kaka yandi kutuba, ti, ‘Klisto vwandaka mutindu mosi mazono, bubu yayi, mpe kukonda nsuka. Mpe awa beto me siamisa, na kati ya Biblia, na nkokila yayi, ti Klisto silaka na kumonana na bilumbu ya nsuka, na kati ya Dibuundu ya Yandi, mpe bima yina bawu salaka kuna na Sodome, mpe nionso yina, kele mutindu yandi longaka.’ Yinki kele dilongi ya munu ya kuzibuka. “Samu, ntangu yayi, awa mu ke mona yawu kusalama, kaka awa.” Beno me mona? “Ntangu yayi, yinga.”

¹⁴² “Ntangu yayi, nge me vwanda na badokotolo mingi. Nge me kuzwa balipaso yiya.”

143 “Wapi kisika yandi ke kuzwa bansangu yina? Wapi kisika ya me katuka? Mwa bakala yina ya dibandi, yandi zaba yawu ve. Wapi sika yawu me katuka?”

“Mpe na nzila ya nge awa, kima kingandi.”

144 “Beno tuba!” Beno me mona? “Ntangu yayi, ya kele kieleka yina yandi me longa. Ya kele Ndinga.”

145 Kasi, beno zaba, Satana tubaka, “Beno zaba, beno ke ndima yawu, pasteur ya beno. . .” Yina kele ve na kima ya kusala na yawu. Beno me mona? Beno basisa bangindu. Beno me mona? “Kasi dokotolo ya beno tubaka ti beno fwana kwenda na yinzo ya bilawu.” Beno losa ntama bangindu.

146 “Mu ke na kuingila na kumona yina Nzambi ke tuba samu na yawu.” Beno me mona? Na yina Nzambi. . . Mu zabaka ve yinki ya kutuba. Na yina Mpeve bakaka yawu mpe sembaka yawu.

147 Yandi kwikilaka yawu. Yandi banzaka ata fioti ve, “Mvula na manima ya mvula, na manima ya mvula, yandi vwandaka na kiadi, mabanza kwendaka, balipaso mpe nyonso, bima nyonso yayi; mbote, ya kele mbote ve, beno banza ti mu lenda beluka awa, na sekonde mosi.” Kasi yandi banzaka ve na kubanza. Yandi kwikilaka kaka. Lukwikilu salaka yawu, mpe yandi belukaka, na ntangu yina ya vwandaka na mpasi.

148 Beno ke zola kusonika na yandi, mbote, Billy lenda pesa beno adresse ya yandi. Mbote mingi, ntangu yayi. Ntangu yayi, te- . . .

149 Ndwenga ke banzaka. Ntangu yayi. . . Kasi lukwikilu kele ve na mbanzulu. Ya ke sala kima mosi ve kasi kukangama na Ndinga. Ya ke kangama na nsilulu.

150 Ntangu yayi beto tanga mwa fyoti. Beto baka Romain, kapu ya 4, mpe beto tanga kaka mwa fyoti. Mpe ya kele tii beto ke kuma kieleka ya kukangama, beto ke tanga kaka Masonuku yayi, ba-Romain, kapu 4. Samu ti, kieleka mu zola kutanga Ndinga. Ya ke sala beno mbote na—na kutanga Yawu. Romain, kapu ya 4, mpe beto banda na nzila ya 17. Beno kuwa.

151 Paul, na kupesaka mulabu na luzingu ya Abraham, beno zaba, ya kele ve na kima yina me tubama samu na Abraham yina ke na kutambula na Guérar, mpe kima mosi ve na mulabu, beno zaba. Ya kele kaka, “Abraham kwikilaka na Nzambi,” Paul, ntumwa yina ya nene, na kupesaka mulabu na Abraham.

152 17nzila, “Mutindu ya kele ya kusonama. . .” Mu zola yawu: Paul, kuvwanda na Ndinga.

(Mutindu ya kele ya kusonika, mu me sala nge tata ya bayinsi mingi,). . .

153 “Mu ke na yawu.” Abraham vwandaka na bamvula makumi sambwadi na tanu. Yandi zingaka na kento ya yandi kubanda yandi vwandaka. . . bawu zole vwandaka ntwenya. Ya vwandaka

mpangi ya yandi ya kento. Ata bana ve; yandi vwandaka kisita mpe yandi vwandaka kisita. Kasi Nzambi kutanaka na yandi mpe tubaka, “Mu me kuzwa,” na ntangu me luta, ntete mbandukulu ya yinza, kieleka, “me sala nge tata ya bayinsi mingi.” Bana mingi ve, kasi bayinsi mingi. Beno banza kaka na yawu.

. . . ntete yandi yina yandi kwikilaka, Nzambi, ata Nzambi, yina ke kindisa bantu ya kufwa, mpe ke bokila bima yina vwandaka ve mutindu ti ya vwandaka.

154 Ya kele samu na yina ve, ata fyoti ve. Beno kuwa.

. . . ke bokilaka bima yina vwandaka ve mutindu ti ya vwandaka.

Nani ke telemina kivuvu . . .

155 Oh! “Ata kivuvu ve.” Yinki zolaka salama kana yandi zolaka kubanza? “Ata kivuvu ve.”

Yina ke telemina kivuvu yina kwikilaka na kivuvu, ti yandi lendaka kuma tata ya bayinsi mingi; landila yina ba zonzaka, Mutindu mosi nkuna ya nge ke vwanda.

156 Ya lenda vwanda nyonso yina kima yankaka me tubama. “Nzambi tubaka yawu, mpe yina ke sukisa dyambu.” Oh, kana Eve zolaka kangama kaka na yawu! Beno me mona? Kasi yandi telamaka, samu na kubanza, samu na kuzwa ndwenga mosi. Abraham zolaka ve ndwenga mosi. Yandi zolaka kaka Ndinga. “Nzambi tubaka yawu, mpe yina ke sukisa yawu.”

157 Beno zaba, mu longaka na zulu ya yawu, bambala mingi. Yandi kwendaka mpe sumbaka bavunga mpe ba-epingle, mpe nionso, kubamaka samu na bébé yango, mpe Sara salaka baboti. Mpe mvula na manima ya mvula me luta. “Nkembo na Nzambi, beto ke kuzwa yawu, na mutindu nyonso. Ya kele kieleka.”

158 “Kasi, yandi,” dokotolo ke tuba, “mbote, yandi lenda ve kuzwa yawu. Nge lenda ve kuzwa yawu.”

“Mpe kutuba na munu ve. Beto ke kuzwa yawu, na mutindu nyonso. Kaka yina.”

159 “Kukondwa kivuvu, kasi yandi kwikilaka na kivuvu.” Kivuvu me kwenda, kasi yandi kwikilaka na yawu ntangu kivuvu me kufwa, na yandi. Kivuvu vwandaka ya kufwa samu na kusosa-sosa nionso ya bantu, yinto nionso ya ndwenga. Kivuvu vwandaka diaka ve, kasi yandi vwandaka kwikila na yawu. Yinki ya vwandaka? Lukwikilu na kati ya yawu; lukwikilu na kivuvu ntangu kivuvu vwandaka kuna ve. Hum! Mu ke zola kukangama na yawu na mwa ntangu fioti. Lukwikilu na kati ya kivuvu ntangu kivuvu vwandaka ve, kasi yandi vwandaka kwikila kaka na kati ya kivuvu. Beno me mona? Samu ti, yandi tubaka, “Yandi tubaka na munu, ‘Mutindu mosi bawu ke vwanda bankuna.’”

160 Ntangu yayi, nzila ya 19. “Mpe na kuvwandaka ve ya kulemba na ‘ndwenga, luzabu, vwandaka na diplome ya yandi’”? [Dibuundu me tuba, “Ve.”—Mu.] Ve.

. . . na kuvwandaka ve ya kulemba na lukwikilu, (Ah! Beno bawu yayi.) yandi vwandaka tala ve nzutu ya yandi mosi ntangu yayi ya kufwa, . . .

161 Kivuvu kwendaka. Nzutu ya yandi kufwaka. Beno kuwa, yina ke landa:

. . . ntangu yandi vwandaka na kutala bamvula nkama, to . . . kufwa ya kivumu ya Sarah:

162 Kivuvu vwandaka ya kufwa. Nzutu ya yandi vwandaka ya kufwa. Kivumu ya Sarah vwandaka ya kufwa. Yinki yandi salaka? Nzila yina vwandaka landa, “Yandi tulaka ntembe ve.” Oh, la la!

Yandi tulaka ntembe ve na nsilulu ya Nzambi na nzila ya kukondwa lukwikilu (ndwenga); kasi vwandaka na ngolo na lukwikilu, na kupesaka nkembo na Nzambi;

163 Oh, la la! Yinki?

Mpe na kuvwandaka ya muvimba ya kundima ti, yina yandi silaka, yandi vwandaka mpe na kiyeka ya kusala yawu.

164 Hum! Ya lenda vwanda ti, ya kele ve na dibanza samu na yawu, ata fioti. Yandi ke bakaka kaka Ndinga mpe ke kangama na Yawu. Ntangu yayi, kana Yayi kele Ndinga ya Nzambi, beno ke kwikila Yawu? Na yina samu na yinki kutula ntembe na Ndinga ya Yawu, nsilulu nionso ya Yawu? Wapi mutindu beno lenda tuba ti Yayi kele kitini, mpe Yayi kele mbote ve; mpe Yayi kele yina, beno baka yina beno zola? Ya lenda ve kusala yawu. Ya kele to nyonso mbote to ya kele na ata mosi ya Yawu mbote. Kieleka. Na yina, ntangu beno ke mona ti Ya kele Kieleka, beno baka Yawu. Beno bika Yawu ve, ata yinki mutindu mambu, wapi mutindu bawu ke meka na kubanza, “Samu na yinki, beno lenda ve.” Ve, kusala yawu ve, ata fyoti ve. Beno bikana kaka na Yawu. Nzambi silaka yawu.

165 Kana mu ke baka ntelamanu ya munu samu na Klisto, mpe Yandi me pesa munu Mpeve-Santu, Mpeve ya Yandi ke pesa kimbangi ya kimbangi ya Luzingu ya Yandi na kati ya munu. Na ntangu yina ntangu mu ke kufwa, Satana ke meka, na kutuba, “Ntangu yayi, beno me mona, beno kele ve ya organisation.” Beno vwanda kaka na Ndinga. “Beno salaka yayi ve. Beno salaka yawu ve.” Ata nyonso yina, Satana kele na ata dibanza na zulu ya Yawu. Ya kele Ndinga ya Nzambi. Beno vwanda na Ndinga. Beno me mona? Ya ke kubwisa bangindu nionso. Beno me mona? Beno kele ve na mbanzulu; beno kangama kaka na Ndinga. Beno me mona?

166 Ntangu yayi, lukwikilu ke tulaka kaka kivuvu na Ndinga ya Yandi. Beno me mona? Ya kele yina Yandi zolaka ti bawu kusala. Ya—ti, ntangu yayi, beno ke kuzwa lufulu ntangu yayi. Ya kele kieleka yina Nzambi zolaka ti bantu kusala: kutula kivuvu na konso Ndinga Yandi tubaka.

167 Mpe Eve tulaka kivuvu na Yawu mingi. Kasi mwa kima mosi yandi ndimaka, “Mbote, kana mu me kuma ya kufuluka na ndwenga, mu banza—mu banza ti ya vwanaka mutindu yina. Mu banza ti ya fwana vwanda mutindu *yayi*.” Beno me mona? Na yina ya kele kisika yina yandi zimbisaka kusimba. Ya kele kisika yina yandi bandaka na kudyama, kaka kuna. Ya kele kisika yina dikanda nyonso ya bantu kwendaka mbala mosi na ndyamu, katuka kaka kuna, samu ti yandi salaka ntembe na Ndinga mosi.

168 Bayankaka na kati ya bawu ke tuba, “Mbote, mu ke kwikila ti *Yayi* kele kieleka. Mu ke kwikila ti *Ya* kele kieleka. Mu ke kwikila ti Nzambi lenda vulusa, kasi mu ke kwikila ve ti Yandi ke belusa. Mu ke kwikila ti Mpeve-Santu, ya kieleka, kubwaka na Kilumbu ya Pentecote, kasi ya kele ve na kisika yina kima mosi ke tuba ti Mpeve-Santu kulumukaka, na manima ya Pentecote.”

169 Oh, mpangi! Ya kele mutindu bawu ke tubaka yawu; bawu ke kukibokila bawu mosi mabuundu ya Klisto. Beno me mona? “Ke lakisa mutindu ya kinzambi, kasi ke manga Ndinga ya yawu.” Huh! Uh-huh! Yawu yina. Beno me mona?

170 Beno fwana kwikila. Beno banza ve. Beno kwikila. Beno meka ve na kuvwanda na ndwenga. Beno kwikila kaka na Ndinga.

171 Ndwenga ke mekaka na kubanza mpe ke lakisa nzila ya kulutlila mbote. Ntangu yayi, ya kele kieleka yina Satana tubaka na Eve. “Ntangu yayi, beno ke kufwa ve. Ya kieleka beno ke kufwa ve, samu ti Nzambi kele Nzambi ya mbote.”

172 Yandi kele Nzambi ya mbote. Mpe mutindu kaka mu lenda tula kivuvu na Yandi, samu na kuvwanda Nzambi ya mbote, ti Yandi ke kangama na Ndinga ya Yandi.

173 Wapi mutindu beno lenda vingila ti mu vwanda kieleka na ntangu mu kele ve kieleka? Kana mu tuba na beno kima mosi, beno sala kima yankaka, ndinga ya munu kele kitoko mingi. Beno me mona?

174 Ata ti, yinki ke sala Yandi Nzambi ya mbote, ya kele samu ti Yandi zonzaka Ndinga, mpe beto ke zinga na nzila ya Ndinga yina. “Muntu ke zinga kaka na dimpa ve, kasi na konso Ndinga ya Nzambi, ke basika na yinwa ya Nzambi.” Na yina, Nzambi fwana kangama na Ndinga yina. Yawu yina ke sala Yandi Nzambi ya mbote.

175 Ntangu yayi, kana Yandi tuba, “Mbote, mu ke bika bawu kukota na *yayi*. Munu, mu ke bika bawu kusala *yayi*. Mbote, *ya* kele nyonso ya kulunga. Oh, munu, mu ke—mu ke kwenda *awa*,”

na yina, Yandi kele koyi-koyi, beno me mona; Yandi kele Nzambi ve; Yandi kele—Yandi kele kaka muntu mutindu bantu nyonso. Beno me mona? Kasi, kuvwanda Nzambi ya mbote, Yandi fwana bikana na Ndinga ya Yandi. Yina ke tula konso mwana. . . Kana Yandi ke bika *yayi* kusala pite, *yayi* yankaka kunwa mwa fioti, mpe—mpe *yayi* yankaka ke vuna mwa fioti, yankaka *yayi* lenda yiba mwa, mpe yankaka yayi lenda sala—sala *yayi*; na yina beno tula munu kaka dikulu, samu na kukota?

¹⁷⁶ Yandi kele na nzila mosi, mpe nyonso yina ke kota ke kota na mwelo yina. “Mwelo kele ya fioti, mpe nzila kele ya fioti mingi. Mvindu ke kota ve kuna.” Kuna na Apocalypse, ya me tuba, “Na ngaanda bandoki nionso, bantu ya kisunza, bayimbwa, mpe nionso.” “Kyese na beno yina ke salaka misiku ya Yandi nyonso, ti yandi lenda kuzwa muswa na Yinti ya Luzingu.” Ya kele kieleka. Ya kele na mutindu mosi, ya kele ya Nzambi.

¹⁷⁷ Beto ke banzaka yawu ve, na mutindu yankaka ve. Mbote, dibuundu ya Rome ke tuba, “Beto kele Dibundu. Biblia yango—yango kele ve ya kulunga. . . Mbote, mbote, Yawu, beno lenda ve. . .” Bishop Sheen tubaka, “Samu na kumeka na kuzinga na Yawu, vwandaka mutindu kutambula na kati ya potopoto ya bamaza.” Beno me mona? Beno me mona? Wapi mutindu beno ke sala yawu? Beno me mona? Na ntangu yina, kana yandi kele kieleka, na yina Biblia kele luvunu. Biblia kele kieleka; yandi kele na foti. Ntangu yayi yinki beno ke tuba? Kana Ndinga ya Nzambi kele kieleka, ya kele to Évêque Sheen to—to Biblia. Ve kaka Bishop Sheen, kasi Révérend *Kingandi*, mpe Docteur *Kingandi*, mpe *Kingandi*. Mu lendaka ve kubokila nkumbu ya bakala yango, tii kuna yandi tubaka yawu na radio. Na yawu, yandi tubaka yawu na ladyo, na yawu mu banza ti mu lenda bokila nkumbu ya yandi. Docteur *Kingandi* mpe *Kingandi*, tubaka *yayi-mpe-yayi* mpe *yayi-mpe-yayi*. Ntangu yayi nani beno ke kwikila, Nzambi to bayankaka?

¹⁷⁸ “Mbote,” beno ke tuba, “Ya kieleka ya zola kutuba yawu ve kaka Mutindu *yayi*.” Ya zola kutuba kaka mutindu yina Yawu kele ya kusonama.

¹⁷⁹ Mbote, ya kele luvunu ya ntete ya dyabulu. Yandi tubaka na Eve, “Ya kieleka ya zola kutuba mutindu *yina* ve. Ya kieleka Nzambi kele mbote mingi na kusala yawu. Beno ke kufwa ve.” Kasi bawu salaka. Mpe bawu ke, konso ntangu. Bawu fwana kukutana na Ndinga!

¹⁸⁰ Ndwenga ke mekaka na kubaka nzila ya kulutila mbote, mutindu ya bantu ya bilumbu yayi, mutindu ya kuzabana mingi, . . . nzila ya kukondwa mpasi, beno tala yawu mosi bisika nyonso.

¹⁸¹ Kaka ntangu yayi, beno baka muntu mosi awa, mu banza ti Nzambi ke sala na yandi. Ntangu yayi, yandi ke banza ti yandi fwana kwiza. Yandi fwana sala kento ya yandi kubelama

kaka na nzila. Yandi fwana bika bansaka ya bakalati ya yandi. Yandi fwana bika kukwenda na makinu. Kento ya yandi fwana bika nsuki ya yandi kukula. Yandi fwana bika kupakula. Yandi fwana bika kunwa makaya, kunwa malafu. Yandi fwana basika na kimvuka yina ya nene yina yandi kele. Yandi zolaka kukikulumusa yandi mosi na autel. Yandi fwana kutelama mpe kubokila yandi fanatiki, exalté, Béelzéboul, nyonso yina ba lenda bokila. “Mu ke vwanda musambidi, kasi mu ke kulumuka *awa*, kota na dibuundu yayi *awa*. Nge me kuma fyoti mingi.” Beno bawu yayi. Beno me mona? Ya kele na kikuma mosi, kikuma.

¹⁸² Ntangu yayi beto ke kuma na kisika ya nene, na mwa minuti fioti, na zulu ya yawu. Beno me mona? Wapi mutindu beno ke zaba yina kele mbote mpe yimbi, na yina? Beno me mona?

¹⁸³ Ntangu yayi, ke meka na kusala ti Ndinga kutuba kima mosi, luzabu ke salaka. Luzabu, ndwenga, ke meka na—na kubanza. Ndwenga ke talana mutindu ya kulutila mbote. Ya kele ve na mutindu yankaka kasi mutindu ya Nzambi. Ndwenga ke mekaka na kulakisa, ke tuba, “Oh, mbote, ntangu yayi, beno zaba, beto lenda ve kusala yawu na ntangu *yayi*.” Beto fwana sala yawu, na mutindu nyonso. Beno me mona? Kumeke kuzwa nzila ya pete-pete. Kumeke na kusala Biblia kutuba bima yina Yawu ke tuba ve.

Ntangu yayi beno ke tuba, “Oh, Mpangi Branham, ntangu yayi nge kele. . .”

¹⁸⁴ Beno vingila kaka mwa ntangu fyoti. Beto ke vutuka dyaka na nkuna. Yinki ya vwandaka dyabulu mekaka na kusala na ndwenga? Kusala Ndinga ya Nzambi kutuba kima yina Yawu tubaka ve. Ya kele kieleka. Yandi mekaka na kusala Ndinga ya Nzambi kutuba kima yina Yawu tubaka ve. Na yawu ya kele mutindu ya ke kwizaka bubu yayi, ntangu bawu ke meka na kusala Ndinga ya Nzambi kutuba kima yina Yawu ke tuba ve.

¹⁸⁵ Mbote, bawu ke tuba, “Mbote, mu ke tuba na nge, Mpangi Branham, nge kele ve na lutendulu ya mbote.”

¹⁸⁶ Biblia ke tuba, ti, “Profesi kele ve lutendulu ya muntu yandi mosi.” Samu na yinki? Samu na yinki ya kele ve lutendulu ya muntu yandi mosi? Samu na yinki? “Ndinga ya Mfumu kwisaka na bapofete.” Ba me tendula yawu na nzila ya profete. Ya lenda vwanda ve na lutendulu, muntu yandi mosi. Bapofete me tendula Yawu yimeni na beno. Yawu yina, ya kusunama kaka Kuna. Ya kele mutindu ya fwana vwanda.

¹⁸⁷ Nzambi fwana kuzwa kima mosi ya misiku yina bantu nyonso fwana kufundisama.

¹⁸⁸ Kana ya kele na nzila ya dibuundu, nani kele kieleka? Pene ya bankama yivwa ya bawu, bankama yivwa ya ba-organisation. [Mpangi Branham me kosola—Mu.] (Beno lemvokila munu.) Nani ya bawu kele ya kusungama? Wapi mutindu beno ke zaba ti beno ke kota? Yinki ke salama kana beno kele Methodiste, mpe

ti Baptiste kele ya kusungama? Yinki kana beno kele muntu ya Pantekote, ba-Presbytérien kele ya kusungama? Yinki kana beno kele muntu ya Katolika, mpe ti bantu ya Luther kele ya kusungama? Yinki kana beno kele Luthérien, mpe ti bantu ya Katolika kele ya kusungama? Beno me mona?

¹⁸⁹ Ya fwana vwanda na lufulu mosi kisika mosi. Na yawu kana Ndinga. . .

¹⁹⁰ “Na mbandukulu vwandaka Ndinga, mpe Ndinga vwandaka na Nzambi, mpe Ndinga vwandaka Nzambi.” Beno me mona? Ndinga vwandaka na kati ya Nzambi. Ya vwandaka Nzambi. Ya vwandaka mabanza ya Yandi yina vwandaka na Yandi, ntangu nyonso Kuna. Mabanza ya Nzambi kele Seko mutindu Nzambi kele. Amen. Ya kele ve miliki ya mpamba, mpangi. Beno me mona? Yawu yayi ke na kwiza. “Mabanza ya Nzambi vwandaka Ndinga ya Yandi, na mbandukulu,” ya kele, “na Seko,” ntangu yayi, ntangu “mbandukulu” bandaka ntete, ntangu. “Na mbandukulu vwandaka Ndinga, mabanza ya Nzambi, mpe Ndinga vwandaka na Nzambi, mpe Ndinga vwandaka Nzambi.” Beno me mona? Mabanza ya Yandi kele yina Yandi vwandaka.

¹⁹¹ Ya kele beno, mpe. Yinki mabanza ya beno kele yina beno kele. Ata nyonso yina beno ke meka na kuzinga, na nzila ya kima yankaka, mabanza ya beno kele yina beno kele. Beno lendaka landila, kusala mutindu muntu ya mbote, kasi na kati ya ntima ya beno beno kele muntu ya bizumba mpe nyonso yina kele. Ya kele yina beno kele, mabanza ya beno.

¹⁹² Mpe mabanza ya Nzambi vwandaka Ndinga ya Yandi yina vwandaka na Yandi mpe na kati ya Yandi, mpe Yawu vwandaka Nzambi. “Na mbandukulu vwandaka Ndinga, mpe Ndinga vwandaka na Nzambi, mpe Ndinga vwandaka Nzambi. Mpe Ndinga yina kumaka muntu.” Mabanza ya Nzambi me tubama na kati ya nzutu ya muntu, “Me kuma nsuni, mpe me zinga na kati-kati ya beto.” Yawu yina.

¹⁹³ Ntangu yayi, kana beno kele na Luzingu ya Kukonda nsuka bubu yayi, beno kele na kati ya Nzambi. Na nzila ya Nzambi kele na kati ya beno, beno kele dibanza yina Nzambi me tubama. Fiou! Na yina, beno kuwa ve bangindu nionso, samu beno baka ve yimpu ya beno, beno pesa yawu na yankaka. Beno baka ve bambanzulu nionso, ata fyoti ve. Beno kwikila kaka yina Nzambi tubaka kele Kieleka, mpe beno vwanda na Yawu.

¹⁹⁴ Bangindu, na nzila ya ndwenga, kumeka kusala ti Ndinga kutuba kima yina Yawu ke tuba ve.

Ntangu yayi beno ke tuba, “Ya kele kieleka, Mpangi Branham?”

¹⁹⁵ Mbote, beto vutuka kaka na Genèse mpe beto mona. Beto baka Genèse, kapu ya 3 ya Genèse, mpe beto ke tanga nzila ya 4, beno tala kana—kana ndwenga kumeka kusala Ndinga kutuba kima yina Yawu kele ve. Kapu ya 3 ya Genèse, nzila ya 4.

Mpe nyoka tubaka na kento, Beno ke kufwa ve ya kieleka:

196 Beno me mona yinki ya ke talisa? Yinki ya kele? Kumeka na kusala Ndinga kutuba kima yina Yawu ke tuba ve. Beno me mona?

Nzambi tubaka, “Nge ke kufwa.”

197 Ndwenga, mutindu Satana vwandaka talisa yandi, tubaka, “Nge ke kufwa ve ya kieleka.” Beno me mona? Ya ke na kumeka na kusala Ndinga kutuba kima mosi, ti, “Ya kele ve mutindu yina.”

198 Yawu yina ndwenga kele bubu yayi. Oh, mpangi-bakala, wapi mutindu beto ke wumela na zulu ya yawu ve! Baseminere, balukolo ya théologie, ya kele yinzo ya bawu ya kieleka. Yina kele misisa ya matiti ya bawu, ke na kumeka na kusala Ndinga ya Nzambi kutuba kima yina Yawu ke tuba ve.

199 Mu ke sala ntembe na muntu nyonso na kulakisa munu Credo ya Bantumwa na kati ya Biblia. Mu ke telemina muntu nyonso na kulakisa munu “kominyo ya basantu” na kati ya Biblia. Bawu nyonso zole ba-Protestant, ba-Katolika ke kwikilaka yawu. Mu ke sala ntembe na beno na kulakisa munu bima nyonso yina, na kati ya Biblia. Beno me mona? Ya kele bansimbulu ya ndwenga ke na kumeka na kubanza.

200 “Mvita ya beto kele ve nsuni, kasi ya ngolo, ba ke losa bangindu nyonso, beno me mona, ba ke katula muningu ya yimbi ya Satana.” Kivangu yina ya nene, ya kitoko, ya kitoko! Ya kele ve na glasre; ve, ve, ya kele na kati. Kasi, na ngaanda, disumu kele bambala zole kitoko mingi. Beno zaba, disumu kele kitoko.

201 Babakala yikwa na kati awa, mpe bakento, me luta bamvula makumi tanu? Beno telemisa maboko ya beno. Mu salaka ve. . . Mu zolaka yufula bakento ve. Kasi mu. . . Beto nyonso ke ndima kieleka. Mu zola kuyufula beno kyuvu. Beno me mona bubu yayi ti bakento yina kele bambala zole kitoko, na kutala, mutindu ba vwanika vwandaka, na zulu ya kima mosi, lutangu ya yinza ya muvimba? Kana ya kele mutindu yina, beno telemisa diboko ya beno. Kieleka. Bawu kele bambala zole kitoko mingi mutindu bawu vwanika vwandaka.

202 Beno kuzwa bafoto ya ntama. Beno tala nkooko ya kento; ba-jupe ya yandi ya yinda; yina vwanika semba nsuki ya kubwa na manima ya yandi. Yandi vwanika ve kitoko mingi samu na kutala.

203 Beno tala yina ya bilumbu yayi bubu yayi. Mwa robe mosi ya kukangama na mpusu, ti, bitini nionso ya nzutu, yandi lendaka tambula ve kukondwa kusumusa. Yandi ke tambula, ke luta na bala-bala, na ba-maquillage nionso mpe ba-cosmetique Max Factor lendaka tula na zulu ya yandi, kieleka. Yandi ke yidika bansuki ya yandi mutindu mwa ntwenya mosi ya kento. Yandi ke

Iwata kaka mwa simisi na zulu, pene-pene, na zulu ya mabolongo ya yandi, kana yandi kele na mosi, na nionso. Kasi, beno tala yandi, yandi kele kitoko. Satana zaba mutindu ya kusala yawu. Yandi kele mfumu ya kitoko, mutindu ya kitoko yina ke nataka na disumu.

²⁰⁴ Ntoto, yawu mosi, kele kivumu. Wapi kisika Nzambi tulaka bankuna ya Yandi? Wapi kisika ba me tula bankuna? Na kati ya kivumu. Nzambi tulaka bankuna. Mpe yinki muntu ke salaka? Mutindu bampeve ya yimbi, na kati ya kivumu, yandi ke sala mwana ya kutengama kana yandi lenda sala yawu. Ya kele yina bampeve ya yimbi me sala na zulu ya ntoto, kuvukisa bankuna, kusala bivangu, ya kele ve mutindu yina. Mu ke sala mbote na kubika yawu; mu ke kuma ata mbala mosi ve na yankaka ya yayi awa, mu sonikaka. Beno zaba yina mu zola kutuba. Ya kele samu na yina ya kele na kivangu ya kutengama na kutala ba ke losa yawu. Nzambi me manisa na yawu. Yinza kele nyonso na ngaanda ya ndonga. Nyonso kele yimbi. Yinto ya maza kele ya kupola. Mupepe kele ya kubeba. Mvindu! Nsunga ya yimbi!

²⁰⁵ Indien ya kiboba, ntama mingi ve, yandi tubaka, “Mundele, mu zola zinga diaka ve. Mu ke manisa na kunwana.” Yandi tubaka, “Wapi kisika kele ba-bébé ya munu? Bawu kele na nsatu ya lufwa? Wapi kisika kele kento ya munu?” Yandi tubaka, “Na ntwala nge kwisa awa na bakento ya nge mpe whisky, mpe disumu, beto vwandaka zinga na ngemba. Ya kele ntoto ya beto. Nzambi pesaka yawu na beto, kasi nge ke na kukatula yawu na beto. Nge ke futa yawu, kilumbu mosi.”

²⁰⁶ Beno tala yawu, bubu yayi. Bantoto yango ya kuyuma ya nene, ya kitoko mpe myongo ya kifuluka na nsunga ya yimbi, disumu, bambwata ya whisky, ba-canette ya bière. Konso kisika kele ya kifuluka na ba-poire mpe buzoba. Reno, Nevada, ntoto yango ya kuyuma kuna, ya kele ve kima kasi kindumba. Bamba ya nene kele, tii mupepe mpe atimosifere me beba. Kisika mbala mosi myongo ya kitoko yelaka, ntangu yayi ba ke zenga yandi na mitindu nyonso ya bima yankaka. Kisika bayinti yelaka, ba zengaka yawu. Kisika bantoto ya kuyuma, bamaza kuzwaka kimpwanza, ya me beba. Yinza ya muvimba ke kuzwa mbokolo. Ntoto ke pesa mwana ya yandi na nkuna. Ba me bebisa yawu, na nzila ya bampeve ya yimbi ke na kupanza yawu, na kusalaka yawu, ya kieleka, ya kele—ya kele kivangu yina ba me bebisa. Nzambi ke losa yawu mpe ke banda dyaka. Ya kele kieleka.

²⁰⁷ Yinki yawu me katuka? Muntu mosi yina vwandaka kwikila mwa... kukondwa kukwikila mwa kitini mosi ya Ndinga ya Nzambi.

²⁰⁸ Ntoto ya muvimba ke na kunionga. Biblia ke tuba, ti, “Yinza yawu mosi ke na kunionga samu na kilumbu yina ya kulemba, na kuingilaka bakumonisama ya bana ya Nzambi.” Bayinti ke

na kunwana, na mpamba. Bafelele ke na kumeka na kusema mutindu ya . . . Kasi, ba ke na kunionga mpe ke na kudila, mpe zaba ti ya kele na kima ya yimbi. Ba me bebisa! Kivumu lenda ve kubuta ya kulunga yina, samu ti ba me bebisa yandi. Ntoto ke basisa nsunga ya yimbi. Yandi me vimba na menga yina zaba dyambu ve. Yandi kele . . . Yandi kele mutindu . . .

209 Mu lendaka tuba kima mosi, ya lendaka vwanda yimbi mingi. Ya kele—ya kele—ya kele nsunga ya yimbi. Nzambi tubaka, “Ya kele nsunga ya yimbi,” na ntwala ya Yandi, mvindu ya kulutula. Beno tambula na kati ya kivinga ya kupema, na bisika ya kusuba, mpe ya ke kaka na nsunga ya nsunga ya yimbi, na mikolobo. Ya kele kieleka yina yinza ke kuwaka nsunga, mpe, mutindu Nzambi ke kuwaka nsunga na yawu. Mvindu, kima nyonso kele mvindu.

210 Nzambi ke pasula yandi bitini-bitini. “Mu ke vanga mazulu ya malu-malu mpe ntoto,” Yandi tubaka. Yinga, tata.

211 Yinki ya kele? Kivumu ya yandi me buta ve Millenium. Yandi me basisa kima yina ba me bebisa. Samu na yinki? Na kumekaka na kuvwanda ndwenga.

212 Mu ke na kima mosi ve ya kutelemina Floride. Mu zola tuba yayi ve samu na beno bantu ya Floride. Kasi ntangu mu zabukaka mpe mu kwendaka na Floride mbala ya ntete, mpe mu vutukaka na ndilulu ya Georgie kuna, Mu telamaka kaka kuna mpe mu tubaka, “Mutindu muntu ya yinsi ya Amerika, mu pesaka munu ndambu ya yawu na ba-Seminele ya munu kisika ya kele.” Na yina, ba ke keba mbote mingi balupangu ya bawu kulutula ba ke sala na bansuki ya munu, nionso kele ya kifuluka na mansala. Bayinti ya diba kele na minda bisika nyonso na zulu ya yawu. Ba bwatu ya nene ya kitoko mpe nionso, ke meka na kunata Millenium kukondwa kubalula ntima. Samu na munu, ya kele kinkuku ya kima mosi ve.

213 Mafuku ya bambala kulutula, mu ke zola mingi kumata na Colombie Britanique, na zulu ya mongo, mpe beno tala na zulu ya myongo yina Nzambi vangaka, mpe maboko ya muntu ata mbala mosi ve simbaka yawu. Kieleka.

214 Beno kwenda na bambanza yayi, bayinzo ya nene, yina, yina kele ve, yina ke benda munu. Mu ke yinaka kima ya mutindu yina. Beno me mona?

215 Kasi mu zaba ti kilumbu mosi, kilumbu mosi, ba ke soba yawu. Yandi ke basisa mwana ya yandi ya mpasi. Ntoto, ba ke soba yandi, kilumbu mosi. Ok.

216 Lukwikilu ke kwikilaka ti ya kele ya kusonama, mpe ke tuba, “Ndinga kele ve na bakiti.”

217 Beno me kuwaka ntete balongi kutuba, “Mbote, mu ke tuba na beno, Lubangulu Ya Ntinu Jacques, to Lubangulu yayi yina ba me Yidika diaka, to *yayi* awa, ya kele kaka—ya kele kaka

mwa luswaswanu fioti. Ya kieleka, kieleka ya zolaka ve kutuba mutindu Yina”? Beno me kuwaka yawu? [Dibuundu me tuba, “Yinga.”—Mu.] Oh, la la! Yinza me beba na yawu. Beno me mona? Kasi lukwikilu ke kwikilaka yawu ve.

²¹⁸ Lukwikilu ke kwikilaka, Nzambi yina lenda sala munu, lenda bumba Buku yina na ndonga samu na munu kuzinga. Kana Nzambi Yina salaka munu ke sambisa munu, lenda ve kuzitisa Buku ya Yandi na ndonga, na yina Yandi kele Nzambi ya mputu mingi. Beno bawu yayi. Mu ke kwikila ti konso Ndinga ya Yawu kele Kieleka. Yinga, tata. Yinki yayi ke sala, na kukwikila yawu? Ya ke pesaka lukwikilu kisika ya kulunga ya kupema na kati ya Yawu. Beno me mona? Beno lenda ve kukwikila ve, ti Ndinga yango kele ya kuvukana, na mutindu nyonso. Beno fwana kwikila Yawu kaka mutindu Yawu kele.

²¹⁹ Kana beno meka na kusadila ndwenga, samu na kutuba, “Ntangu yayi beno tala awa. Ya kele mbote ve ti Nzambi tubaka ti ya ke sala kima mutindu *yayi*.” Kasi Nzambi salaka yawu. Beno me mona? Ya kele kieleka. Ntangu yayi, kana beno tuba, “Mbote, ntangu yayi, kana Nzambi salaka *yayi*, kana Yandi bakaka luzingu ya muntu samu ti yandi vwandaka ve Levite, mpe tulaka diboko ya yandi na zulu ya Nzasa ntangu Yawu zolaka kubwa.” Ata wapi mutindu yandi vwandaka, Yandi bakaka luzingu ya yandi samu na yawu.

²²⁰ Nzambi tubaka, “Kaka ba-Levite, yandi mosi, zolaka simba Yawu.” Yandi bakaka yawu. Ya kele samu na yina David ningisaka, beno zaba. Beno me mona? Levite, vwandaka kima ve kasi Levite zolaka simba Nzaza yango. Mpe awa Nzaza vwandaka, vutukaka kaka samu na reveil, mpe mosi na ngaanda ya yawu vwandaka meka na kusimba Ndinga.

²²¹ Yina ke lakisa ti kaka mupakulami ya Nzambi kele kusimba Ndinga yina. Ba-credo yayi mpe ba-denomination yayi kuzwaka ve mumbongo na kubebaka na Yawu. Kaka Mpeve-Santu me kuzwa muswa ya Ndinga yina, mpe ya kele lufwa samu na muntu nyonso yankaka na kusimba Yawu. To, kukondwa kukwikila na Yawu, to kulonga yawu, “Mutindu mosi ba ke katula yandi, ndambu ya yandi, na Buku ya Luzingu.” Beno tula ve maboko ya beno na zulu ya Yawu. Beno vwanda ntama na Yawu. Beno kuwa. Beno kwikila kaka yina Yawu ke tuba. Beno baka ve ndinga ya muntu yankaka. Beno baka yina Yawu me tuba. Beno bikana kaka na Ndinga. Ya kele lufwa samu na kusala kima yankaka na Yawu. Ntangu yayi, samu ti ya . . .

²²² Yinki lukwikilu ke salaka? Ya ke kwikilaka Yawu kaka mutindu Yawu kele. Ya kele mutindu Nzambi bumbaka Yawu na kati ya nsungi, mpe Yawu yayi. Ya kele Ndinga ya Nzambi, samu na munu. Nzambi ke zitisa yawu. Ya ke pesaka lukwikilu ya kulunga na kukwikama ya Yawu.

223 Wapi mutindu beno zolaka kwela kento mosi kana ntwenya ya kento yina vwandaka—vwandaka me—me basika mpe me sala nyonso, mpe zingaka na kati ya kindumba mpe nyonso yankaka yina? Mpe—mpe, kasi, beno kwendaka mpe bakaka yandi na yinzo ya kindumba. Basika, mpe yandi vwandaka... Yandi tubaka, “Mbote, mu ke—mu ke meka na kuvwanda mwana-kento ya mbote mingi.” Beno lenda ve kuvwanda na lukwikilu na kento yina. Beno me mona? Beno lenda ve kusala yawu. Wapi mutindu kento lenda vwanda na lukwikilu na bakala yina me sala kima mutindu mosi? Beno lenda tunga ve lukwikilu ya beno kuna. Ya kele ve na kima ya kutunga na zulu ya yawu kuna. Beno me mona? Beno lenda ve kusala yawu.

224 Wapi mutindu beno lenda basika awa mpe kutuba, “Awa kele bwatu yina kele na mabulu mingi na kati ya yawu, mpe mu ke tula mwa matiti ya fyoti ya kifuluka na kati ya yawu. Mu banza, mu banza ya ke—ya ke telemisa kumata ya masa, samu na kusabuka nzadi?” Mpe mu ke zola ve kubaka siansi na zulu ya yawu, ntangu ya kele na mosi ya kuvwanda awa yina kele ya kutunga mbote. Kieleka.

225 Samu na yinki beto ke baka mwa théologie yina muntu me sala na mabulu na yawu nyonso? Ba me siamisa ti ya kele luvunu. Beno me mona? Ntangu, *awa* kele na mosi ya kuvwanda awa, yina kele kieleka Ndinga ya Nzambi, Yina telemisaka kumata ya masa, na kati ya kitembo nionso ya ngolo mpe kubula ya mupepe. Yandi me kangama kaka kieleka mutindu yandi lendaka vwanda. Ya ke vwanda ntangu nyonso. Mbote mingi.

226 “Mazulu na ntoto ke luta,” tubaka Yesu, “kasi Ndinga ya Munu ke luta ve.” Samu na yinki? Bawu kele ya Seko. Bawu vwandaka na mbandukulu. Yandi kwizaka kaka awa samu na kutuba Ndinga ya Nzambi. Yandi vwandaka nzonzolo ya Nzambi. Nzambi vwandaka kukitalisa Yandi mosi na nzila ya Mwana ya Yandi.

227 Bayayi nyonso bandaka na Genèse, kapu ya nkuna, mpe me katuka ntete. Kubanda ntangu yina, ya ke vwandaka mutindu mosi, kunwana na kati-kati ya ndwenga mpe lukwikilu, ke nwanaka ntangu nionso. Na yawu, ndwenga kele ya dyabulu mpe samu na bana ya yandi.

228 Beno me talaka ntete? Beno nyonso me monaka mameme. Beno nyonso me monaka bankombo. Kasi, beno zaba, kudila ya bawu zole kele mingi pene-pene, ya ke lomba muvungi ya kieleka na kutuba luswaswanu. Beno tula nkombo ya kiboba kuna na ngaanda, beno bika yandi boka, boka. Na manima beno ke kwenda kuna mpe beno ke tula dimeme kuna, mpe beno bika yandi boka. Beno kuwa yawu. Bawu ke wakana kaka mutindu mosi. Kasi muvungi ya kieleka lenda simba ndinga yina.

229 Yesu tubaka, “Mameme ya Munu zaba Ndinga ya Munu.” Beno me mona? Bawu lenda tuba kana ya kele nkombo. Mbote,

Yandi kele Dimeme, Yandi mosi. Uh-huh. Yandi kele ve... "Mameme ya Munu zaba Ndinga ya Munu. Banzenza bawu ke landa ve." Yinki kele Ndinga ya Yandi? Yawu yayi, Ndinga. Beno me mona? "Mameme ya Munu zaba Ndinga ya Munu." Beno me mona?

²³⁰ Bawu ke bika ve muntu kutuba, "Oh, ntangu yayi, awa. Mu ke tuba, Ndinga ya Nzambi, mpe. Yayi ke tuba *yayi* kuna." Kasi ya kele, beno me mona, Satana. Beto ke kota na yawu kaka mwa fyoti, ke pesa madidi na beno. Beno me mona?

²³¹ Ntangu yayi, ntangu yayi beno ke mona ti nkuna Ndinga lenda ve kukula na atimosifere, na yina, ya luzabu. Ya kieleka? Beno me mona? Ntangu luzabu ke vukana na lukwikilu, ya ke kufwa kaka kuna.

²³² Eve kwisaka mpe tubaka, "Mfumum Nzambi tubaka: 'Kilumbu beto ke kudia yawu, kilumbu yina beto ke kufwa.'" Na manima yandi telamaka samu na kutala yina yandi zolaka tuba.

²³³ Yandi tubaka, "Kasi, widikila, nkundi ya munu ya luzolo, nge kele mwa kima mosi ya kitoko. Beno me mona? Kieleka Nzambi salaka beno samu na lukanu mosi. Beno zaba ti ya kele kieleka. Beno me mona, beno kele kento, ba salaka beno samu na lukanu yayi. Ya kele yina ya kele. Beno zaba yawu ve ntangu yayi, kasi ba salaka beno samu na lukanu yayi. Oh, beno kele mwa kima mosi ya kitoko, ya luzolo. Uh-huh. Beno tala mwa maboko yina ya fioti ya mbote. Beno me mona? Samu na yinki, ya kieleka beno ke sala yawu. Ya kieleka."

"Kasi Yandi tubaka, kana beto—kana beto sala yawu, beto ke 'kufwa.'"

²³⁴ Yandi tubaka, "Kasi, oh, nge ke banza ti Tata ya mbote, ya luzolo, Nzambi, ke sala kima mutindu yina?" Yinki yandi salaka? Yandi kuwaka samu na kubanza, yandi bakaka ndwenga ya yandi. Yandi tubaka, "Ya kele yinti, ke sepela. Mosi lenda sepela na yawu." Mpe yandi kubwaka samu na yawu. Ya kele kieleka. Mpe ntangu yandi salaka mutindu yina, yinki salamaka? Mutindu ya zolaka vwanda na kento mosi. Ntangu beno ke kubwa samu na yawu, ya ke suka kaka kuna. Ya kieleka.

²³⁵ Ntangu yayi, beno me mona, nkuna yina yandi vwandaka kanga, mpe na nsuka zolaka kuma mama, na nzila ya luzolo ya Nzambi, na nzila ya Ndinga yina tubamaka. Na nsuka yandi zolaka kuma mama. Kasi, yandi zolaka vingila ve, kukota na yawu.

²³⁶ Ntangu yayi, beno me mona, na ntangu yina, ntangu yandi salaka yawu, ndimaka ndwenga na Ndinga, mpe ndwenga vwandaka ya kuswaswana na Ndinga... Beno me bakula, beno tuba, "Amen." [Dibuundu me tuba, "Amen."—Mu.] Beno me mona? Kana ndwenga kele na Ndinga, mpe ke talisa ti ya kele na Ndinga, mpe Ndinga ke basisaka Yawu mosi na nzila ya kima

mosi, na yina ya kele Ndinga. Kasi kana ndwenga ke telemina Ndinga, mpe ve na Ndinga, kasi na kumekaka na kuzwa kima ya kubwela na Yawu to kukatula na Yawu, ya kele ya dyabulu. ["Amen."]

²³⁷ Mpe bambuma ya Mpeve-Santu ya Biblia lenda ve kuyela na atimosifere ya ndwenga. Yina ke kufwa konso seminere na kati ya yinsi. Ya ke sala mabulu na kati ya bawu, ke tobola yawu, mpe lusambusu ke kulumuka kuna. Ya kele kieleka. Kieleka ya ke salaka, beno me mona, samu ti Ndinga lenda ve kukula na ndwenga, ndwenga ya yinza. Ya ke sala yawu ve.

²³⁸ Eve zolaka kwikila Ndinga mutindu ba pesaka yandi. Ya kieleka? Yandi zolaka ve kuwa muntu nyonso yankaka kutuba kima na zulu ya Yawu; kaka mutindu ba pesaka yandi Yawu, ya kele mutindu yina yandi zolaka kwikila Yawu. Ya zolaka vwanda ata fioti ve na lufwa, kana yandi kwikilaka Yawu. Ya kieleka.

²³⁹ Mpe bakala to kento yina ke baka Ndinga ya Nzambi kaka mutindu Yawu me pesama na beto, kangama na Yawu mutindu Nzambi tubaka Yawu, Ya kele Luzingu. Kasi samu na kuvukisa yawu na ndwenga ya organisation mosi, beno ke kufwa kaka kuna, kaka mutindu ya salaka na ntete. Ya kele Nkuna. Ya kele mutindu yina, ya kele mutindu Yawu salaka na mbala ya ntete, ya kele mutindu Yawu ke sala konso ntangu. Ya ke vwandaka ntangu nyonso. Nzambi ke pesaka muswa, beto ke lakisa yawu na nzila ya Biblia, na suka yayi. Ya kele kaka mutindu yina Yawu lenda kula, ya kele kukabuka Yawu mosi na bangindu nyonso, to kima yankaka, mpe kwikila kaka na Ndinga.

Eve zolaka baka Yawu kaka mutindu Nzambi pesaka Yawu na beto.

²⁴⁰ Mpe mu me tuba mpe me tuba na beno ti mu ke kwikila ti Nzambi me keba mpe me bumba Biblia yayi, mpe ya kele mutindu Nzambi pesaka Yawu na munu awa. Mu zola ndwenga yankaka ve. Mu zola kaka mutindu Nzambi tubaka yawu Awa.

²⁴¹ Ntangu yayi, mu banza ti mu ke lwadisa beno ve. Kasi kana Biblia me tuba ti mu fwana "balula ntima," Ya zola kutuba balula ntima; kukwenda ve, kasi beno balula ntima.

²⁴² Biblia ke tuba samu na munu na kubotama, na Nkumbu ya "Yesu Klisto," Ya zolaka kutuba kima yankaka ve. Ya zola kutuba ve "Tata, Mwana, Mpeve-Santu." Ya me tuba Yawu.

²⁴³ "Mbote," beno ke tuba, "Matthieu 28:19 me tuba, 'Beno botika bawu na Nkumbu ya Tata, Mwana, Mpeve-Santu.'" Ya kele kieleka yina ya vwandaka.

²⁴⁴ Ntangu yayi, kana ya kele kieleka ve, kana bawu kele ve na kima ya mbote, na yina lukwikilu yina Pierre kuzwaka, samu na kubotika na Nkumbu ya Yesu Klisto, mpe Biblia nyonso yankaka, na yina bawu vwandaka na luzayikisu ya luvunu yina

Nzambi sakumunaka. Yina ke vutula Yandi kaka: Yandi zolaka sakumuna Eve na mbandukulu, kuna.

²⁴⁵ Nkumbu ya “Tata, Mwana, Mpeve-Santu,” ya kele bisalu tatu. Ya kele kaka na Nkumbu mosi. Beno lenda ve kubaka mbotika na Nkumbu ya Tata, Mwana, Mpeve-Santu tii beno ke botama na Nkumbu ya “Yesu Klisto,” samu ti ya kele Nkumbu ya Tata, Mwana, Mpeve-Santu. Mpe Biblia ya muvimba kele ya kusonika mutindu yina. Muntu nyonso na Biblia, kubotamaka ntete, kubotamaka na Nkumbu ya “Yesu Klisto.” Muntu ve na kati ya Masonuku, botikaka bawu na bisalu ya “Tata, Mwana, Mpeve-Santu.” Mpe muntu nyonso kubotamaka na Nkumbu ya—ya “Mfumu Yesu Klisto” kubotamaka na Nkumbu ya Tata, Mwana, Mpeve-Santu.

²⁴⁶ Muntu nyonso kubotamaka, bisalu ya “Tata, Mwana, Mpeve-Santu,” kele ya kubotama na ata nkumbu mosi ve; kisalu, mutindu mulongi, révérend, docteur, nyonso yankaka; tata, mwana, mpe bakala, kento ya munu. Bisalu!

Yandi tubaka, “Ya ke sala luswaswanu mosi ve.”

²⁴⁷ Na yina beno tula nkumbu ya beno na zulu ya chèque, mpe beno tala kisika ya ke kwenda. Uh-huh. Beno tuba, “Mu ke tula kidimbu yayi na nkumbu ya kento ya yinzo.” Mbote, yina ke sala kaka mutindu ya mbote mutindu ya lendaka kukwikila ve na Ndinga ya Nzambi ntangu luzayikisu ke na kulala kaka kuna na ntwala ya beno. Kieleka. Beno me mona? Kieleka. Mbote mingi.

²⁴⁸ Ya zolaka kwikila Yawu mutindu Nzambi tubaka Yawu. Yawu ke swaswakana na Yawu mosi ve. Kana Yawu sala mutindu yina, beno kwisa talisa na munu. Uh-huh. Yawu ke swaswakana na Yawu mosi ve, ata fioti ve. Satana lendaka telemina Yawu na beno, kasi yandi lenda ve na Ndinga. Ve. Na yawu, Ndinga ke ndima yawu ve. Ve, tata. Ya kele kima ya ntama, mpe ba me banza yawu, kasi ba me siamisaka yawu ntete ve.

²⁴⁹ Beto landa bayinto nyonso zole yayi, to yina beno lendaka bokila ba-atimosifere, mpe kumona yinki bawu ke sala. Beto landa bawu baminuti fyoti. Atimosifere; bayinto nyonso zole yayi ke vanga atimosifere.

²⁵⁰ Mu zola kuyufula beno kima mosi. Beno me kwendaka ntete na dibuundu mosi. . . Mu—mu ke tuba yayi na luzitu nionso ntangu yayi, mpe na . . . samu na kutalisa diambu mosi; Nzambi kukeba beno. Beno me kwendaka ntete na dibuundu kisika pasteur kele kieleka ya kukangama na misiku? Dibundu kele mutindu mosi. Ya kele kieleka. Beno me mona? Yinki ya kele? Ya kele atimosifere yina nataka yawu. Beno kwenda na kisika pasteur ke tuba, “Ntangu yayi, beno vingila minuti, ya kele ve na kima mutindu buzoba yina. Mu ke kwikilaka ve na kima ya mutindu yina mutindu kubeluka ya Kinzambi, samu na mbotika ya Mpeve-Santu.” Beno zaba, beno ke mona bawu nyonso, dibuundu. Kana bawu kele ve . . .

²⁵¹ Kana ya kele na ngononi na kati kuna kisika mosi, yandi ke basika, na kati-kati ya nkonga ya bansusu yina. Uh-huh. Kieleka ya ke sala yawu. Kieleka ya kieleka. Yandi ke bika yawu. Yinga. Yinga. Ya kieleka yandi ke sala yawu. Yandi lenda ve kukanga ntima na yawu. Yandi kele ngononi. Yandi kele ndeke yina me tungama na zulu, lupangu ya bansusu ve. Yinga, tata. Ntangu yayi, yandi yayi.

²⁵² Mpe ntangu yayi beto ke mona ti, ti, ba-atimosifere yina. Mpe beno ke kota kisika nyonso . . . bima yango, kisika lukwikilu kele ya kulonga na dibuundu, beno ke mona dibuundu na atimosifere yango.

²⁵³ O Nzambi! Bika—bika mu nata yayi na nge, na yina, nge, kana nge lenda mona yawu. Beno me mona? Kwenda . . . Ya kele samu na yina bantu ke kwizaka na kati-kati ya basantu kisika bawu ke na kusambilaka, mikwikidi. Paul tubaka ti yandi monaka ve mosi na mbanza, kaka Timothée, yina vwandaka mutindu Lukwikilu ya ntalu yina yandi kuzwaka, beno zaba. Bayankaka ya bawu kele bantu ya ba-dénomination nyonso. Beno me mona? Kasi ntangu yandi kotaka na atimosifere yina, beno me mona, yandi, beno ke tala bima ke salama, ti atimosifere me vangama. Beno ke mona bantu kuzinga na lukwikilu ntangu beno ke kota na kisika yina ya ke tuba, “Oh, la la, samu na yinki, Biblia kele kieleka. Nzambi ke belusa.” Beno ke tambula pene-pene ya dibuundu ya bawu, beno ke mona, “Kasi, mu vwanda kufwa na cancer. Mu belukaka.” “Mu vwandaka mbala mosi mpofo. Mu me mona.”

²⁵⁴ Nzenza ke tuba, “Fiou! Oh! Yinki, nge zola kutuba . . . ? Yinki vwandaka diambu ya nge?”

²⁵⁵ “Mu ke lakisa nge na bande ya munu. Kwiza na yinzo na munu. Kwiza, kudya madya ya nkokila na munu mpe mu ke lakisa nge kima mosi. Mu kele na bande kuna. Bankalani ya munu zaba ti mu vwandaka mutindu yayi. Mu kumaka kikata, bamvula mingi. Ba sambilaka samu na munu.” Beno me mona? Yinki ya kele? Ndinga yina—yina na kati ya dibuundu yina, kimvuka yina ya bakwikidi, me vangaka atimosifere yina.

²⁵⁶ Ntangu yayi, wapi mutindu Ndinga kele, na kati ya kukikulumusa ya Yawu kasi dyaka na muvimba ya Yawu, ke kula na kisika yina luzabu vwandaka fika Yawu mpe vwandaka tuba, “Ya lenda vwanda mutindu yina ve”? Beno me mona? Ya lenda ve. Na yawu, kisika luzabu me longama na seminere, bana ke kufwa.

²⁵⁷ Kisika lukwikilu me longama na Ndinga, bana ke zinga. Amen. Yawu yina luswaswanu, kaka Luzingu mpe lufwa.

²⁵⁸ Kima mosi salamaka na nsaba ya Eden. Ya kele kieleka yina salamaka na bawu; ba-atimosifere zole kuna. Ntangu Eve basikaka na Muntu mosi ya mbote, na yina mosi ya yimbi, yandi kufwaka. Beno me mona? Ya ke sala yawu, konso ntangu.

259 Na yawu, bawu lenda ve kuvwanda. Kana dibuundu ya beno kele na atimosifere ya mutindu yina, oh, mwana, kana beno zola kuzinga, beno ke kwikila Ndinga.

260 Ntangu yayi, awa ke vwanda na mwa ntunga ntangu yayi. Mpe mu zola ve kutuba yawu na mutindu ya ngolo ve. Mu kaka . . . Yayi kele malongi. Beno fwana, ntangu beno ke kuma na bisika yayi, beno fwana tobola mpe kunyengisa, fyoti, beno me mona.

261 Ntangu yayi beno vingila. Kaka mutindu na mwa mwana ya ngombe. Mu vwanda yinaka kusala yawu, na kutula mwana ya ngombe; mwa muntu ya mputu. Beto kwendaka kuna. Mpe mu zaba ve kana beno me monaka ntete mwana ya ngombe, to ve, mpe—mpe—mpe—mpe kukanga yawu. Beno kanga bawu, beno me mona, beno ke zabuka. . . Mpe mwana-bakala yayi ya mputu! Beno ke kima mbangu kuna, beno ke baka kisengo yayi ya tiya ke tulaka kidimbu, beno tula yawu na zulu ya yandi. Oh, mpangi-bakala, ya monakaka mpasi mingi. Ntangu beno me telema, yandi vwandaka kieleka na mpasi ya kukima mbangu. Yandi vwandaka kaka kukima mbangu mpe kubula makulu, mpe kuboka mpe kudila, mpe nionso. Kasi, mu ke tuba na beno, bawu zabaka, kubanda kuna, nani yandi vwandaka mambele. Ya kele kieleka. Bawu zabaka wapi—wapi mfunu yandi vwandaka mambele. Ya kele ve na nsaka samu na yawu ntangu yina.

Na yawu, beto tula kidimbu. Beto tula kidimbu. Yinga, tata.

262 Ntangu ba tubaka, beno zaba, . . . Beno, mingi ya beno, me tangaka to—to me yimbaka *Nkunga ya Cow-Boy*, beno me mona. Mpe mwana ya kibulu ya mvula mosi ke yenga-yenga, ntangu ba ke kuzwa yandi, na nsuka kuna, ba ke kanga yandi na mbala mosi; mwana ya kibulu ya mvula mosi, ba ke sala kaka supu na yandi, samu yandi kele ve na kidimbu na zulu ya yandi, ata fioti ve. Mpe na yawu bayankaka ya bawu ke landila na kudya ya bawu mosi. Kasi mfumu ya nkonga ya selekele zaba bibulu ya yandi, na yawu kana beno. . . Kidimbu ke talisa mpasi.

263 Ntangu yayi beno tala. Satana lendaka talisa na luzabu ya yinza, na nzila ya ndwenga ya yandi. . . Ntangu yayi mu ke bula ndambu ya dokotolo awa, baminuti fyoti. Satana lendaka talisa na luzabu ya yinza, na nzila ya ndwenga ya yandi, ti ntoto yina yandi zolaka pesa, samu na bantu na kuyela, vwandaka na ba-vitamine. Kieleka. Yandi zolaka siamisa yawu na mutindu ya science. Bawu lenda siamisa na mutindu ya science nyonso yina bawu zola, na kutala. Beno me mona? Kieleka.

264 Ya vwandaka na Vitamine P, “plezire, popularité.” Yina kele na kati ya yawu. Yina kele na ndwenga ya yandi na mutindu ya mingi. Kieleka. Kieleka. Kyese nyonso ya yinza, sinema nyonso, mabina nyonso, bisika nyonso ya kubina, nyonso, nyonso, “Kwenda na ntwala. Ya kele nyonso ya kulunga. Ya ke nyongisa kima ve. Kieleka.” Beno me mona? Kuzabana mingi,

“Oh, beno kele dibuundu ya kulutila nene na kati ya mbanza.” Mbote mingi.

265 Ya vwandaka na vitamine C na kati ya yawu, yina yandi talisaka mutindu “sense ya mumesanu.” “Ya ke salaka kubanza, beno me mona.” Yinga.

266 Ya vwandaka na VITAMINE R na kati ya yawu, yina vwandaka zola kutuba “bangindu.” Yinga, yandi lendaka kubanza. Kasi, beno me mona, yina ke simba ve.

267 Ya vwandaka na vitamine, B, na kati ya yawu, yina zola kutuba “kitoko.” Satana kele kitoko. Disumu kele kitoko. Mpe mutindu disumu ke banda na kukuma ya kulutila mingi mpe ya kulutila, kitoko ya ke kuma.

268 Wapi mutindu yinzo ya kulutila mbote beto kele na yawu bubu yayi kulutila yinzo ya bayinti? Wapi mutindu ya kulutila kitoko ya kele? Wapi mutindu kitoko mingi kele bakento ya beto bubu yayi kulutila yina bawu vwanda vwandaka? Beno me mona? Mutindu kitoko mingi kele na Floride, ya vwandaka ntangu yayi, mpe mutindu Nzambi vangaka yawu? Beno me mona?

269 Ya kele na kitoko. Bantu yikwa zaba ti Satana kele kitoko? Mpe yandi zolaka kitoko, mpe mekaka na kusala kitoko, kimfumu ya kitoko mingi, mpe nionso yina. Kieleka. Beto zaba yawu. Satana kele na kati ya kitoko.

Ntangu yayi beno tala. Yandi vwandaka na vitamine R [raisonnement—Mu.], yina kele “bangindu.”

Vitamine B, yina kele “kitoko.”

270 Vitamine M, yina kele “bilumbu yayi.” “Oh, nge zola vwanda ya bilumbu yayi.” Beno baka kaka luzabu ya yandi mpe beno tala kana beno ke kwikila ve bima yina. Ya ke yela kaka na kati ya beno. Vitamine yina ke kwisa kaka kuna kisika beno ke vwanda.

271 Muntu mosi ke telama, ke pesa beno mwa luzabu ya yandi, “Ntangu yayi beno tala, bankundi. Yinki ya zolaka vwanda kana beto baka cathédrale yayi ya nene, ya mbote awa mpe ti beto kuzwaka makelele mingi, mpe kudila, mpe ke zonza na bandinga, mpe ke mata mpe ke kulumuka, ke basisa fulu-fulu na yinwa mutindu bayimbwa ya bilawu? Mpe—mpe yinki beno ke banza ti mfumu ya mbanza ke tuba, conseil ya ba-diacre, kana beto pesa muswa na kima ya mutindu yina na kukwiza awa?” Oh, kieleka, ya kele ya bilumbu yayi.

272 “Nge banza ti bantu ya beto ke telama kuna na bala-bala, na tambourin na diboko ya bawu? Mpe yinki ya zolaka sala kana bampangi ya beto ya bakento zolaka kwiza na nsuki ya nene, ya yinda ya kubwa? Mpe bakento yankaka ya dibuundu vwandaka luta na mbanza, ‘Tala kuna. Tala kuna.’ Na yina, ntwadisi ya dibuundu, to nionso yina ya kele, beno zaba, ‘Mbote, beno tala, beno tala kuna. Yandi ke talana mutindu modele ya

ntama, mutindu yina ve? Piné ya yandi ya lusalusu ke fwebuka na manima.” Beno me mona? Beno zaba, kima mutindu yina.

273 “Beto zola kuvwanda ya bilumbu yayi.” Beno me mona? Ya kele ndwenga ya dyabulu. Ya kele yina yawu ke yela. Yina kele vitamine yina kele na ntoto, yina ke basikaka na mbuma yina yawu ke basisaka. Beno landila, beno Jézabel ya bilumbu yayi. Mbote mingi. Bubu yayi, mutindu bakento ya bubu yayi. Kieleka. Oh, ya bilumbu yayi. “Mbote, bantu ya kulutila bilumbu yayi ya mbanza ke kwiza na dibuundu.” Kieleka. Ya kele. . . Samu na yinki? Ba ke kula na vitamine ya bilumbu yayi.

274 Vitamine ya kubanza, mbote mingi, ba ke yela na kati ya yawu. Beno me mona? Yawu yina ya kele, kubanza. Kasi ntangu beno ke banda na kukula na yawu, beno kele ya kufwa na Ndinga. Beno fwana kumanga Ndinga ntete beno vwanda yawu. Beno me mona?

275 Mutindu kaka beno lenda vwanda musumuki kele kumanga Ndinga ya Nzambi. Yinki kele disumu? Kukondwa lukwikilu. Kukondwa lukwikilu na yinki? Ndinga ya Nzambi. Beno me mona? Beno fwana kumanga Ndinga, ntete.

Ntangu yayi, oh, mu kele dyaka na ba-vitamine kumi ya kusonika awa.

276 Kasi awa kele na vitamine mosi yina yandi kondwaka na kutuba na bawu. Yandi vwandaka na vitamine D na kati kuna. Yina kele vitamine ya kulutila nene na kati kuna, bandandu, “lufwa.” Beno me mona?

277 Ya kele nkonga ya kitoko mingi ya bantu yina me lwata, ya kulutila bilumbu yayi, dibuundu ya kitoko mingi, organisation ya kulutila nene, beno me mona, ya kulutila bilumbu yayi ya vwandaka, ya kulutila kitoko yina vwandaka, bima ya kulutila mbote lendaka tubama. “Samu na yinki ve. . .”

278 “Kana Nzambi salaka beto kivangu ya Yandi, samu na yinki Yandi ke fundisa bakento yayi na kutsalaka mbote, samu na kuvwanda na nsuki ya nkufi? Samu na yinki Yandi ke fundisa mwa maquillage?”

279 Mbote, Yandi vwandaka na mosi na kati ya Biblia yina salaka yawu, mpe Yandi disaka yandi na bayimbwa. Na yawu beno ke banza kaka na yawu, beno me mona. Ya kele kieleka.

280 “Samu na yinki—samu na yinki Nzambi ke zola? Samu na yinki, oh, la la, Yandi ke vingila ve ti beto zinga na manima ya Biblia yina.” Kieleka yandi salaka. Yandi tubaka na Eve ti yandi fwana zinga. . . To, Yandi tubaka. . .

281 Yesu tubaka, ti, “Muntu ke zinga na nzila ya konso Ndinga, konso Ndinga yina ke basika na yinwa ya Nzambi.” Nani tubaka yawu? Yesu. Ya kieleka? Yandi tubaka, “Kana muntu yankaka kutuba kima yankaka, ti yandi vwanda muntu ya luvunu;

Ndinga ya Yandi kuvwanda kieleka.” “Mazulu na ntoto ke luta, kasi Ndinga ya Munu ke luta ve.” Yawu yina.

Na yina vitamine D vwandaka na formule ya yandi, ya bilumbu yayi. Ya kieleka.

²⁸² Ntangu yayi, kasi, nkuna ya Ndinga ya Biblia lenda ve kuyela na ntoto mutindu yina. Wapi mutindu muntu lendaka kota na mosi ya mabuundu yango ya bilumbu yayi ntangu yayi? Mpeve ya Nzambi kwizaka na zulu ya yawu, mpe bawu—bawu zola kuboka, “Nkembo na Nzambi! Alleluia!”

²⁸³ Beno zaba yinki? Samu na yinki, beno ke sala ti mulongi kumina dilongi ya yandi. Mbote, mu ke na kutuba na beno. Mu—mu lenda kaka kumona yandi kutuba, “Uhm.”

²⁸⁴ Mpe ba-béquille nionso kuna, ke balula nkingu yina na nziunga, beno zaba, beno tala bisika nionso, samu na kutala. “Mbote, yinki me tuba mutindu yina?”

²⁸⁵ Na yina, na mwa ntangu fioti, longi lendaka tuba, “Yesu Klisto, Mwana ya Nzambi.”

“Nkembo na Nzambi! Ya kele kieleka.”

²⁸⁶ “Uhm,” ba-diacre. Huh! Beno, beno kele na kielo, na mwa minuti fioti. Ba ke losa beno na ngaanda. Beno me mona?

²⁸⁷ Ndinga lenda ve kuyela kuna, lenda kaka ve kusala yawu. Ve, kaka lenda ve kusala yawu. Beno me mona? Ya lenda kaka ve kusala yawu. Beno me mona?

²⁸⁸ Mpe kuna yandi ke kwiza, ke losa ndikila ya yandi na zulu ya Yawu, samu na kumeka na kufwa Luzingu ya nkuna na kati ya beno. “Ntangu yayi ya kele na kimvuka ya bantu na yinsi bubu yayi, yina ke kwikilaka ti Nzambi ke belusaka. Mbote, ya kieleka, beto zaba, mutindu ya mbote ya ke talisa ti Nzambi pesaka beto badokotolo, samu na kubelusa.”

²⁸⁹ Ntangu yayi, beno ke lomba dokotolo ya mbote, ya kulunga kana yandi kele munganga. Yandi ke tuba na beno, “Ve, tata. Mu lenda katula meno, kasi mu lenda ve kubelula kisika yina ya ke basika.” Ya kele kieleka. “Mu lenda tula diboko, kasi mu lenda belusa yawu ve.” Ya kieleka kaka. “Nzambi kele Munganga.” Beno me mona?

²⁹⁰ Ntangu yayi, wapi mutindu kima ke yela na bima ya mutindu yina? Wapi mutindu nkuna Ndinga lendaka kuyela na mutindu yina? Ya ke sala kaka ve. Ya lenda yela ve na mutindu ya atimosifere yina. Ya kieleka kaka ve.

²⁹¹ Kasi lukwikilu ke kotaka kaka na vitamine mosi. Ya kele kaka na vitamine mosi. Ya kele ve na ba-micro makumi sambanu, na mutindu nionso. Lukwikilu ke kumaka na vitamine mosi, ya kele Ndinga. Ya kele kaka kima yina lukwikilu lenda kula, ya kele Ndinga. Mpe mutindu mosi kaka yawu lenda yela kele samu yawu ke kwikilaka na Ndinga, mpe ya fwana

baka Ndinga nyonso mpe kukwikila ti Yawu kele kieleka. Mpe vitamine ya lukwikilu ba me tanguna yawu na kati ya mwa bampova yiya, L-u-z-i-n-g-u [L-i-f-e—Mu.], “Luzingu.” Ya kele na Vitamine L, lukwikilu ke na yawu. Lukwikilu kele na vitamine L.

²⁹² Ndwenga kele na vitamine P; vitamine R; plaisir; mpe vitamine ya kubanza; vitamine, ba-vitamine yayi nionso yankaka. Bawu, lu- . . . ku- . . . Luzabu kele na nionso yina. Beno me mona? Ndwenga kele na nionso yina, ya ke banzaka yawu.

²⁹³ Kasi lukwikilu kele kaka na kima mosi: Luzingu. Ya kele kaka yina ke vwanda. “Ndinga ya Nge kele Luzingu. Ndinga ya Nge kele Kieleka. Yandi kele Ndinga, Nzila, Kieleka, Nsemo.” Lukwikilu kele kaka ya kunamika kaka kuna. Kaka yina. Mpe ke baka yawu ve. Luzingu ya Mpeve-Santu, Luzingu ya Kukonda nsuka, ya kele kisika lukwikilu ke kulaka: Ndinga, Zoe, Luzingu ya Nzambi Yandi mosi. Ya kele kaka kisika yina lukwikilu lenda sala, ya kele ntangu lukwikilu ke kuwa Ndinga mpe ke kwikila ti Yawu kele Ndinga ya Nzambi. Na yina, na kati ya Zoe yina, ya ke yela mpe ya ke basisa yina Ndinga me tuba.

²⁹⁴ Nzambi, wapi mutindu Yandi salaka yinza? Beno ke kwikila ti yinza vwandaka na kati ya mabanza ya Nzambi? Kieleka, ya vwandaka, ya zolaka vwanda. Wapi mutindu Yandi salaka yawu? Yandi tubaka kaka.

²⁹⁵ “Wapi kisika Yandi ke kuzwa bima?” Wapi mutindu beno lendaka kubanza na Nzambi, kutuba, “Nzambi, wapi kisika Nge me kuzwa bima, samu—samu na kubasisa matadi na zulu ya yawu? Wapi kisika Nge me sala?” Ba me katuka na mipepe. “Wapi kisika Nge me kuzwa lusanse, Mfumu?” Beno me mona? “Wapi mutindu Nge me salaka masa? Yinki kele mutindu ya kusala? H 2 O. Wapi kisika nge me kuzwa hydrogène, oxygène?” Beno me mona? Ya kele yawu. Beno me mona? Ya ke simba kaka ve.

²⁹⁶ Yinki Nzambi tubaka? Ya vwandaka na kati ya mabanza ya Yandi. Mpe mabanza ya Yandi kele Ndinga ya Yandi, ntete Yawu tubama. Na yina ntangu mabanza ya Yandi tubaka, “Bika ti ya vwanda,” mpe ya vwandaka kuna. Yawu yina. Ya kele kisika wapi lukwikilu ikele.

²⁹⁷ “Na . . .” Hébreux 11 ke tuba, “Na lukwikilu ba vangaka yinza.” Ba salaka yinza na nzila ya lukwikilu. “Nzambi salaka yinza na bima yina ke monikaka ve.” Na lukwikilu Nzambi zonzaka yinza na luzingu, samu ti ya vwandaka—ya vwandaka Ndinga yina ba banzaka na ntwala. Kasi kaka na ntangu Yandi tubaka yawu, ya me kuma luzingu.

²⁹⁸ Ntangu yayi beno lenda tuba, “Mu ke kwikila Yawu, Mpangi Branham.” Na kati ya ntima ya beno beno beno lenda kwikila Yawu. Na yina beno tuba yawu, “Mu ke kwikila Yawu.” Beno soba Yawu ata fioti ve, ata fioti ve. Beno vwanda kaka na Yawu.

Beno tala mbote yina ke yela na yawu. Ya ke basisa Ndinga, samu ya kele lukwikilu. Beno me mona? Ndwenga ke nataka beno ntama. Lukwikilu ke nataka beno na Yawu. Beno me mona yawu?

²⁹⁹ Yina ke zengaka ba-credo nionso yina me salama na muntu, ke zenga malongi nionso ya lukolo, théologie yina muntu me sala, ke bwisa bawu kaka madidi. Bawu yina kuna, professeur ya bawu, Doctorat ya Théologie, Docteur ya Philosophie, Doctorat ya Droit, na Lettres., Q.U.D., mpe bantu nyonso yayi fwana kwenda na lukolo mpe kulonguka psychologie mpe bima nyonso yankaka yayi. Ya kele kaka na Kima mosi yandi ke basika. Wapi mutindu kukitalisa yandi mosi na psychologie, mpe wapi mutindu ya bilele ya kulwata, mpe wapi mutindu yandi fwana tuba “amen” kaka mutindu yina, mpe, oh, buzoba! Bika ti . . .

³⁰⁰ Beno vwanda ya kutwadisama na Mpeve-Santu. Bana ya Nzambi ke twadisama na Mpeve ya Nzambi, ve na ndwenga ya seminere. Kasi Mpeve ya Nzambi ke twadisaka bana-babakala mpe bana-bakento ya Nzambi. Kieleka. Ya kele kieleka. Amen.

³⁰¹ Ntangu yayi, beto basika na credo nionso, malongi nionso ya lukolo, théologie nionso yina muntu me sala. Kukondwa ntembe ti bawu lenda kwikila ve; ya kele ve na kima na kati kuna samu na Yawu na kuyela. Beno me mona? Bawu kele na vitamine R, kubanza, yina beno fwana vwanda kunata ntama. Vitamine kuzabana mingi, vitamine ya plaisir, “Mu fwana sakana fioti.” Wapi mutindu ya nsaka? “Oh, beno basika mpe beno kola malafu, mbala mosi na mwa ntangu fyoti, beno zaba. Beno vwanda kaka na mwa kuseka; ya ke sala ata luswaswanu ve.”

³⁰² Beno zaba, mwa bima ya mutindu yina kuna, ba kele kaka nionso yina, vitamine nionso. Beno me mona? Mpe wapi mutindu ya vitamine ke sala ve ti Ndinga kuyela, yina ke mangaka vitamine yina? Wapi mutindu beno ke sala yawu? Beno me mona? Ndinga ke mangaka yawu. “Kana beno zola yinza, to bima ya yinza, zola ya Nzambi kele ve na kati ya beno,” me tuba Biblia. Beno me mona? Na yawu wapi mutindu—wapi mutindu kele ya Nzambi. . . Wapi mutindu Ndinga ya Nzambi ke yela na yisi ya ba-vitamine mutindu yina?

³⁰³ Ya ke lomba vitamine mosi na ntoto samu na kubasisa mbuma. Ya fwana vwanda na mutindu ya kulunga ya ntoto. Beto ke na kukuma na yawu, kaka mwa ntangu fyoti. Beno me mona? Beto fwana kuzwa mutindu ya mbote ya ntoto, to ya ke yelisa ve mbuma. Beno ke baka kisika mosi, ya ke mena *yayi* ve, mpe ke mena kima yankaka. Ntoto ya zelo mingi, vitamine ya kuswaswana, nionso yina, ke basisaka bima yankaka. Kana ya kele ve mutindu yina, na yina, beno kele na yawu ve, ya ke mena kaka yawu ve. Kaka yina.

³⁰⁴ Ntangu yayi, matiti ya yimbi ke yela kaka pene-pene bisika nyonso, mutindu nyonso ya ntoto. Ya kele kieleka ve? Matiti ya

ntama ya denomination ke yela kaka bisika nyonso.

³⁰⁵ Kasi, mu ke tuba na beno, mpangi, kana beno zola kubasisa bambuma ya Luzingu, yandi fwana basika na Ndinga. Ya kele kieleka. Ya kele kieleka. Kieleka. Kieleka. Mbote mingi.

³⁰⁶ Mu banza ti mu ke baka beno ntangu ya yinda ve, na suka yayi. [Dibuundu me tuba, “Ve.”—Mu.] Beno me mona? Ntangu yayi, ve. . . Beno me mona? Mbote mingi.

³⁰⁷ Kukondwa ntembe ti bawu lenda kwikila ve; bawu kele na kima ya kuzinga ve. Yesu tubaka na bawu na Matthieu kapu 13 mpe nzila ya Ite. Beto luta awa mpe beto mona mutindu Yesu tubaka samu na yawu, bima yayi yina beto ke na kuzonzila. Matthieu kapu 13, mpe na nzila ya Ite.

Kilumbu mosi Yesu basikaka na yinzo, mpe vwandaka na lweka ya mubu.

Mpe bantu mingi vwandaka ya kuvukana. . . samu na yandi, samu ti yandi kwendaka na masuwa, mpe vwandaka; mpe nkonga ya muvimba telamaka na lweka ya kumu.

Mpe yandi zonzaka na bawu bima yayi, mpe tubaka na bawu bima mingi na bingana, na kutubaka, Tala, mukuni mosi kwendaka samu na kukuna nkuna;

Mpe ntangu yandi me kuna, mwa nkuna yankaka kubwaka na lweka ya nzila, mpe bandeke kwisaka mpe diaka yawu nionso:

Yankaka kubwaka na zulu ya ntoto ya matadi, mpe ntangu yawu vwandaka ve na ntoto mingi: mpe na yina yawu basikaka, samu ti yawu vwandaka ve na yisi ya ntoto:

Mpe ntangu mwini basikaka, yawu yumaka; mpe kwisaka. . . mpe samu ti yawu vwandaka ve na nsimbulu, yawu nionso yumaka.

. . . yankaka kubwaka na kati-kati ya matiti ya bansende; mpe matiti ya bansende basikaka, mpe kangaka yawu nionso:

. . . yankaka kubwaka na ntoto ya mbote, mpe basisaka yankaka, butaka mbuma, yankaka bankama, . . . makumi sambanu- . . . mpe makumi tatu.

Yina kele na makutu ya kuwa, bika ti yandi kuwa.

³⁰⁸ Ndwenga ve. “Makutu,” beno me mona, mbote mingi, “kuwa.” Mbote mingi.

³⁰⁹ Beno tala. Yandi tubaka bayankaka kwendaka, ntangu Nkuna basikaka, longaka Ndinga.

³¹⁰ Bayankaka kubwaka na lweka ya nzila; kaka mutindu maza na zulu ya mukongo ya kivadangu, ke basika kaka.

311 Bayankaka kubwaka na zulu ya ntoto ya matadi, matadi ya matadi, ya vwandaka kaka na mwa putulu yina me panzana kuna. Mpe me basika, kasi ya vwandaka ve na misisa, ata kisika ya kutula misisa ya yawu. Ntangu yayi mu ke sala kifwanukusu awa, mpe mu banza ti mu ke lwadisa ve bansatu. Beno me mona?

312 Ya vwandaka dibuundu ya Katolika. Ba tubaka ti ba me tunga yawu na ditadi. Mu ke wisana na bawu. Kieleka mu ke wisana na bawu. Ya kele kieleka. Ya kele kieleka. Ata ntoto na yisi ya yawu, ata fyoti ve, ata ntoto na zulu ya yawu samu na kukula. Samu na yinki? Ya lendaka basisa ve. . . Ba lendaka basisa ve Biblia na vitamine, samu ba ke kwikilaka ve na Yawu. Malongi ya bawu kele ba-dogme, ya kele kieleka, dogme ya Rome, ata Ndinga na kati ya yawu, ata fyoti ve. Beno me mona? Kubwaka na zulu ya matadi; yina vwandaka ndwenga ya nene. Oh, mpangi-bakala, mu ke tuba na beno, ba vwandaka na yawu na mutindu ya kulutila kitoko. Bawu ke lakisa yawu na mutindu ya psychologie, mpe bayinzo ya nene ya nene, mpe robe ya kitoko, ya ke talana mutindu banzambi ya santu, ya banganga-nzambi mpe nyonso yankaka.

313 Bantu yikwa kuwaka kimbangi yango ya mwa levi yina kuzwaka kaka yawu? Beno me kuzwa yawu awa? Mu zola yina bula mwa Kilumbu ya tatu na nkokila awa na yinzo-Nzambi, mpe muntu nyonso awa zolaka kuzwa kimbangi. Mosi ya bawu landaka munu kubanda ntama. Wapi mutindu bawu. . .

314 Mu kwendaka kuna na Mexique, munu mosi, mpe mu monaka bawu na dibulu ya pemba, mabulu kisika ba tulaka ba-bébé yayi ya bamasere; ntangu banganga-nzambi zolaka kuzwa bawu na nzila ya bawu, ba-bébé yango; kisika ba vwandaka yoka bawu na tiya na kati ya mabulu yayi ya pemba, mpe bima ya mutindu yina. Yawu yina salaka ti communisme kukota na Mexique. Bawu nataka tommyrot yina. Yawu yina salaka ti communisme kukota kuna.

315 Beno vwanda na boma ya communisme ve. Nzambi ke na kusadila communisme. Mu ke kwikilaka na yawu ve. Ya kele ya diabulu. Kasi Nzambi ke bakaka dyabulu mpe ke vutuka kaka, mutindu Yandi salaka na Ntinu Nebucadnetsar, mpe ke kwiza mpe ke baka Israël. Beno me mona? Yinga. Beno tala mbote mpe beno mona kana Biblia ke siamisa yawu ve. Mosi ya bilumbu yayi beto ke kota na yawu. Nzambi vumbulaka yandi, samu na kupesa kitumbu na bana ya Nzambi, samu na kento yina ya kindumba ya kiboba. Ya kele kieleka yina Biblia ke tuba. Yinga. Yandi tubaka, “Bawu ke yoka yandi na tiya, mpe yandi ke kuma na nsuka ya kento ya yandi.” Ya kele kieleka yina ke salama na yandi, mpe. Yandi yayi.

316 Ya kele yandi yina kubwaka na zulu ya matadi, kaka mwa ntoto mingi na mutindu ti kima lendaka ve kukula. Ya kufwaka. Na ntangu yina, yina vwandaka ndwenga ya nene.

317 Na ntangu yina ndambu yankaka kubwaka na ntoto ya ba-Protestant, kasi, na manima ya mwa ntangu fyoti, ndwenga ya nene ya ba-dénomination ya nene me kangisa yawu, me kangisa Mpeve. “Bilumbu ya bimangu me luta. Docteur *Kingandi* tubaka *yayi-mpe-yayi*. Beno me mona? Kima ya mutindu yina ve.” Kaka ya kulunga, yina me kangisa nyonso. Yina me kangisa nyonso yina kele na ngaanda? Yina me kangisa Mpeve, samu na ndwenga. Beno me mona?

318 Mpeve-Santu kulumukaka na bilumbu ya Martin Luther. Mpeve-Santu kulumukaka na bilumbu ya John Wesley. Mpeve-Santu kulumukaka na bilumbu ya dibuundu ya ntete ya Pentecote. Kasi yinki ba-denomination salaka? Na ndwenga ya bawu, me kangisa Yawu. Me kangisa yinki? Nkuna. Yinki kele Nkuna? Ndinga. “Ya zola kutuba Yawu ve. Ya zola kutuba *yayi*, kuna.” Beno me mona? Ba ke bakula yawu. . .

319 Ntangu yayi, bantu mingi ya ntima ya kuvedila ya balongi yina, mu me kutanaka na bawu, mu vwandaka kuna mpe mu vwandaka solula na bawu, ata mpe na zulu ya dilongi ya mbotika mpe bima mingi. Mu yufulaka muntu nyonso na kwiza, na kusolula na yawu. Bawu tubaka, “Mpangi Branham, kana beto sala yawu, dibuundu ya beto ke tula beto na ngaanda.”

320 Mu tubaka, “Nani? Nani kele ya kulutila samu na nge, Ndinga ya Nzambi to dibuundu ya nge?” Beno ke kwenda ntama mingi ve, na putulu ya denomination yina. Beno me mona? Beno me mona? Mbote mingi. Kana ya ke manga Ndinga, ya kele yimbi. Beno me mona? Ya ke lakisa ti ya kele ndwenga yina muntu me sala.

321 Ntangu yayi, ba-Protestant me kanga ntima. Ya kangaka Mpeve na kati ya bawu, ntangu bawu bandaka na kubaka ndwenga na kisika ya lukwikilu na Ndinga; ndwenga na organisation, ndwenga ya organisation na kisika ya lukwikilu na Ndinga. Nyonso yina ke bakula yawu, ke tuba, “Amen.” [Dibuundu me tuba, “Amen.”—Mu.] Beno me mona? Lukwikilu na yina—yina nkonga ya bantu, ya ba-Methodiste, ba-Baptiste, ba-Presbytérien, Bantu ya Pentecote, bantu ya Nsangu ya mbote, mpe bawu nyonso kuvukanaka. Mpe ntama mingi ve ba ke sala kimvuka ya mabuundu, yina ke vwanda “kifwanusu ya niama.” Mpe yandi ke kuzwa ngolo mosi na yinsi yayi, Apocalypse 13:11, yina bawu kuzwaka kuna; mpe ke sala mpasi na zulu ya basantu, kaka mutindu bawu salaka na mbandukulu, dibuundu ya Rome. Beno me mona? Ya kele kisika yina ya ke na kukwenda na ntwala ntangu yayi.

322 Mpe ya kele samu na yina ba kunaka Ndinga malu-malu yayi, bisika nyonso, “Beno vwanda ntama na yawu. Beno basika na yawu.” Beno me mona?

323 Ntangu yayi, ndwenga me kangisa yawu. Ndwenga ya bawu mosi ke nata ntama Mpeve-Santu ntama na bawu. Beno bika

mu talisa yawu na beno, na kati ya Biblia, Apocalypse, kapu ya 3; kisika beto me tala kaka bansungi ya dibuundu. Ba me tula Yesu na nganda ya Dibuundu ya Yandi, mpe me vwanda kuna na nganda; na kumekaka na kukonkota na kielo, samu na kuvutuka na kati. [Mpangi Branham me konkota na chaire—Mu.] Uh-huh. Ya kele kieleka yina Yawu tubaka, “Mu ke telama na kielo mpe ke konkota. Kana muntu mosi ke vwanda na mpwila, kana yandi ke bika kaka Munu kukota, Mu ke kwiza.” Kasi muntu ve fungulaka kielo. Beno me mona? Ba tulaka Yandi na ngaanda. Yinki ya vwandaka? Ba vwandaka . . . Nkuna kubwaka na zulu ya bawu. Beno me mona? Beno me mona?

³²⁴ Kasi ndambu yankaka kubwaka na kiwanda ya lukwamusu. Nkuna mosi kwendaka kuna na kiwanda ya lukwamusu. Ntangu yayi, na kiwanda kele kisika beno ke mona maza, ntoto ya mbote mingi. Ntangu beno ke baka muntu yina vwandaka bula tii kuna yandi ke basisa théologie nionso na kati ya yandi, sekaka yandi, sawulaka yandi, kisika yandi vwandaka na ba-mille mpe ke tula yawu na ngaanda ya yandi, tii lukanu me kubama na kusala, beno ke mona ti ya kele na mwa madidi kuna. Ya kele kieleka. Na kiwanda, muntu yina ba me losa kuna na kati ya kiwanda, yina ba me basisa na organisation ya yandi. Yandi kele “kuna na kati ya fulu,” ba ke bokilaka yawu. Beno me mona? Fulu ve, kasi “kiwanda,” ba me longa beto. Kuna na kiwanda, beno zaba, ya kele kisika Lis ke yela, mpe, beno zaba. Uh-huh. Uh-huh. Ya kele kieleka, beno me mona, “Na kiwanda.” Mbote mingi. Bayankaka kubwaka na kiwanda ya bampasi, kumekama ya ngolo. Bayankaka ya Nkuna yango kubwaka na kati kuna, na kiwanda ya bampasi, bakumekama ya ngolo, ba ke bokila bawu bima nionso mutindu ba vwandaka bokila Lis, “Béelzébul,” ba vwandaka seka yawu.

³²⁵ Kasi na kiwanda yayi kele banzadi ya maza. Psaumes 1, me tuba, “Kiese na bakala yayi.” Beno bika mu tanga yawu. Beno bika mu talisa yina kele na kiwanda yayi. Yinki, Psaumes . . . Mu banzaka ti mu ke kuzwa ntangu ve, kasi beto ke baka kaka ntangu, beno me mona, samu na kutanga yayi, beno me mona, samu na kuzwa yayi awa. Beto ke tanga yayi mpe ke mona yina muntu yayi kele awa, ya kele kaka kisika ba kunaka yandi. Kana ba kunaka yandi na . . . kuna na zulu ya ditadi ya kuyuma ya nyoka fundu-fundu, kisika ya kele ve na ntoto ata fyoti, to ba kunaka yandi na kiwanda? Mbote mingi.

*Kyese na muntu yina ke tambulaka ve na kimvuka,
ndwenga . . .*

Amen! Amen! Amen! Amen!

*. . .ke tambulaka ve na kimvuka ya bantu ya
kukondwa busantu, . . .ke telama na nzila ya
bansumuki, . . .ke vwandaka ve na kisika ya baseki.*

Kasi kiese ya yandi kele na musiku ya MFUMU, Ndinga; mpe na musiku, Ndinga, yandi ke banzaka yawu kilumbu mpe mpimpa.

Mpe yandi ke vwanda mutindu yinti yina ba kunaka pene-pene ya banzadi ya maza, . . .

326 “Banzadi.” Yinki yina? Makabu yivwa ya kimpeve. Banzadi ya “Masa mosi,” Mpeve mosi. Maza Mosi, kasi vwandaka basika na ba-soupe yivwa ya luswaswanu, na banzadi ya Maza. Beno me mona?

. . .banzadi ya maza, yina ke basisaka mbuma ya yandi, mbuma ya Mpeve, na nsungi ya yandi; makasa ya yandi mpe ke bebaka ve; mpe nyonso yina yandi ke salaka, yawu ke kwenda na ntuala.

327 Beno me mona, bayankaka kubwaka na kiwanda yina kuna, kisika banzadi kele. Mpe nataka . . . Beno talaka? Mu zola kuzwa kima yankaka. Yinki ya kusalamaka? Ya kubwaka, na kati ya nzadi . . .

328 Ya vwandaka ve ya kuvwanda na ngaanda. Yandi ke vwanda mutindu yinti yina “me vwanda, me baka na *yayi* na *yina*”? Yandi vwandaka “ya kukuna.” Yinki? Yina ba soolaka ntete. Yina vwandaka banza na Nzambi, ntete mbandukulu ya yinza, tulaka yandi kuna. Beno me mona? Ya kele ve ya kukangama, na siansi ve; kasi vwandaka “ba kunaka,” yina ba soolaka ntete (yinki?) na banzadi ya Maza. Oh!

329 “Nsimbulu ya Yandi ke beba ve.” Oh, alleluia! “Ata ti yandi kufwa, mu ke vumbula dyaka yandi na kilumbu ya nsuka.” Ya kele kieleka.

330 Ba soolaka Yandi ntete samu na kuvwanda Kuna, na siansi ve. Ba soolaka Yandi ntete samu na kusimba Ndinga ntangu yina ba kunaka Yawu. Mpe yandi ke vwanda kaka kuna. Ntangu ya ke kangama, yandi kele kuna. Ba me kuna yandi, ba me namika yandi ve. Ba me kuna yandi na nsi. Ya kele kieleka. Lot kele mutindu yankaka: ke tandula nkawa na ntoto, kulutila kukuna kima mosi. Ya kele ya kuswaswana. Ba kunaka Nkuna; Ya monaka nsimbulu ya Yawu mosi. Ntangu Maza bandaka na kukota mpe kubuka Luzingu ya yandi, Mpeve, yawu bandaka na kutuba . . .

Beno ke tuba, “Ya kele na makabu yivwa ya kimpeve.”

Yandi tubaka, “Amen.”

“Yesu, mutindu mosi mazono mpe kukonda nsuka.”

“Amen.”

“Yandi ke belusa kaka mutindu Yandi ke salaka ntangu nyonso.”

“Amen. Amen. Amen.” Beno me mona?

³³¹ Yandi kunaka pene-pene ya banzadi, banzadi yina ke katuka na balweka nionso, banzadi ya Maza. Kuyituka ve ti yandi lenda beba ve. Kuyituka ve, ba kunaka yandi. Mwa Nkuna yina kubwaka kuna. Yandi lenda kufwa ve. Ya kele kaka na kati ya yinto ya Luzingu. Ya ke na kubasisa. Ya kele kieleka. Ya ke na kubasisa Luzingu ya yandi na kati ya banzadi, “banzadi,” Ngwisani ya Malu-malu, Ngwisani ya Ntama. Amen. Ba vwandaka kudia kaka, tii kuna! Oh, mpangi-bakala!

Beno ke zola Yandi? Amen!

Beno ke kumisa Yandi? Amen!

Beno ke sambila Yandi? Amen!

Amen! Amen!

³³² Yinga, tata. Yinga, tata. Oh, mu zola yawu, mutindu yina ve? Yinga.

. . . ke basisa mbuma ya yandi, ke *basisa bambuma ya yandi na nsungi ya yandi*; . . .

³³³ Genèse 1:11. “Beno basisa bambuma ya yandi.” Yinki bambuma? Bambuma ya yinki? Bambuma ya Yandi. Yinki bambuma? Bambuma ya Yandi Mosi. Yinki mbuma ya kele? Biblia. Beno me mona? Nyonso ya Yawu kele awa. Mbuma, zola, kele awa na kati ya Biblia. Kyese, awa na kati ya Biblia. Ngolo, Mpeve-Santu, bima nyonso yayi awa, kubeluka ya Kinzambi, bansilulu ya Nzambi, ya kele bambuma. Beno tala Yawu yayi. Mpe kana ba kunaka yandi na kati ya Yayi, ba me kuna na ntoto ya mbote, na lukwikilu. Yinki lukwikilu ke salaka? Lukwikilu ke bandaka na kukula na Yawu.

Amen!

Ya ke banda na kuningisa yandi. Beno me mona? Yawu yina; ya ke zangula yandi. Ya kieleka. “Yandi ke vwanda mutindu yinti yina ba kunaka na nzila ya bamaza; ke buta mbuma ya yandi na nsungi ya nsungi.”

³³⁴ Ntangu yayi, wapi mutindu ya mbuma ya ke buta? Jean 14:11, Jean 14:12, “Yandi,” Yesu tubaka, “Yandi,” mu banza ti ya kele 14:12, “Yandi,” Yesu tubaka, “Yandi yina ke kwikila na Munu, bisalu yina Mu ke sala yandi mpe ke sala yawu.” Samu na yinki? Ndinga mosi kele na kati ya yandi. Yandi vwandaka Ndinga. Ya kieleka? “Mpe kana beno zinga na kati ya Munu, mpe Bandinga ya Munu na kati ya beno, beno lomba yina beno zola.”

³³⁵ Mu vwandaka solula na Mpangi Evans kuna na manima, ntama mingi ve. Yandi me kwiza awa. Yandi me nata ditoma ntama mingi! Yandi zimbisaka ditoma ya yandi. Yandi vwandaka kuna na Miller, yandi bikaka fungula na kati ya yawu, muntu mosi kwisaka mpe yibaka yawu. Yandi vwandaka na nionso yina yandi vwandaka na yawu, na kati ya yawu. Yandi kwisaka. Yandi, yandi mpe Mpangi Fred, mpe Mpangi Tom, bayankaka ya bawu, me kwiza na yinzo. Mpe me tuba . . . Mbote, yandi monanaka mutindu mwa mwana mosi ya fioti yina ba

me botola ba-bonbon ya yandi; yandi, yandi vwandaka kudila mingi, beno zaba. Yandi tubaka, “Mu zaba ve yina mu ke sala.” Mu tubaka, “Mbote, . . .”

³³⁶ Ntangu yayi yinki ya kele? Ntangu yayi, ba ke na kwiza, yinki kele kima ya ntete? Na Ndinga; beno lomba Tata. “Kana beno ke zinga na kati ya Munu, mpe Ndinga ya Munu ke zinga na kati ya beno, beno lomba yina beno zola.” Yinki? Beno kangama na Ndinga, beno kangama kaka na Ndinga.

³³⁷ Mu tubaka, “Beto sambila.” Beto kulumukaka na ntoto, mpe beto bandaka, na kusambila.

³³⁸ Mpe na yina kuna, beto vwandaka sambila, mu tubaka, “Tata, mu me kwiza na Nge, na Nkumbu ya Mfumu Yesu. Awa kele mpangi ya bakala yina ke sadilaka, ke salaka kaka bilumbu fyoti sabala mosi. Maboko ya yandi, nionso ya kulemba, na kuyidikaka bimbambala ya matoma ya ntama mpe nionso mutindu yina, samu na kuzwa mbongo ya kulunga samu na kunata ditoma bakilometele bankama kumi na tanu na Lumingu nyonso, samu na kukwiza na balukutakanu. Mu ke na nkonga ya bana ya kupesa madia. Ya vwandaka lomba yandi, pene ya ba-dollar makumi tanu to makumi sambwadi na tanu na sabala mosi, samu na kusala nzietolo yina, kaka samu na kukwisa na yinzo-Nzambi. Beno me mona? Ya kieleka. Yandi kwizaka awa, na kumekaka na kuwa Ndinga, na yina beto ke na kumeka na kunwana samu na Yawu.” Mpe mu tubaka, “Ntangu yayi, muntu mosi ya yimbi me yiba ditoma ya yandi.” Yinki Yawu vwandaka? Mu tubaka, “Ntangu yayi, Mfumu, mu ke sambila Nge, vutula yandi ditoma ya yandi, na Nkumbu ya Yesu Klisto.”

³³⁹ Yinki mu salaka? Mu tulaka Ndinga yina, nsilulu yina, na ntuala ya Nzambi, tulaka Yawu kinyemo na Nkumbu ya Yesu, mpe fidisaka Ndinga. Kaka kuna na nzila Yawu me kwenda, ntama mingi kuna, me tala kisika yina yawu me banda; mutindu nsinga na zulu ya nzila ya kalumbu. Beno me mona? Yandi kwisaka kuna, kaka kuna na nsongi ya nzila, ke na kubokaka. Yandi kumaka kuna, kaka pene-pene ya ndambu ya Bowling Green, na Kentucky. Yinki basikaka? Ndinga monaka yandi.

³⁴⁰ Kaka na ntangu yina vision vutukaka. Mu monaka bakala mosi, na semisi ya jaune, kunata ditoma, ntwenya ya bakala, yina vwandaka Muklisto. Ndinga bulaka yandi. “Nge ke na kusalaka yimbi.” Ndinga simbaka yandi. Yandi fidisaka Ndinga ya Yandi, beno me mona, beno me mona, mpe bwilaka yandi. “Ba ke kanga nge na kati ya yayi, kilumbu mosi, mpe musiku ke kuzwa nge samu na kusala yayi. Beno baluka mpe beno vutula yawu.” Ndinga bakaka yandi. Yandi vwandaka Muklisto mbala mosi. Mu monaka yandi kunata yawu awa, kutula yawu na lweka ya bala-bala.

³⁴¹ Mu tubaka, “Ntangu yayi, bampangi, beno kwenda kaka kuna, na mutindu mosi *awa*, beno ke tala ditoma ya beno. Beno

vingila awa mwa ntangu fioti, na yina, tii kuna yandi ke vutukila yawu. Ntangu yayi, beno kuzwaka tank ya kufuluka na lusansi?"

"Yinga," yandi tubaka.

³⁴² Mu tubaka, "Ya ke vwanda ve na kima mosi ke kwamisa. Kasi ya ke vwanda na ndambu ya lusanse, samu ti ya ke lomba ndambu ya yawu, ke kima mbangu. Yandi vwandaka na nzila samu na kukwenda na Bowling Green, pene—pene ya bakilometele makumi sambanu na yawu ya kulemba mingi."

³⁴³ Ntangu yandi monaka yawu, ya kele mutindu ya vwandaka ya kuvwanda, kaka kieleka ya vwandaka. Yinki ya vwandaka? Ndinga kwendaka mpe bakaka yandi.

³⁴⁴ Yandi vutukaka mpe tubaka, ntama mingi ve na manima ya yina, bakala mosi sumbaka ditoma ya yandi. Yandi me syelumuka mpe me futa yawu ve. Beno me mona? Yandi tubaka, "Mpangi Branham . . ."

³⁴⁵ Mu banzaka, "Muntu ya mawa yayi!" Defaka yandi mbongo bankama yiya ya ba-dollar. Mu tubaka, "Mu ke sambila." Mu fidisaka Ndinga. Ndinga kwendaka, bakaka nzila ya yandi, monaka yandi.

³⁴⁶ Ntangu, beto kwendaka tala muntu yango. Yandi, ata mbala mosi ve Muklisto, beno me mona, yandi salaka—yandi salaka . . . Yandi sekaka. Ba yufulaka yandi, ke kwendaka na yinzo-Nzambi, kilumbu mosi. Yandi tubaka, "Mbote, na yina mulongi ke na kulongaka, mu ke tala na mwa bansuki ya mpembe." Na yawu, beno me mona, beno lenda ve kumona . . . Yinga. Ya kele—ya kele—ya kele dyabulu, ya kele, beno me mona. Na yawu Ndinga zolaka ve kukanga yandi.

³⁴⁷ Yinki Ndinga salaka? Yawu kebaka yandi na meso. Beno me mona? Ve kaka . . . Mpangi Welch landilaka kaka na kusimba, yandi tubaka, "Ya ke vwanda mbote mingi. Ya ke vwanda mbote mingi." Ndinga landaka yandi. Beno me mona? "Kana beno zinga na kati ya Munu, mpe Ndinga ya Munu na kati ya beno, beno lomba yina beno zola." Beno me mona? Ndinga landaka yandi.

³⁴⁸ Kima ya ntete beno zaba, mosi ya bana ya yandi ya babakala vwandaka nata ditoma na ditoma, awa na nzila, mpe ya vwandaka kuna. Yandi monaka bakala yina na kati ya ditoma, bakaka numelo ya yandi, yandi balukaka, Mpangi Wood. Ba bokilaka yawu, ba monaka kisika ya vwandaka. Yandi vwandaka na Bowling Green.

³⁴⁹ Nzambi na Mazulu zaba, mu me kuwaka ata fioti ve mpova mosi samu na yawu, me zaba kima mosi ve samu na yawu.

³⁵⁰ Lumingu me luta, ya vwandaka sabala mosi me luta, na manima ya midi, ntangu beto manisaka na kulonga awa, yandi kwendaka kuna mpe sobaka bilele ya munu, mpe yandi kubamaka na kukwenda na Floride, samu . . . to na yisi . . .

Mpangi Welch, samu na lukutakanu yina vwandaka landa mpimpa. Ntangu mu kotaka na ditoma, mu monaka muntu yina. Mu tubaka, “Mpangi Welch . . .” Mu lendaka ve kutuba na yandi, ntangu yayi. Yandi fwana kusala kusalu, yandi mosi, beno me mona, kaka mutindu Meda zolaka baka lukanu ya yandi kuna. Beno me mona? Mu tubaka, “Beto ke luta na Bowling Green.”

Yandi tubaka, “Ya kele pene ya ba-kilometre makumi tanu na ndambu na ndambu.”

³⁵¹ Mu kwendaka na nzila. Mu banzaka, “Oh, yandi—yandi, yandi ke—yandi ke kuzwa yawu. Beno me mona? Yandi ke kuzwa yawu. Beno me mona? Yandi fwana kaka kuzwa yawu.”

³⁵² Mu kwendaka kuna. Mpangi-kento Evans na munu . . . Mpe na manima ya mwa ntangu fyoti, yandi tubaka, “Nge zaba, Mpangi Branham,” yandi tubaka, “Mu me vwanda kieleka na bansuki ya nene?” Yandi tubaka, “Nge tubaka Bowling Green, ntama mingi ve.”

“Yinga.”

³⁵³ Yandi tubaka, “Nge zaba ti muntu yina kuzwaka mbongo ya munu, yandi kwendaka ntama na yawu?”

“Yinga.”

³⁵⁴ Yandi tubaka, “Yandi kele na Bowling Green. Mu vwandaka banza na yawu. Kaka . . . Mu me kuzwa kima mosi awa. Mu ke vutukila yawu, mu ke tala kisika yandi kele. Na manima mu ke baluka . . .” Mu tubaka . . .

³⁵⁵ Yandi tubaka, “Yinki nge ke sala? Nge ke kwenda kuna, nge ke kuzwa mbongo ya nge?”

³⁵⁶ Ntangu yayi, beno me mona, kana mu tuba na yandi, kuna . . . Beno me mona, yandi kele na kima mosi ya kusala, yandi mosi. Beno me mona? Yandi kele na kima mosi ya kusala. Mu lendaka ve kutuba na yandi. Kana mu salaka yawu, ya zolaka zibula vision kuna. Beno me mona? Na yina mu zolaka bika . . . Beno me mona? Kaka mutindu . . .

³⁵⁷ Samu na yinki Yesu telemaka kuna, mpe tubaka na Marie mpe Marthe, “Beno katula ditadi”? Na yina, Yandi vwandaka Nzambi. Yandi lendaka tuba, “Ditadi, vwanda diaka ve,” mpe ya zolaka vwanda kuna ve. Kasi yandi vwandaka na kima ya kusala.

³⁵⁸ Samu na yinki Yandi telemaka kuna, samu na kutala kuyonzika bambuma? Beno ke kwikila ti Yandi vwandaka Mfumu ya kuyonzika? Yandi tubaka na bilandi ya Yandi, “Nge ke sambila Mfumu ya kuyonzika, ti Yandi ke fidisa bisadi na kuyonzika ya Yandi.” Na nzonzolo yankaka, “Nge me lomba Munu na kusala yina Mu ke sala.” Beno me mona?

³⁵⁹ Beto kele bankundi. Beto kele—beto kele . . . Ya kele Dibuundu. Beto kele na kima ya kusala, beto mosi. Beno

kele na kima ya kusala. Awa kele Nsangu ya mbote, mu zaba Yawu, kasi kana beno vwanda kaka awa mpe ti beno longa Yawu ve, wapi mbote Yawu ke kusala? Beno me mona? Beno kele na kima mosi ya kusala. Beno fwana sala ngolo. Beno kele. . . Beno ke tuba, “Mbote, mu ke kwikila ti Nzambi lenda belusa, kasi mu zaba kaka ve.” Beno telama mpe beno bika Ndinga yina kukuma ndinga ya beno. Beno kwikila Yawu. Beno kwikila Yawu ve; beno kwikila kaka Yawu.

³⁶⁰ Mu tubaka, “Mbote. . .” Mu zabaka, kana yandi kwendaka ve, yandi zolaka zimbisa yandi. Mu tubaka, “Kana ya vwandaka munu, kana ya vwandaka munu, mu ke kwenda baka kaka mbongo ya munu ntangu yayi.” Mpe yandi salaka yawu. Ntangu yandi basisaka bakala yina na mbeto, yandi vwandaka na mbongo. Yandi bokilaka kuna na mfinangani, kuzwaka yina bikanaka, yandi sumbaka yawu.

³⁶¹ Yinki ya kele? Ya kele Ndinga. Beno me mona, kana Yawu lenda kuzwa kisika mosi, Yawu lenda baluka. Ntangu yayi, kima mosi na zulu ya kubeluka ya Kinzambi.

³⁶² Ntangu yayi, yinki kana Mpangi Welch zolaka tuba, “Mbote, beno banza ve ti mu ke kwenda kuna; beno banza kaka ti mu ke kwenda na lweka yankaka.” Yinki kana muntu yina tubaka, “Mbote, mu ke kwenda kuna ve kisika tomabilu yina kele ve?” Beno me mona? Ya ke salama ve.

³⁶³ Kasi beno fwana kwikila. Beno fwana kwikila yawu. Mpe ya kele. . . Kuna yina ke kubwa na atimosifere ya lukwikilu, mpe ya fwana basisa yawu. Ya fwana salama kaka. Oh, ya kele. . .

³⁶⁴ Beno me banzaka ntete, ntangu muntu mosi me vumbuka na lufwa, yinki ke salama? Beno me banzaka ntete ve, na Finlande kuna, ntangu yina mwana-bakala yina ya fioti vumbukaka na lufwa? Mpeve ya yandi kwendaka ntama na yandi. Ntangu yayi, Ndinga fwana basika, na kati ya ntangu ya kukondwa nsuka kuna, mpe kubaka mwa moyo yina mpe kuvutula yawu mbala mosi. Wapi mutindu Yawu lenda sala yawu? Ya kele Ndinga, “Belusa bambevo. Vumbula bantu ya kufwa.” Beno me mona? Wapi mutindu Yandi ke sala yawu? Ya fwana kwiza na nzila ya Ndinga ya maza. Yandi lakisaka vision, mpe ya fwana salama. Kuna vwandaka ya kulala mwana ya bakala yango. Bima nyonso vwandaka ya kulala kuna kaka mutindu Yandi tubaka yawu, bamvula zole na ntwala. Mpe ya vwandaka ya kulala kuna. Ya kele samu na yina mu ke tubaka samu na ulusu yina vwandaka kulumuka na mongo, nyonso yina ya vwandaka: ya fwana salama, ya fwana vwanda kaka mutindu yina. Beno me mona? Yinki Yawu salaka? Ndinga!

³⁶⁵ Mu tubaka, “Tata ya Mazulu, na yinsi ya bawu, Nge tubaka na munu, pene ya bamvula zole me luta, ti mwana-bakala yayi ya ntwenia ke vumbuka na lufwa. Na yina, na zulu ya lufulu ya Ndinga ya Nge, nsilulu ya Nge. Ya ntete, Ndinga tubaka,

‘Bidimbu yayi ke landa bayina ke kwikila.’ Nge fidisaka bilandi ya Nge na ntwala, Nge, mpe tubaka na bawu na ‘kubelusa bambevo, kuvumbula bamvumbi, kubasisa bampeve ya yimbi.’ Na yina, na nzila ya vision, Nge me talisa munu na yinsi ya mwana-bakala yayi ya fioti. . . ke vutuka diaka na luzingu.”

³⁶⁶ “Na yawu, lufwa, nge lenda kanga yandi ntangu ya yinda ve. Mu me kuzwa Ndinga ya Mfumu.”

³⁶⁷ Munu ve; mu kele Ndinga ve. Yandi kele Ndinga. Beno me mona? Kana mu vwandaka Ndinga. . . Ya kele kaka na Muntu Mosi yina lendaka vwanza Ndinga, ya vwandaka Yesu. Yandi vwanza Ndinga ya Nzambi yina tubamaka, na nzila ya mbutukulu ya bumwense. Mu kele kubeba, beno me mona, mu kele—mu kele bandandu ya kuvukana na kati-kati ya tata ya munu mpe mama ya munu. *Yayi* fwana kufwa; *ya kele* munu, beno me mona, nzutu yina fwana kufwa.

³⁶⁸ Ya vwanza ve mutindu yina, na Yesu. Yandi vwanza Ndinga. Yandi butukaka, mwense. Mpangi, ya kele ve na kento, bakala, to kima yankaka, yina vwanza ve na kima ya kusala na Yandi. Kento vwanza kibumbulu, ya kieleka, mpe Yandi pesaka yandi dibebe, mpe nionso yina. Ya lendaka vwanza kieleka samu na yawu. Kasi, bika mu tuba na beno, Yandi vwanza Nzambi. Ya kele Nani Yandi vwanza. Ya vwanza ve kuvukisa banzutu samu na yawu, ata fioti. Yandi zolaka vwanza na kimpwanza ya kuvukisa nzutu bakala na kento, samu na kunata Luzingu na nzila ya Menga yina; mutindu beto ke kuma, na mwa minuti fioti. Mpe ntangu yina, beno tala, Yandi vwanza Ndinga.

³⁶⁹ “Kasi Ndinga ya Mfumu. . .” Baprofete vwanza ve Ndinga. “Kasi Ndinga ya Mfumu kwisaka *na* baprofete.” Ve. . . Bawu vwanza ve Ndinga. Ndinga kwizaka *na* bawu.

³⁷⁰ Ya kele mutindu Yawu ke salaka beto bubu yayi. Ntangu Ndinga kwizaka samu na mwana ya bakala yina, yinki ya vwanza? Vision. Yinki ya vwanza samu na ulusu? Yinki ya vwanza samu na bima yayi yankaka? Nyonso, vision. Ya kele Ndinga ya Mfumu, kwizaka na yawu. Na manima yinki ya ke salaka? Ya ke simba kuna.

³⁷¹ Ntangu yayi, ba fwana zonga yawu, ntete. “Lufwa, vutula yandi. Na Nkumbu ya Yesu Klisto, mu ke fidisa Ndinga yina.” Yandi ke kangaka, kaka mutindu Yawu simbaka mwana-bakala yina vwanza kulumuka awa na Bowling Green, na ditoma yina ba yibaka. Awa Yawu ke kwenda *kuna* mpe ke baka dyaka. Yinki Yawu ke sala? Ya ke baka mwa—mwa mpeve yina, ke vutula kaka yawu awa, mpe ke lakisa yawu na kati ya nzutu, kaka mutindu Ndinga tubaka ti Yawu ke sala. Yawu yina. Yinki yawu ke sala? Lukwikilu, luzabu ve.

³⁷² Beno ke tuba, “Ntangu yayi beto mona. Mupepe kele ya kusala na *yayi-mpe-yayi*. Ya kele na acide mingi. Ya kele na

mupepe mingi. Ya kele na nsemo mingi ya yinza. Mu lenda bakula yawu. Mpe mu banza kana mu. . .” Oh, beno kele—beno kele. . . Beno ke na kulutisa ntangu.

³⁷³ Ndwenga ve; lukwikilu! Ndwenga ve; ke tuba na beno ti ya lenda salama ve. Lukwikilu ke talisa ti ya me salama, beno me mona, ya kieleka, ya ke talisa ti Yandi kele mutindu mosi mazono, bubu yayi, mpe kukonda nsuka. Mbote mingi.

Beto sala nswalu ntangu yayi. Beto fwana sala nswalu.

³⁷⁴ “Ke buta bambuma ya mutindu ya Yandi.” Jean 14 ke tuba, ti, “Yandi yina ke sala Munu. . . Yandi yina ke kwikila na Munu, bisalu, bidimbu yina Mu ke sala. . .”

Ntangu yayi, beno ke tuba, “Ya kele bidimbu yina Yandi ke salaka?”

³⁷⁵ Yandi kwendaka na yinzo mosi kisika mwana-kento mosi ya leke, mwana-kento ya longi mosi kaka, vwandaka ya kulala; ya kufwa, na madidi, ya kunzuluka, me lala. Yandi vwandaka kaka ya kufwa bangunga zole ntete Yandi kuma kuna. Bawu tulaka yandi na zulu ya mwa kanape, ba zolaka kubaka yandi, kumbome yandi. Yesu ke kota mbala mosi na kati ya kivinga kisika yandi vwandaka, mutindu yina. Ba vwandaka na mpasi mpe vwandaka ke dila mutindu yina. Yandi tulaka bawu nyonso na ngaanda, tubaka, “Basika awa. Basika.” Yandi tubaka, “Kwiza awa, Pierre, Jacques, mpe Jean. Mu zaba ti nge ke kwikila.” Yandi tubaka na tata, “Nge kwikilaka, to nge lendaka kwisa ve na manima ya Munu.”

Mpe mama tubaka, “Mfumu, mu ke kwikila.” Beno me mona?

Yandi tubaka, “Telama awa.”

³⁷⁶ Yandi talaka. Kuna vwandaka ya kutelama mwa—mwa mwana mosi ya kento. Yandi tubaka, “Talitha,” ya kele, “musadi.” Alleluia! Yandi zolaka ve kusambila. Yandi vwandaka Ndinga. Uh-huh.

³⁷⁷ Mu fwana ve kusambila, kana mu lenda mona vision, mpamba ve ti Ndinga me kubama yimeni. Mu fwana kusambila, samu na kuzwa Ndinga, kuzwa yina Nzambi me tuba. Na yina mu lenda zonza Yawu, na manima mu me kuzwa yina Yandi tubaka.

³⁷⁸ Kasi Yandi vwandaka Ndinga. Amen. “Kisadi ya kento, mu ke tuba na nge, vumbuka.” Yandi lokotaka yandi, na diboko. Yawu yina. Beno me mona? Oh, la la!

³⁷⁹ Yina kele kumonisama. “Yina ke butaka na mutindu ya yawu.” Yesu tubaka, “Yandi yina ke kwikila na Munu, yandi mpe ke sala bisalu yina Mu ke sala.”

³⁸⁰ Na yawu, bayayi, beno me mona, bima nyonso yayi ya ba-dénomination yayi mpe nyonso, bawu kele na bima ya mutindu yayi na kimvuka ya poto-poto mpe disumu, kaka mutindu

kivumu ya ntoto kele na luvangulu. Ya kele kieleka. Oh, la la! Wapi mutindu ya lenda salama? Wapi mutindu Ndinga ya Nzambi ya kieleka lendaka yela na bansuki yayi ya kuzenga, yina me lwata bakupe, kunwa tabaka, na ba-cintre ya ba-allée ya bowling, na bamambeke ya dibuundu? Wapi mutindu ya ke sala, ntangu zola yayi ya biese, yina ke sosaka bantu mingi mutindu yayi, ke basika mpe ke zola bima ya mutindu yina, mpe ke zola ya yinza? Wapi mutindu zola ya Nzambi lenda kwiza? Wapi mutindu Nkuna ya Nzambi lenda yela na ntoto mutindu yina? Ata mbala mosi ve ti ya ke baka nsimbulu. Ata mbala mosi ve ti ya ke nata Luzingu mosi na yawu. Ya ke vwanda kuna na zulu ya matadi yina ya ntama ya putulu ya denomination mpe ke pola, kasi ya ke nata Luzingu ata fioti ve. Yinga, tata. Yinga, tata.

³⁸¹ Bayina ke zolaka biese, “Bantu yina ke zolaka biese ya yinza kulutila Nzambi.” Mipasi mingi! Kasi, bawu kele na mayela mingi. Bawu kele bambala zole na mayela mutindu—mutindu bantu yankaka. Kieleka. Bantu ya mayele mingi, bayina longokaka, bayina longokaka mingi, kaka mutindu Eve vwandaka, mpe bawu kuzwaka mutindu mosi yandi kuzwaka, kaka kieleka. Ya kele Kieleka.

³⁸² Wapi mutindu lis lendaka zinga, Nkuna ya lis ke zinga mpe ke yela, ntangu ya ke yela na kati ya bamasa, ya ke yela na mosi ya ba-denomination ya fundu-fundu yina? Wapi mutindu ya lendaka sala yawu, ntangu ya ke yela na zulu ya Maza. Maza kele Mpeve. “Bawu kele na mutindu ya kinzambi, kasi ke manga ngolo ya Mpeve.” Beno me mona? Ata ti Ndinga ke kubwa na zulu ya bawu, Yawu lenda kula ve. Ya lenda yela ve. Kaka mutindu Ndinga vwandaka na Eve, kasi Yawu lendaka yela ve. Samu na yinki? Yandi ndimaka ndwenga, ndwenga ya Satana. Ndinga ke kwizaka na bawu. Ndinga ke kubwaka na zulu ya bawu. Kieleka, Yawu ke salaka. Yinga, tata. Ke yela . . . Ya, Ya ke kubwa na zulu ya bawu. Ba lendaka kuwa Ndinga kulongama.

³⁸³ Beno me monaka ntete bantu kuvwanda na kati ya dibuundu, ata mbala mosi ve ti bawu ke ningana? Samu na kulonga na bakento samu na bansuki ya kuzenga; mvula na manima ya mvula, ya me luta, ba vwandaka kaka na bansuki ya kuzenga. Beno tuba na babakala samu na kunwa tabaka, bakento samu na kunwa malafu; bawu ke kunwa kaka, kaka mutindu mosi. Kaka mutindu kulosa masa na mukongo ya dibata. Ya kele ve na kisika ya kuyela. Beno me mona? Ya kele ntalulu yina ya kitoko ya ntama, kuzabana mingi, “Mbote, bika bakento yankaka kusala yawu ntete, na manima mu ke sala yawu.” Mu ke kipe ve yina bawu ke sala. Ya kele kusalu ya beno na kulanda Ndinga ya Nzambi. Ya kele kieleka. Beno me mona?

³⁸⁴ Ata ti Ndinga ke kubwa na zulu ya bawu, Yawu lenda ve kukula. Ndwenga ya Satana, beno me mona, na yawu ya ke kuma kaka putulu ya denomination. Bawu lenda kwikila ve na Hébreux 13:8, na lunangu nyonso na ndwenga, kima ve samu

Yawu kukula. Beno me mona? Wapi mutindu bawu lenda kwikila Hébreux 13:8, “Yesu Klisto mutindu mosi mazono, bubu yayi, mpe kukonda nsuka”? Bawu lenda sala yawu ve. Beno me mona?

³⁸⁵ Oh, bawu ke tuba ti bawu ke kwikila Yawu. Oh, beno ke tuba na bawu Yawu, bawu ke tuba, “Kieleka, beto ke kwikila Yawu.” Na yina beno lakisa munu bambuma ya yawu. Ti mu mona yawu. Ti mu mona yawu kusalama. Bika mu mona dibuundu yina nge ke longaka, kusala yina bawu salaka na Dibuundu ya ntete ya bantumwa, yina kwikilaka Ndinga.

³⁸⁶ Beno ke soba bambotika ya beno. Beno ke soba banzikisa ya beno. Beno ke sala yawu ya kulunga na mutindu mosi ya credo; na kisika ya kubaka Ndinga, bika ti Ndinga kubuta mbuma ya Yawu mosi. Beno ke sala mutindu mosi ya kima yina beno fwana sala, samu na kunatina beno nzikisa ya Yawu. Mpe Satana lenda tendula konso nzikisa yina beno zola kusonika. Kieleka, yandi lenda, ya kieleka yandi lenda sala yawu. Kasi yandi lenda ve kubasisa Ndinga. Ya kele kima mosi yina ke yokaka yandi. Yandi lenda kaka ve kusala yawu. Yinga, tata. Oh, yinga.

³⁸⁷ Ntangu yayi beno tala Caïn mpe Abel. Bawu nyonso zole vwandaka ya kusungama. Caïn bakaka, na nzila ya ndwenga ya yandi, na manima ya dibuundu ya mama ya yandi, Ève. Ya vwandaka mama ya yandi. Bantu yikwa zaba ti Eve vwandaka mama ya Caïn? Kieleka. Mbote mingi. Mutindu mama ya yandi, yandi bakaka bangindu, beno me mona, ndwenga, ndwenga ya yandi mosi. Munkayulu ya kitoko; yandi vwandaka na bafelele. Yandi vwandaka na bambuma ya bilanga. Yandi tubaka, “Mbote, ntangu yayi, ya kieleka, beno me mona,” yandi tubaka, “Nzambi. . .” Ya vwandaka kaka mutindu Satana tubaka na—na Eve, “Ya kieleka, ya kieleka. . .” “Ya kieleka Nzambi ke yamba munkayulu ya munu. Mu me tunga autel ya kitoko. Mu ke na yawu kitoko mingi. Ya kele ya kubongisa mingi.”

³⁸⁸ Kaka mutindu Paki yayi ke vwanda, ba ke bebisa ba-million ya ba-dollars, bisika nionso na yinsi, samu na kutula bafololo ya Paki na zulu ya ba-autel. Ba salaka autel samu na bafololo ve; ya kele samu na munkayulu. Beno me mona? Ya ke lakisa kaka mpeve mosi yango ya ntama ya Caïn, beno me mona, mpeve mosi ya ntama—ya ntama ya Eden. Beno me mona?

³⁸⁹ Yinki—yinki kusalamaka? Caïn banzaka, “Kieleka. . .” Beno zaba ti bakala yango vwandaka ya kusungama, samu ti ya zolaka kutuba Luzingu to lufwa, samu na yandi.

³⁹⁰ Mpe, bantu yina, ke banzaka ve ti bawu kele bantu ya luvunu. Bawu kele ya kusungama. Beno ke tuba, “Na yina, ba lendaka vwanda ya kusungama mpe kuvwanda ya luvunu?” Kieleka. Muntu lendaka baka arsenic, na kubanzaka ti yandi ke na kubaka mafuta ya ricin to kima yankaka, kima yankaka. Beno me mona? Ya kieleka; yina ke sala yawu ve. Ya kele Kieleka, ya kusungama ve. Kieleka!

³⁹¹ Bakento yina kuna na Afrika, ba-bébé ya bawu ya fyoti na banzambi, bangandu nyonso. Beno kele ya kusungama? Ve. Bantu yikwa na kati ya bawu ke telamaka, ba-Chinois, ke zengaka mikwa ya bawu, samu na kukeba banzambi! Mpe wapi mutindu samu na ba-Musulman mpe kuna na zulu, mpe bantu yina ke tambulaka na tiya? Mpe ke tula bima, oh, ke kanga nsuni, na yinwa ya bawu, mpe ke losa yinwa ya bawu.

³⁹² Mpe bayankaka ya bawu tulaka yinti. . . Mu ke na kiteki mosi kuna, mwa kifwani mosi, mutindu yandi ke pesaka munkayulu na nzambi ya yandi, na kubanzaka ti yandi ke kwenda na Zulu. Nganga-Nzambi mosi ke tula nkawa na yinwa ya yandi, ke kanga yawu na yintu ya yandi, na muniololo ya kisengo; yandi me kulumuka, me tula maboko ya yandi na manima ya yandi, miniololo na makulu. Yandi lenda kunwa ve, kuzonza, kudya, to kima yankaka ve, tii yandi ke kufwa.

³⁹³ Beno me mona Baklisto nionso ke sala munkayulu ya mutindu yina? Beno ke kwikila Kieleka ve, Ndinga. Beno me mona?

³⁹⁴ Ntangu yayi, “Kitoko,” yandi tubaka, “ya kieleka Nzambi ke yamba. Beno tala mutindu autel ya munu kele kitoko mingi.”

³⁹⁵ Beno me mona mpeve mosi yina bubu yayi, ya ndwenga? “Mbote, kana beto ke tunga denomination yayi ya nene, ya kieleka Nzambi ke yamba beto.” Yandi ke yamba kima ve kasi Ndinga ya Yandi. Ve. Beno me mona?

³⁹⁶ “Mbote,” bawu ke tuba, “ntangu yayi, tala, Mpangi Branham, kana beto—kana beto tula balongi mingi konso mvula. Manaka ya beto ya ba-missionaire, na mvula me luta, samu na kunata nkama ya mafunda ya ba-dollars.” Ya lendaka vwanda mbote mingi, mpangi, kasi beno kele ya kufwa tii beno ke zaba Ndinga yango mpe kukwiza na Yawu. Ya kele kieleka.

³⁹⁷ “Samu na yinki, Mpangi Branham, dibuundu ya beto! Yinki nge ke banza ti nge kele, kaka mwa butomfo mosi ya ba-peste kuna?”

³⁹⁸ Ya kele kieleka. Ntangu yayi, ya kele kaka kieleka. Ya kele kieleka. Kasi, nyonso yina mu kele, ti mu vwanda na Ndinga yango. Ya ke yela na kima mosi, kilumbu mosi. Beno me mona? Beno vwanda kaka na Ndinga yina, ata nionso yina ya kele. Beto kele na kima ve kasi mwa tabernacle yayi awa. Ya kele kaka yina beto kele na yawu nsatu, kaka na ntangu yayi, kaka kisika ya kuvwanda, samu ti beto ke na kuvingila Yesu kukwiza.

³⁹⁹ Beto zola ata dénomination ya nene ve kuzwa mafuku konso mvula, na bayinzo ya nene mpe bima ya mutindu yina; mpe bantu ke meka na kulonga Ndinga, ke na kubelaka kuna, na kima ve ya kudia, mpe bima ya mutindu yina. Yinki kele diambu na bantu? Mutindu yina ve. . . Oh, ya ke monana ti bantu lendaka vumbuka na lufwa.

400 Kasi, muntu nyonso zolaka ndima Katolisisme, zolaka vwanda ya kufwa meso mingi na kundima kima mosi. Mu ke tuba na beno Kieleka. Muntu nyonso ke bika yawu kulumuka na nkingu ya bawu, ya lendaka—lendaka. . . “Bantu ya ndwenga,” kuyituka ve, Biblia ke tuba, “mpe bantinu ya ntoto ke sala kindumba na yandi.” Mpe bantu ya ndwenga, luzabu, beno me mona, mpe bawu salaka yawu, banganga-Nzambi yayi, bantu ya mayeye mingi. Oh, bakala, beno ke zonzila na yina me tala kulongoka? Bakala, bawu fwana kuzwa bamvula, na manima ya bamvula, na manima ya bamvula, na manima ya bamvula.

401 Ba ke tubaka ti ba ke zingaka ve na bamasere yina. Na manima mu zola kuyufula beno kima mosi. Samu na yinki bawu me kuma ve kisita? Uh-huh. Uh-huh. Uh-huh. “Bawu kele Kento ya makwela, yina kuna. Ba-mulet kele Kento ya makwela. Mpe ya kele Bakala ya makwela, ya kieleka, beno me mona.” Ya kele kieleka. Mama Ya Zulu mingi ke kangaka ba-bébé mpe ke tula bawu na dibulu ya tiya. Beno ke kwikila yawu ve? Beno kuwa muntu ya kieleka, yina vwandaka kuna, ke pesa kimbangi ya yawu. Beno tuba, “Ntangu yayi kwiza, ti musiku kukanga munu.”

402 Mpe yandi tubaka, “Beto ke sala kima mutindu mosi bawu salaka na Russie, kima ya mutindu mosi salaka na Mexique. Beto ke panza kima yina ya nene ya kuzibuka, ntangu ya ke kuma na luyalu.”

403 Kasi wapi mutindu beno ke sala yawu ntangu yayi na yina beto kele na yintu ya yawu kaka kuna na luyalu? Beno me mona? Beno me mona? Yina kele Ndinga yina fwana kulungisama, “Bawu salaka organisation na kizizi ya yawu awa, na kibulu yina vwandaka kuna. Mpe bawu zole vukanaka kintwadi mpe pesaka ngolo na kibulu yayi, na kuzonza.” Oh, mpangi-bakala, Ndinga yina ke telama kaka kuna. Communisme ke yala ve, kasi Romanisme kele. Uh-huh.

404 Ntangu yayi beno tala awa na yayi. Cain tubaka, “Ya kieleka Yandi ke yamba munkayulu ya munu.” Kasi wapi mutindu? Yandi tubaka “Mu salaka munkayulu.” Kasi wapi mutindu ya munkayulu ya vwandaka? Luzingu ya bayinti: bayinti, bafelele, bimenina. Luzingu ya bayinti, (yinki?) ya kele ve na mpasi na yawu, ata kitumbu.

405 Bantu ke zolaka ve kutala mpasi. Ya kele yina kele dyambu bubu yayi. Bawu me kwiza, bawu me kwiza kaka ntangu yayi mpe ke kwikila Ndinga yayi, kana zolaka basika ve na dibuundu ya bawu, kana ba zolaka seka bawu ve, kusawula bawu. Ve. Bawu zola luzingu ya bayinti, mwa mutindu ya ndwenga. “Mbote, luzingu yayi kele kaka mbote mutindu Yina.” Ya kele ve. Mu ke lakisa beno kisika ya me katuka, kaka na minuti, kana Mfumu zola.

Kasi, “Abel, na nzila ya lukwikilu.” Nkembo!

406 Cain, na nzila ya ndwenga, tubaka, “Kieleka Nzambi ke ndima yayi. Awa keke autel. Mu me kuzwa dibuundu.” Ya keke yina dibuundu keke, autel, kisika ya kusambila. Mbote mingi. “Mu me kuzwa autel. Mu ke sambila kaka na bukieleka nyonso mutindu mpangi ya munu ya bakala. Mpe mu keke na kima mosi ya kitoko awa samu na yawu. Ya kieleka Nzambi ke yamba yawu.” Ya keke kima mutindu mosi dyabulu tubaka na mama ya yandi; luvunu mosi, ndwenga.

407 Ntangu yayi, Abel. Hébreux 11 ke tuba:

Na lukwikilu Abel pesaka na Nzambi munkayulu ya kitoko mingi kulutila yina ya Cain, . . . yandi vwandaka ntete ya kufwa, kasi yawu vwandaka zonza.

408 Beno me mona? “Abel. . .” Na nzila ya yinki? Ndwenga? Na nzila ya théologie? “Na lukwikilu pesaka na Nzambi munkayulu ya kulutila kitoko.” Na lukwikilu na yinki? Na lukwikilu na yinki? Na . . . Wapi kisika yandi vwandaka na lukwikilu ya yandi?

409 Kuna, kaka tata ya yandi mpe mama ya yandi, yandi na ndambu ya mpangi ya yandi ya bakala, wapi mutindu na yinza ya lendaka vwanza? Wapi kisika—wapi kisika yandi lendaka kuzwa yawu? Yinki yandi salaka ti yandi kuzwa lukwikilu kuna? Lukwikilu na bisika ya bayinti, lukwikilu na kati ya yayi? Ve, tata. Yandi vwandaka na lukwikilu na kati ya Ndinga. Mpamba ve, yandi zolaka zaba samu na yinki yandi vwandaka na ngaanda ya disamba yina. “Samu na yinki ba tulaka beto na ngaanda?”

410 Mama zolaka tuba, “Samu ti mu kuwaka luvunu ya dyabulu. Samu ti mwana ya bakala yayi awa butukaka mutindu yayi-mpe-yayi, ya keke samu na yina Nzambi tulaka beto na ngaanda.”

411 “Mbote,” yandi tubaka, “Mu lenda baluka ve na mwelo. Ya keke na Chérubin kuna, na mbele, yina ke keba Yinti yango ya Luzingu.” Na yawu, na nzila ya lukwikilu!

412 Beno me mona, na nzila ya ndwenga, Cain pesaka munkayulu, beno zaba, na kuzabaka ve Ndinga, kasi yandi banzaka kaka, na nzila ya ndwenga. Yandi salaka kisika ya mbote, mpe salaka yawu kitoko mpe kitoko mingi.

413 Kasi, “Abel,” muntu ve tubaka na yandi, ntangu yayi, kaka mwana ya bakala, “na nzila ya lukwikilu kumonaka ti ya vwandaka ve luzingu ya bayinti; ya vwandaka dyambu ya kuvukisa banzutu bakala na kento, na nzila ya menga.” Yawu yina, mpangi-bakala. Luta na zulu ya Yawu, kilumbu mosi.

414 Na lukwikilu bana ya Yandi ke mona yawu kaka. Yandi longaka yawu ata fioti ve na nzila ya ndwenga mosi ntangu yayi. Ya ke kwisaka ve na nzila ya ndwenga. Ya ke kwizaka na nzila ya lukwikilu. Biblia ke tuba, “Abel, na nzila ya lukwikilu.”

Yinki yandi pesaka? Menga, tuka luzingu ya moyo, luzingu ya kibulu.

415 Beto kele kibulu, beto mosi. Beto kele kibulu yina me basika na menga. Ya kele kaka nyonso ya kieleka. Mutindu ya zulu mingi, kibulu ya kulutula zulu, kasi na moyo na kati kuna. Ya kele yina kele luzingu.

416 Ntangu yayi beno tala. Na lukwikilu Abel kumonaka luzayikisu, vision, mpe nataka luzingu, kubasika menga, samu luzingu vwandaka na kati ya menga.

417 Luzingu kele na kati ya yinti ya—ya felele. Mpe ya kele luzingu ya bayinti, yina kele ve na nsatu. Mu vwandaka na kivuvu ti ya ke kota mbote-mbote.

418 “Abel, na nzila ya lukwikilu,” na kubikanaka na Ndinga. Na nzila ya lukwikilu, ve na nzila ya ndwenga. “Na lukwikilu yandi monaka ti ya vwandaka sexe, menga.” Cellule ya menga ke katukaka na bakala. Bakala yina kele na cellule ya menga na kati ya sperme. Hemoglobine kele menga, ke kwizaka na nzila ya bakala. Mpe Adam zabaka ti ya vwandaka ve ba-pomme, mpe ba-poire, mpe bambala, to nyonso yina ya vwandaka, yina basisaka bawu na disamba ya Eden, yina nataka disumu. Ya vwandaka kuvukisa banzutu, menga, mpe yandi pesaka menga. Na lukwikilu yandi salaka yawu, ve na nzila ya ndwenga.

419 Wapi mutindu muntu kele, na nzila ya ndwenga, ke bakula yawu, ntangu Biblia ya muvimba mpe Dibuundu ya muvimba ya Nzambi me tungama na zulu ya luzayikisu ya Kinzambi, na nzila ya lukwikilu? “Na zulu ya ditadi yayi Mu ke tunga Dibuundu ya Munu.” Beno me mona?

420 Huh! “Oh,” bawu ke tuba, “kieleka, beto ke kwikila Yawu.” Na yina wapi kisika kele Luzingu ya Klisto na mutindu yayi? Wapi kisika kele Luzingu ya Klisto? Ya zole... Beno zola kusunika mwa Masonuku yayi. Beno me mona? Wapi kisika kele Luzingu? Kana... Ba ke tuba, “Mbote, beto ke kwikila. Beto ke kwikila. Beto ke kwikila.” Kana beno sala yawu, na ntangu yina...

421 Yesu tubaka, “Bidimbu yayi ke vwanda,” ve ya lendaka vwanda, “bawu ke landa bayina ke kwikila.” Yesu tubaka, “Kana muntu ke kwikila na Munu, bisalu yina Mu ke sala, yandi ke sala yawu mpe. Yandi yina ke kwikila na Munu, bisalu yina Mu ke sala yandi mpe ke sala yawu.”

422 Yandi ke sakana kaka ve. Yandi ke sala yawu. Wapi mutindu ya lenda salama? Samu, ya kele na Luzingu ya kieleka yina kele na kati ya Klisto, kele na kati ya beno. Ya ke basisa ve ndwenga nyonso; ya ke yela ve na kati ya yawu. Ya fwana manga ndwenga, samu na kubaka lukwikilu. Lukwikilu na kati ya Ndinga, ve ndwenga na kati ya Ndinga. Lukwikilu na kati ya Ndinga!

423 Satana kele na ndwenga mingi na kati ya Ndinga yina kulutula bayankaka, milongi nyonso vwandaka vukana kintwadi, banganga-Nzambi mpe nyonso.

424 Yandi kele na ndwenga mingi, kasi yandi lenda vwanda na lukwikilu ve. Lukwikilu ke sala ti Yawu kuzinga. Lukwikilu ke sala ti yandi balula ntima, yandi ke katula yandi na organisation ya yandi. Hum! Yandi kele na ndwenga, na yina yandi ke kangama kaka na yawu. Mbote mingi.

425 “Kasi Abel na lukwikilu monaka ti ya vwandaka kisalu ya kuvukisa banzutu, mpe yandi pesaka menga, luzingu ya menga, mpe Nzambi ndimaka yawu.”

426 Ntangu yayi, na Timothée ya Zole 2, 3, ya me tuba . . . Ndinga ke kwizaka na bawu ntangu yayi. Ya ke kubwa na ntoto ya yimbi ata mutindu yina. Beno me mona? “Bawu kele na mutindu ya kinzambi, kasi ke manga ngolo ya yawu,” ngolo ya Mpeve. Timothée ya Zole kapu 3, kana beno ke na kusonika yawu. Mbote mingi. “Na mutindu ya kinzambi.”

427 Mpeve-Santu bidimbu ya Luzingu ya Kukonda nsuka, bawu ke manga Yawu. “Bantu ke tubaka ve na bandinga ya malu-malu. Ve. Kima ya mutindu yina ve mutindu kubeluka ya Kinzambi, mbotika ya Mpeve-Santu. Kima yina vwandaka samu na bantumwa.” Ya vwandaka na mutindu!

428 Paul tubaka, na kupesaka profesu ya yawu. “Na bilumbu ya nsuka, na bantangu ya nsuka, bima yayi ke salama.” Ve na bilumbu yina. “Mpe Mpeve ke zonga na pwelele nyonso: na bilumbu ya nsuka, bilumbu ya nsuka, bayankaka ke katuka na Lukwikilu,” mpe bima yayi nionso. Beno me mona? Yawu yina, “Ke lakisa mutindu yina ya kinzambi.”

429 Ntangu yayi, wapi mutindu Mpeve-Santu bidimbu ya Luzingu ya Kukonda nsuka ke yela na putulu ya dibuundu yina, kisika wapi ya kele ve na Mpeve ya maza, ata fyoti? Beno me mona? Ba lenda ve kuyela na bilanga ya kuseka ya denomination, mpe ndwenga, mpe bansaka ya mbongo. Wapi mutindu bidimbu mpe mambu ya ngitukulu ya Nzambi ya moyo ke yela na kento kele ve na bumuntu ya mumesanu ya kusala mutindu mama? Mu zola kuyufula beno yawu. Wapi mutindu Yawu lenda kula na muntu yina ke telama na chaire mpe, samu na tike ya madia ya kukondwa mfunu to mwa luvalu mosi ya denomination, ke luta na lweka ya Kieleka ya Nzambi? Wapi mutindu bidimbu ya kimpeve ke landa yawu? Lenda ve kusala yawu.

430 Wapi mutindu—wapi mutindu Yawu lenda kula na mulongi yina ke katula denomination ya yandi, ke katula bawu bilele, na kumu kuna? Mpe awa nkokila yankaka yina, na kisika mosi mu me luta kaka mazono na nkokila, na kitezo mosi, mpe kuzwa makinu ya nene na kati kuna, na kulandilaka, wapi mutindu bambuma ya Kimpeve ke yela na kisika ya mutindu yina? Ya kele na zulu ya ditadi ya dibuundu, ya kele kieleka, mpe ve na kiwanda ya bampasi, samu na kuseka bawu mpe kusawula bawu.

431 Lis ke bulaka ngolo. Beno ke bambuka moyo na dilongi ya munu ntama mingi ve, bamvula fyoti me luta, na Tata Lis. Yandi ke tala mpasi. Kisika wapi, Yesu tubaka, “Wapi mutindu yandi . . . ke tala mpasi, to ke baluka ve, mpe kasi Mu ke tuba na beno: ti Salomon, nkembo ya yandi nyonso, vwandaka ve ya kulwata mutindu mosi.” Mutindu lis yina ke bendaka, samu na kukumisa yawu mosi kitoko, (samu na yinki?) kaka samu na kupesa. Na kuluta, beno ke pema, nsunga ya mananasi. Nyosi ke pumbukaka kaka na kati ya ntima ya yandi mpe ke katula kaka bwiki ntama na yandi. Yandi ke pesaka kaka yawu ya mpamba. Bampasi, samu na kusala yawu.

432 Alleluia! Yina kele muntu ya kieleka ya Nzambi, Pasteur Lis, Révérend Tata Lis, yinga, tata, yina ke nyongisa Ndinga, kele na kizizi ya yandi mpe ke boka na Nzambi, “Nzambi, mu lenda mona ve kisika *yayi* ke kutana *awa, awa*. Ya fwana kwiza na nzila ya Ndinga.” Ntangu beno ke mona yawu, mpe Nzambi pesaka yawu na beno, na yina beno kwenda ya mpamba. Ve samu na kuzwa campagne mosi ya nene, “Kana nge pesa munu kipiku ya kulutila ya mafunda ya ba-dollar, mu ke kwiza.” Kasi, ya mpamba, “Kana ya kele Mfinda to kisika nyonso ya kele, Nzambi, kisika Nge zola ti mu kuna Nkuna, mu ke pesa Yawu ya mpamba.” Alleluia!

433 Yesu tubaka, “Salomon, na nkembo ya yandi nyonso, kele ve ya kulwata mutindu yina.” Yandi tubaka, “Beno tala lis.”

434 Mwa muntu ya mputu, fwana kutala mpasi mutindu nyonso, samu na kuzwa yina yandi ke kuzwa, mpe ba sekaka yandi mpe sawulaka yandi. Mpe dibuundu ya nene losaka yandi na nganda, mpe bokilaka yandi bankumbu nionso ya mvindu. Kasi yandi ke vwanda kaka na Ndinga yina, samu na kukanga, kilumbu mpe mpimpa, ke vwanda na kiwanda. Yinki? Yandi kele—yandi kele na kisika yina yandi lenda basisa na “banzadi ya Masa.” Samu na kunata, (samu na yinki?) samu na kubasisa yawu. “Beno me kuzwa ya mpamba, beno pesa yawu ya mpamba.” Yinga, tata. Oh, la la!

Wapi mutindu ya lenda kula na bilanga yina ya putulu na zulu ya ditadi yina ya dibuundu?

435 Bana ya Caïn vwandaka ndwenga, landila science. Beno tala mbote bana ya Caïn ntangu *yayi* na yina bawu ke na kwiza. Beto tala bawu mbote minuti. Bana ya Caïn, yinki bawu vwandaka? Mitungi, ba-inventaire, bantu ya nene ya science. Bawu vwandaka na ndwenga. Beno me mona? Bawu—bawu—bawu tungaka bayinzo ya nene, mpe salaka bisengo, mpe vukisaka bima kintwadi. Bawu vwandaka bantu ya science, ya mayele, ya kulongoka, mpe misambidi.

436 Kasi yinki salaka ti bambuma yina ya ndwenga kubuta? Lufwa, samu na dikanda ya muvimba, ntangu balufundusu ya Nzambi kubwaka. Ya kele kieleka? Yinki—yinki kimvuka salaka?

Basisaka lufwa. Ata ti, na ndwenga ya bawu nionso mpe mayele mingi, yinki salamaka? Bawu kufwaka. Bawu nyonso kufwaka na lufundusu ya Nzambi. Ya kele kieleka? Nzambi tubaka yawu. Bawu vwandaka na mayela mingi, ya kulongoka mingi, ya kulengula, misambidi, kieleka mbote. Bantu ya mayele mingi, ya kulonguka, ba vwandaka tala na ndwenga ya bawu, mpe ba kufwaka dikanda ya bantu nionso.

⁴³⁷ Kima mutindu mosi bawu ke na kusalaka kaka ntangu yayi, ba-bombe atomique ya bawu mpe nyonso, ti bantu ya mayele yayi mpe nyonso ke—ke bebisa dikanda ya muvimba. Bawu me kwenda na ntuala ntangu yayi. Ya kele—ya kele. . . Beno ke yoka kaka meso ya beno, ke pesa beno cancer, nyonso. Bawu bikaka mingi yawu, na mubu, bawu monaka dyaka yawu ve. “Ntangu ya ke zibuka, ya ke bebisa yinza ya muvimba,” bawu ke tuba. “Bantu ke yokama na tiya, na nzutu ya bawu mosi.”

⁴³⁸ Kukondwa ntembe, Biblia ke tuba, “Mpe bandeke ya mazulu ke kudya nsuni ya capitaine,” mpe nyonso yina; kupola, samu na kubwa ya bima, nionso yankaka.

⁴³⁹ Bawu ke na kusalaka yawu, bawu mosi, ndwenga ya bawu ya mayela. Ya kele yina salaka lufwa kukwiza: ndwenga ya mayela mingi. Beno vwanda ya kukikulumusa, beno kwikila Ndinga ya Nzambi, mpe beno zinga. Beno baka ndwenga ya beno, mpe beno kufwa. Mbote mingi. Ntangu ya kuyonzika, ntangu ya nsuka, ba ke kufwa.

⁴⁴⁰ Mbote, bana ya Abel vwandaka ya kukikulumusa, ba-fermier, mivungi; ba-pasteur, beno zaba. Mivungi, ba-fermier, ya kukikulumusa, tubaka ve ti ba vwandaka na mayele, kasi ba bikanaka kaka na Ndinga. Samu na yinki bawu basisaka na ntangu ya nsuka? Profete. Ya salaka. Profete, samu na yinki? Bidimbu ya ntangu ya nsuka.

⁴⁴¹ Ntangu Noé telamaka na kielo yina, yandi vwandaka tunga nzaza yina, yandi tubaka, “Ya ke na kwiza, mvula.” Ba vwanda bokila yandi fanatiki, kasi yandi vwandaka profete. Amen. Yinki yandi salaka? Yandi nataka mpulusu na bayina vwandaka kwikila, mpe bayina vwandaka zola kutina. Ya kele yina bantu ya kukikulumusa, yina me longukaka ve basisaka, bayina kwikilaka na lukwikilu. Bayankaka kwikilaka na luzabu, bawu nataka lufwa, na dikanda ya muvimba. Yinki—yinki kukikulumusa salaka na lukwikilu? Yandi butaka mpulusu, profete ya Mfumu, yina pesaka bawu kidimbu ti ntangu ya nsuka vwandaka kuna.

⁴⁴² Beno banza ti bantu ya kulongoka ke kwikila yawu? Ba ke botula mbombo ya bawu mpe ke kwenda ntama, ba ke tuba, “Wapi kisika mvula ke katukaka? Na mutindu ya science beno talisa na munu kisika ya kele na maza na zulu kuna.” Bantu ya mayele yina, nkonga ya bantu ya mayele mingi, ke meka, science ke siamisa ti Nzambi kele ve. Beno meka!

443 Ntangu ba katulaka foto *yango*, yina katulaka bawu kaka zuni ya bawu kisika bawu vwandaka. Yandi lendaka ve kubakula. Yandi tubaka, “Ya kele na mutindu mosi ya Nsemo yina bulaka ba-objectif.” Ya kele na kisadilu ya bawu ya science, me baka foto ya Yawu, camera. Mutindu George Lacy tubaka, yandi tubaka, “Tata,” yandi tubaka, “camera yayi ke baka psychologie ve. Nsemo bulaka objectif. Ya vwandaka kuna.” Yandi tubaka, “Yinki Yawu kele, mu lenda tuba na nge ve, kasi Yawu kele kuna.” Yandi tubaka, “Mu ke sonika nkumbu ya munu na yawu.” Yandi salaka yawu. Mpe nge kele na yawu, nge mosi. Yinga, tata. Ya vwandaka na FBI. Beno me mona?

444 Nzambi ya beto, na kilumbu yayi ya nsuka, ya kele ve ditadi mosi yina me zibuka, kasi yina Yandi ke na kutalisa ti yinza yayi lenda ve kutelama. Ndwenga mpe luzabu vwandaka mata, vwandaka bula na mupepe mutindu banzini, mpe—mpe ba-avion ya reaction, mpe vwandaka nwana na yisi ya maza. Mpe mitindu nyonso ya kubeba, mpe kuzinga na disumu, na kumekaka na kutunga kima yina ke keba bawu.

445 Ya kele kaka na kima mosi: ludedomo ya Nzambi ke telama na Kielo ya Nzasa. Nani kele Kielo? Klisto tubaka, “Mu kele Kielo ya lupangu ya mameme.” Mu tangaka dilongi ya munu. “Mameme ya Munu ke kuwa Ndinga ya Munu. Nzenza bawu ke landa ve.” Beno ke baluka ata fioti ve na ba-organisation yina nyonso kuna. Yandi ke basika na yawu, ya kieleka mutindu yinza. “Mu ke katula bawu na lupangu, mpe mu ke twadisa bawu. Mu ke kwenda na ntwala ya bawu.” Amen. “Ba ke zaba ti ya kele Munu. Muntu ve lenda tambula mutindu Munu, muntu ve lenda sala bima yina Mu ke sala,” Yandi ke tuba. Amen.

446 “Rabbi, ntangu yayi beto zaba ti Nge me katuka na Nzambi, samu ti muntu ve lenda sala bimangu yayi yina Nge ke salaka kana ti Nzambi kuvwanda na yandi.” Beno me mona? Ya kele kieleka. Funguna ya Nicodème. Yawu yina.

447 Mwa dikanda yina ya kukikulumusa basisaka profete. Mpe profete yina, na bilumbu ya nsuka ya bana ya Abel, basisaka profete yina lakisaka bidimbu ya kilumbu ya nsuka mpe pesaka dikebi.

448 Kaka mutindu mosi na ntangu yayi, mu banza. “Yandi yina kele na dikutu ya kuwa, ti yandi kuwa yina Mpeve ke tuba na beto.”

449 Na yawu, beno me mona, Ndinga ya Luzingu lenda ve kuyela na mutindu ya atimosifere yina ya ndwenga. Ya lenda kaka ve kusala yawu.

450 Moise na Josué vwandaka na lukwikilu na kati ya Ndinga. Bayankaka zolaka bina mpe kukatula bilele na bakento; Koré, (samu na yinki?) na ndwenga ya yandi ya Egypte. Moise zolaka yawu ve.

451 Beno tala bawu Koré bubu yayi, na kusalaka nzila ya pete-pete, na kubina, bafeti nyonso ya mpimpa; bakento: bansuki ya kuzenga, ba-robe ya nkufi, nionso yina. “Ya ke sala luswaswanu ve. Ya kele mbote mingi.” Ya kele mbote ve. Ndinga ke tuba ti ya kele kieleka ve. Ya kele kieleka. Kima mutindu mosi. Beno me mona?

452 Ata ti mosi na mosi ya bawu kuzwaka mbotika, mosi na mosi, Koré mpe bawu nyonso kuzwaka mbotika, lakisaka ti ya kele dyaka kifwani yango ya dibuundu.

Beno ke tuba, “Ba kuzwaka mbotika?”

453 Ya Ntete ya Corinthiens 10:1 tii na 2. Beto tanga kaka yawu. Beto . . . Mu zaba ti ntangu me luta mingi, kasi madia ya midi ke kuzika ve. Madia ya midi yayi lendaka wumela mwa fioti diaka, kana Mfumu ke landila kaka na kudisa beto. Beno me mona? Ya Ntete ya Corinthiens 10. Ntangu yayi beno tala awa. Ya Ntete ya Corinthiens 10:1 tii na 2, mu me kuzwa. Ntangu yayi, mu baka na Corinthiens ya Zole. Corinthiens ya Ntete 10:1 tii na 2.

Mpe, bampangi, mu ke zola ve—mu ke zola ve ti beno zaba kima mosi ve, wapi mutindu ti beto . . . batata ya beto nyonso vwandaka na yisi ya dituti, mpe bawu nyonso lutaka na kati ya mubu;

Mpe bawu nyonso kuzwaka mbotika na Moise na dituti mpe na kati ya mubu;

454 Koré vwandaka na mbotika mosi yina bayankaka ya bawu kusalaka. Kasi yinki yandi zolaka kusala? Bika ti bakento bina kaka, mpe bawu kunwa mwa vinu mpe kuzwa mwa ntangu, kukatula bawu bilele mpe kusala pité, mpe kuzwa yawu. Beno zaba Biblia ke tuba ti bawu salaka yawu. Bawu bakaka bakento yina mpe katulaka bilele ya bawu, mpe salaka bawu bina, mpe bima ya mutindu yina. Mpe Moise dasukilaka bawu. Beno ke bambuka moyo na ntangu yina? Samu na yinki? Bawu vwandaka na Docteur Koré kuna, yina vwandaka na ndwenga. Yandi tubaka, “Mu ke vutula nge na Egypte.” Ya kele kisika yina bawu kwendaka, mpe.

455 Kasi, Mpangi Moise, ntangu yandi kulumukaka, ya vwandaka mutindu yankaka. Yandi na Josué kangamaka na Ndinga yina. Nzambi pesaka nsilulu; bawu bikanaka na yawu. Mbote mingi.

456 Bayankaka zolaka bina mpe kukatula bilele ya bawu, mpe na, na nzila ya ndwenga ya Koré. Mpe bawu nyonso kuzwaka mbotika, mosi.

457 Israel mpe Moab. Oh, mu kaka . . . beno . . . Mu vwandaka na nzila ya yawu, mbala mosi. Beto ke baka yawu ve. Mu fwana sala nswalu. Mbote mingi. Israel na Moab, beno zaba mutindu ya vwandaka kuna. Mosi, kaka mbote, mosi na ndwenga, ba-

denomination ya kulutula nene. Yankaka yina, ya fioti, yina ke yambaka bantu nionso.

⁴⁵⁸ Na yina, kilumbu mosi; wapi kisika mu me kuma ntangu yayi ntete beto sukisa. Kilumbu mosi, bayinto yayi zole ya nene, to bangolo, me kutana na kisika ya ku,ekq ngolo na zulu ya Ndinga ya Nzambi.

⁴⁵⁹ Ntangu yayi beto ke kuma na kisika ya zulu. Beto lendaka vutuka. Mu lendaka baka kumi na zole. Mu lendaka telama awa samu na sabala mosi, kukondwa kusimba nsongi ya yawu, mutindu ti mu lenda siamisa kaka yawu kuna, yina mu ke na kuzonzila. Kasi mu banza ti beno me bakula yawu. Beno me mona?

⁴⁶⁰ Kilumbu mosi, ya kumaka ntangu ya kumeka ngolo. Ndwenga mpe lukwikilu kwizaka na kisika ya kumeka ngolo. Yesu mpe Satana kukutanaka. Ya kele kieleka. Yesu mpe Satana kukutanaka. Bangolo nyonso zole yayi ya nene, ndwenga mpe luzabu, kwizaka na kisika ya kumeka ngolo. Beno me mona?

⁴⁶¹ Ntangu yayi, bawu zole vwandaka sadila Ndinga. Ya kieleka? Oh, mpangi, yayi ke vwanda mbote, samu na munu. Beno me mona? Beno kondwa yawu ve, ntangu yayi. Oh! Beno tuba, “Nzambi, zibula ntima ya munu.” [Dibuundu me tuba, “Nzambi, zibula ntima ya munu.”—Mu.]

⁴⁶² Bawu nyonso zole vwandaka sadila Ndinga ya Nzambi, Biblia mosi. Kasi Yawu ke simba ve na nzila ya kundima ve. Kieleka ya ke vwanda ve. Kieleka ya ke vwanda ve. Bawu zole vwandaka sadila Ndinga ya Nzambi. Kasi Satana sadilaka Yawu na yintu ya luzabu, beno me mona, yintu ya luzabu, mpe Yawu salaka ve.

⁴⁶³ Mu kele na Masonuku awa. Beno ke banza kana mu tanga yawu? [Dibuundu me tuba, “Ve.”—Mu.] Beto baka ba-Hebreux, kapu 4, na nswalu nionso, na mwa ntangu fioti. Mu zola kutanga yayi. Ya talanaka kaka mbote mingi na munu, kaka awa, Hébreux 4. Mpe beto baka Hébreu 4, mpe kubanda, 1 tii 2.

Bika ti beto na yawu kuvwanda na boma, na yina ti, nsilulu yina pesamaka na beto. . . na kukota na kupema ya yandi, na yina ya beno ke monana ti beno kele ntama na yawu.

Samu na beto nsangu ya mbote longamaka, mbote mutindu mosi na bawu: kasi ndinga yina ba longaka sadisaka bawu ve, ve na kuvwandaka ya kuvukana na (luzabu, ndwenga?) lukwikilu na kati ya bawu. . . lukwikilu yina na kati ya bawu yina (yinki?) kuwaka yawu.

⁴⁶⁴ Beno lenda vwanda na Ndinga nyonso, beno lenda zaba Ndinga yango katuka Z, mpe Yawu ke simba beno ata mbala mosi ve. Beno me monaka bantu kubaka Ndinga yina mpe

kumeka kusala Yawu kusala, kutuba, “Mpangi, nkembo na Nzambi”? Ya ke simba kaka ve. Beno lenda vuna ve na Ndinga. Ve, ve. Ve, ve. Ya lenda vwanda nyonso yina beno ke tuba, Ndinga ke sala kimbangi ya Yawu mosi. Ata nyonso yina beno ke tuba, Ndinga ke pesaka kimbangi. Ya kele kieleka.

⁴⁶⁵ Ntangu yayi, Satana zabaka Ndinga. Yandi zabaka Yawu kubanda A tii Z. Mbote, beno zaba yinki? Mu banza, kana yandi ke kuzwa diplome, yandi ke kuzwa bisalu mingi samu na kubenda ba-page yiya to tanu ya mukanda, “Docteur, Révérend, Kuluntu, Docteur ya Philosophie, Docteur ya Droit, Q.D.,” ba-alphabet na mutindu nionso. Diplome ya yandi ke vwanda na kati ya Biblia yina. Yandi zaba Ndinga nionso ya Yawu. Ya kieleka yandi ke salaka yawu. Beno me mona? Na yina, Satana tubaka, “Ntangu yayi, mu zaba Ndinga.” Mu zaba ti yandi zabaka Ndinga ntangu yandi kwisaka na Eve. Na yina, yandi vwandaka na Yawu na yintu ya luzabu, kasi Yawu lendaka ve kutambula.

⁴⁶⁶ Yesu zabaka Yawu na nzila ya lukwikilu, na luzayikisu ya Ndinga ya Nzambi na Luzingu ya Yandi Mosi ba soolaka ntete. Nkembo! Mu banza ti yina ke kota mbala mosi na kati ya ntima ya beno. Yesu zabaka Nani Yandi vwandaka. Satana vwandaka kukiyufula. Yandi zabaka ti Yandi vwandaka Kivangu ya Nzambi yina ba soolaka ntete, ti Nzambi Yandi mosi monisamaka na kati ya Yandi. Ya vwandaka ve Yandi yina vwandaka sala bisalu. Ya vwandaka Tata yina zingaka na kati ya Yandi. Amen.

⁴⁶⁷ Bika ti dyabulu pumbuka na théologie ya yandi nyonso. Yesu; Satana zabaka Yawu. Yandi zabaka Ndinga. Ntangu yayi, yandi lendaka tanga Masonuku yina, mwana ya bakala, kaka mutindu Biblia yina ke na kutambula. Yandi lendaka kaka kutanga Yawu mutindu *yina*. [Mpangi Branham me bula misapi ya yandi bambala mingi—Mu.] Beno me mona?

⁴⁶⁸ Kasi Yesu telamaka kaka swi, samu ti Yandi zabaka kisika Yandi vwandaka ya kutelama. Yandi zabaka ti Yandi yina ba soolaka ntete, “vwandaka Mwana-dimeme yina ba kufwaka na ntwala ya mbandukulu ya yinza.” Yandi zabaka ti Yandi vwandaka Muntu yina. Oh! Oh, mpangi! “Yandi yina kele na dikutu, ti yandi kuwa.” Yandi zabaka ti Yandi vwandaka yina ba soolaka ntete samu na yawu, mpe ya kele mutindu Yandi zabaka Ndinga. Beno me mona? Mpe Yawu salaka. Kieleka.

⁴⁶⁹ Satana zabaka Yawu na nzila ya ndwenga. Yawu kubwaka. Yandi tangaka Ndinga mosi yina Yesu tangaka, Biblia mosi kaka. Yandi tangaka na Psaumes. “Yandi ke pesa. . . Ya kele ya kusonika,” Satana tubaka, “Yandi ke pesa muswa na Bawanzio ya Yandi samu na Nge, na boma ti ntangu mosi Nge ke katula dikulu ya Nge na zulu ya ditadi mosi. Ba ke zangula Nge.”

Yandi tubaka, “Mpe ya kele mpe ya kusonama . . .” Oh! Beno me mona?

Satana zabaka Yawu na nzila ya luzabu.

470 Yesu zabaka Yawu na nzila ya nzingulu. Yandi zabaka Yawu na nzila ya luzayikisu. Yandi zabaka ti Yandi vwandaka Mwana ya Nzambi yina zolaka kwiza na yinza. Yandi zabaka ntelamanu ya Yandi. Yandi zabaka ti Yandi butukaka na yinza yayi samu na lukanu yina. Mpe ya kele samu na yina Ndinga ya Nzambi zolaka sala na nzila ya Yandi, samu ti Yandi zabaka yina Yandi vwandaka. Nkembo! Beno me simba yawu ntete? Yandi zabaka yina Yandi vwandaka.

471 Satana, na manima ya yawu, yandi zabaka yina yandi vwandaka. Mpe yandi zabaka ti yandi vwandaka ve na kisalu, na ndwenga ya yandi, na zulu ya Ndinga, samu Ndinga vwandaka Nzambi. Beno me bakula yawu?

472 Ntangu yayi, kana Yandi zabaka Nani Yandi vwandaka . . . Yandi vwandaka Kivangu yina ba soolaka ntete ya ntangu. Beno ke kwikila yawu? Yesu, nzutu, Yandi zabaka ti Yandi vwandaka Ndinga yina ba soolaka ntete, Muntu ya Nzambi yina zolaka telama na kilumbu yina, samu na kuvwanda Munkayulu samu na disumu. Mpe Yandi zabaka mbeni ya Yandi. (Mutindu mu longaka, mwa ba-Lumingu me luta.) Yandi zabaka mbeni ya Yandi; mpe Yandi zabaka Nani Yandi vwandaka. Na yina, bangolo yina zole ya nene me vukana, luzabu mpe lukwikilu. Yesu zabaka Nani Yandi vwandaka.

473 Satana zabaka Biblia mbote mutindu Yesu salaka, kasi Yawu zolaka sala ve samu na Satana. Beno me mona?

474 Ya lenda vwanda yinki lutangu ya luzabu kele na beno, ya ke simba ve. Ntangu yayi, beno vutula yawu na mwa organisation yayi ya nene. Beno banza na yawu, minuti mosi. Bawu ke tuba, “Mbote, beto kele na Ndinga.” Bika mu mona yawu kusala. Beno ba-Catholique, beno ke tuba ti beno kele ya kisina. Beto mona yawu. Beno lakisa munu bisalu ya beno, kukondwa ya beno . . . To, beno lakisa munu bisalu ya beno, na nzila ya, to, kukondwa lukwikilu ya beno, mpe mu ke lakisa beno ya munu, na nzila ya lukwikilu ya munu. Beno me mona? Beno me mona yina Ndinga me tuba.

475 Beno lenda kukuna nkuna kukondwa yawu kulakisa yinki ya kele, kana ya ke na kuyela? Beno lendaka kuna mbuma ya disangu kukondwa kusala disangu, kana yawu me yela? Beno lendaka kuna mbala kukondwa yawu basisa mbala? Beno lenda kukuna fololo kukondwa kuvwanda mutindu ya fololo yina? Beno me mona?

476 Na yina, kana ba kunaka beno, mpe Nkuna ya Nzambi na kati ya ntima ya beno, Ya fwana basisa Yawu. Yesu tubaka, “Yandi ke sala bisalu ya Munu, kana yandi ke kwikila Munu.” Kana yandi tuba ti yandi ke kwikila Yawu, mpe bayayi ke landa

yandi ve, yandi kele muntu ya luvunu. “Yandi yina ke kwikila na Munu, bisalu yina Mu ke sala yandi mpe ke sala; ya kulutila yayi, samu Mu ke kwenda na Tata ya Munu.” Oh, Ya kele ngolo! Kana beno kuma ve na kisika yina ya kwendaka na lweka mpe syelumukaka, kuna na zulu ya ditadi mosi kisika mosi kuna! Bawu ke kubwa kaka na kiwanda samu ti mipepe lenda ve kufula Yawu, mpe bandeke lenda ve kuzwa Yawu, Yawu ke yela.

⁴⁷⁷ Bumba Yawu na kati ya ntima ya nge. David tubaka, “Musiku ya nge me bumba na kati ya ntima ya munu,” na yawu ata dénomination lenda katula Yawu, bandeke lenda ve kubaka Yawu. “Mu kele na Yawu ya kubumbama *awa*. Mu banza na Yawu, kilumbu mpe mpimpa. Ba me sonikaka na zulu ya mabolongo ya munu mpe bisika nionso. Mu kele na Yawu, mu kele na Yawu na misapi ya munu. Ba kele na . . .”

⁴⁷⁸ Mpe Yesu tubaka, “Nkumbu ya nge kele na diba ya diboko ya Munu.” Na yina, wapi mutindu, wapi mutindu ba ke zimbana yawu? Ya lenda vwanda ve. Ntangu yayi, mbote mingi.

⁴⁷⁹ Na yina, kana Yesu nungaka Satana na zulu ya lukwikilu, na kuzabaka Nani Yandi vwandaka, Yandi vwandaka Kivangu yina ba soolaka ntete. Beno me kubama? [Dibuundu me tuba, “Amen.”—Mu.] Wapi mutindu samu na Kento ya makwela ya Yesu Klisto yina basoolaka ntete ntangu yayi? Beno ke kwikila ti ba soolaka ntete Kento ya makwela? Kento ya makwela ya Klisto yina ba soolaka ntete ntangu yayi, Dibuundu, Nkuna ya Ndinga, na nyonso yina Nzambi silaka na kutula na kati ya Dibuundu, na kati ya Yawu malu-malu yayi. Ya kele na kati ya Yawu ntangu yayi. Nyonso kele ya kuyilama. Mpeve-Santu me pesama. Ba kunaka Nkuna. Bansemo ya nkokila me sema. Kidimbu ya Sodome, yina Yesu silaka, kele awa, mpe Malachie 4. Dibuundu yina ba soolaka ntete!

Oh, dyabulu!

⁴⁸⁰ Dibuundu ya Nzambi ya moyo, awa mpe na bande, mpe, beno zaba kisika beno ke telama? Beno zaba ti ba bokilaka beno na Nzambi, ti Mpeve-Santu kuyala na kati ya ntima ya beno, mpe konso Ndinga ya Nzambi kele kieleka samu na beno? Oh, mpangi-bakala! Wapi mutindu Satana ke telemisa yawu? Wapi mutindu yandi ke telemisa yawu na kukula? Wapi mutindu yandi ke zitisa bidimbu yina na kulandaka Yawu? Na yina, beno lendaka losa yawu na boloko. Bawu, kana beno lendaka, mu ke kipe ve yina beno ke sala, ba mekaka yawu. Bawu polaka na kati ya boloko. Ba pesaka bawu madya na bankosi. Ba zengaka bawu bitini-bitini. Ba zengaka bawu bitini-bitini. Beno lenda ve kufwa Yawu, kieleka, Dibuundu yina ba soolaka ntete. “Bayina Yandi zabaka ntete,” mutindu Yandi salaka Yesu, “Yandi bokilaka. Bayina Yandi bokilaka, Yandi me nungisa bawu. Mpe bayina Yandi me nungisa, Yandi me kembisa yimeni, soolaka ntete.”

481 Mpe ntangu yayi, na bilumbu ya nsuka, na nkuna nionso ba kunaka; nyonso na ndonga, yinza na mutindu ya yawu, ntangu ya kusala, Dibuundu na ndonga ya Yawu, Nkuna, Bansemo ya nkokila, bidimbu ya mutindu Yandi tubaka, “Mutindu ya vwandaka na bilumbu ya Sodome.” Wanzio ya Nzambi, Mpeve-Santu, ke kulumuka, ke tambula, ke lungisa bidimbu yina Yandi salaka na ntangu yina. Malachie 4 silaka ti Yandi ke tinda, na bilumbu ya nsuka, yina Yandi silaka. Mpe beto ke mona mbote mingi ya yawu awa. Wapi kisika? Wapi kisika?

Amen! Amen! Amen! Amen! Amen!

Beno zola Yandi? Amen!

482 Kieleka, kaka awa na bilumbu ya nsuka, Dibuundu yina ba soolaka ntete, na kuzabaka kisika bawu kele ya kutelama, yina ba kunaka na Nkuna, Mpeve-Santu na kati ya Dibuundu. Satana, sala keba.

483 Yinki salamaka? Vingila fioti ntangu yayi. Yinki salamaka, na nyonso yina ba silaka na Yawu, mpe bansilulu ya Malachie 4?

484 Yinki—yinki Satana salaka ntangu yandi kutanaka na Yesu? Yandi pumbukaka na kati ya Yandi, na ngolo ya dibuundu nionso yandi vwandaka na yawu. “Mu zaba Ndinga, mpe,” yandi pumbukaka na zulu ya Yandi. Fundu-fundu ya denomination yina vwandaka na yandi! Beto losaka Yawu na zulu ya yandi; kasi beto vwandaka ve na Luzingu. Yandi me pumbuka ntete! Yandi me kwenda nswalu mingi ti yandi me pumbuka. Samu na yinki? Yandi simbaka Nsinga yayi ya makiasa ya ba-volt kuna. Yandi yimbaka mapapu ya yandi. Yandi katukaka na Yandi. Yandi basikaka na Yandi, samu ti Nsinga yina vwandaka na kiyeka ya Yawu.

485 Beno bambuka moyo, Satana kuzwaka kura, mpe. Kasi, ata mutindu singa ya yinti ya kisengo kele mbote, ya kele ve na luzingu na kati ya yawu, ya kele ya kufwa. Yandi ke sala ve. Nsinga mosi ya kisengo.

486 Mosi kele na enveloppe ya Dynamique, mpe yankaka yina ke na mfunu ve, ata fioti ve. Ya kele kieleka. Ya kele samu na yina Yawu ke sala na vaze yina ba soolaka ntete. Ya kele samu na yina Ndinga ke sala kisika Yawu kele ya kuvukana. Beno vukana, na denomination? Ve, tata. Ya kele ba-ricketta ya kufwa, “Ke lakisa mutindu ya kinzambi, ke manga ngolo ya yawu.” Kasi beno kangama na Ndinga, yina ke luta ata fioti ve, mpe lenda basisa ngolo mosi yina Yandi kuzwaka. Ya kele kisika ya kele. Nkembo!

Amen! Amen!

Beno zola Yandi? [Dibuundu me tuba, “Amen.”—Mu.] Beno ke sadila Yandi? [“Amen.”] Amen. Ya kieleka.

487 Ya kukangama ve na organisation mosi, kasi ya kukangama na Dynamo awa. Mpangi, mu ke tuba na beno. Ya ke salaka kuna, samu ti Yawu kele ya kukangama, Ndinga mosi.

488 Moab vwandaka ya kukangama na kati, mpe; mpe Israel vwandaka, mpe. Moab vwandaka na kima ve kasi nkonga ya bantu ya kufwa mpe profete ya luvunu.

489 Kasi Israel vwandaka na ditadi yina ba bulaka, nioka ya kisengo, Dikunzi ya Tiya, alleluia, bidimbu ya Nzambi ya moyo. Amen. Ya kele kieleka. Ya salaka. Samu na yinki? Ya vwandaka na zulu ya lukwikilu. Yinga, tata. Na luzabu ve, credo mosi ya bantu; kasi na lukwikilu na Ndinga, Ndinga Yawu mosi. Luzingu ke katuka na Ndinga. “Ndinga ya Munu kele Luzingu.” Lutiliki yina me katuka na Ndinga.

490 Satana kwendaka kuna, kaka na nswalu. Fundu-fundu ya yandi ya théologie kwendaka ve kieleka mbote kuna. Nsinga ya kisengo ya Satana me kangama na yawu ve. Ya vwandaka ba-credo ya kufwa. Ya ke vwanda ve mutindu yina. Ya ke kangama ve.

491 Ntangu yayi, beno me mona, ya kele nsinga yina mosi. Yesu sadilaka Ndinga ya Tata; Satana sadilaka Ndinga ya Tata. Satana vwandaka Satana. Yesu vwandaka Nzambi, ya kele luswaswanu, ya kele Kieleka. Mosi kele credo, mpe Yina yankaka kele Ndinga. Mosi kele Kieleka, mpe yankaka yina kele ya luvunu. Mosi ke basisa yawu; yankaka yina lenda basisa yawu ve. Beno me bakula yawu? Mutindu mosi ya bansinga, ntangu yayi, ya kele kaka kieleka, mutindu mosi. Hébreux 2, beto me kuzwa kaka, to, Hébreux 4:2, beto me kuzwa kaka yawu. Beno me mona? Mutindu, denomination, mutindu ba-dénomination ke tuba, na nzila ya ndwenga. Beno me mona? Ba-denomination, na nzila ya ndwenga, me tuba mutindu yayi: “Bilumbu ya kura me luta.”

Beno zola Yandi? Amen!

Beno ke sadila Yandi? Amen!

Beno ke kwikila Yandi? Amen!

Amen! Amen!

Mu ke kwikila Yandi. Yinga, tata. *Amen* zola kutuba “ya vwanda mutindu yina.”

492 Mfumu, kisambu ya munu, na suka yayi, baka konso mukwikidi na kati awa mpe nata yandi na lutiliki. Oh! Beno tula Luzingu na kati ya yandi, beno bika yandi sala makelele mpe kulezima nkembo ya Nzambi. Yinga, tata. Beno baka lutiliki.

493 Beno zaba yina mu ke kwikila? Ba kunaka Nkuna (Beno ke kwikila yawu?) samu na Dibuundu ya nene yina. Kaka mutindu bansinga vwandaka ya kutanda na kati ya kivinga, prise nionso mekamaka na nzila ya Ndinga, oh, la la, échappement nyonso mekamaka na nzila ya Ndinga. “Beno banza ti ya ke yitukisa ve ntangu bakumekama ya tiya ke kwiza. Ya kele kumeka beno.”

494 Ya kele na mwa nkufi kuna, ya ke pasula buto nyonso. Nzambi zola yawu ve na kati ya Dibuundu ya Yandi. Ata interrupteur mosi ve ke zika mpe ata fusible mosi ve me zika na bilumbu yayi ya nsuka. Ve, tata.

495 Yandi ke vutuka mpe ke kangimisa yandi na kati kuna kieleka. Yinga, tata. Mbote mingi. Konso nsemo kele na zulu ya kisika ya yawu. Kima mosi kaka, ke vingila Mulongi na manima kuna samu na kuzibula yinzo ya mwinda. Ya kele kieleka. Yinga, tata. Na kati ya Ndinga! Kieleka. Ya lendaka vwanda kaka ntangu yayi, mpangi-bakala. Kana beno kele na nsatu ya kubeluka ya nzutu, beno simba kaka buto. Ya kele nyonso yina beno fwana sala, kana beno kele na singa ya kieleka. Kana ntoto ya beno. . . “Kana banzila ya beno kele ya kukangama, mpe kuvukana, mpe, me zimbana na Yesu, tuba na beno yinki ya kusala.” Amen. Ya kele kieleka.

496 Ntangu yayi, ndwenga ya denomination ke tuba, “Bilumbu ya bimangu me lutaka.” Ya kele ve na kura na bansinga.

497 Kasi lukwikilu zaba mbote. Bawu ke kuwa yawu. Bawu ke mona yawu kusala. Bawu zaba ti yawu ke lezima. Bawu zaba yinki yawu ke salaka. Lukwikilu kele kura, kura, Mpeve.

Mpe ndwenga kele nkadulu ya denomination.

498 Satana mekaka na kumeka Yesu, na lukwikilu na Ndinga ya Tata. Beno tala yina yandi salaka. Yandi mekaka na kutalisa Yandi ba-organisation ya yandi ya nene, ya dibuundu ya nene ya ntoto. Kasi yandi lendaka ve kumeka Yandi. “Kwiza mpe kota ya munu. Mu ke sala nge évêque na zulu ya bawu nyonso.”

499 “Ya kele ya kusonika. . .” tubaka Yesu. Yinga, tata. Satana lendaka ve kumeka Yandi. Ve, tata. Yandi me luta yawu. Kasi, Yesu vwandaka Ndinga. Lukwikilu ya Yandi na luzabu ya Yandi mosi, ti Yandi vwandaka Ndinga.

500 Kaka mutindu Moise. Samu na yinki, Moise zabaka nani yandi vwandaka. Moise zabaka ti yandi vwandaka kisadi ya Nzambi, zabaka ti ba bokilaka yandi na Nzambi. Yandi zabaka yina yandi zolaka sala. Ya kele samu na yina yandi vwandaka ve na boma na yina Satana tubaka. Satana mekaka na kumeka yandi, kubangisa yandi. Kasi, ve. Moise zabaka kisika yandi vwandaka. Ya kieleka.

Ntangu yayi mu fwana sala nswalu. Mu ke luta na zulu, page na manima ya page, awa.

501 Paul. Kima mosi mu zola kubaka awa, ntete beto sukisa. Paul salaka yawu pwelele na kitini ya yandi ya Kento ya makwela yandi ke lakisa awa. Paul ke lakisa kitini ya Kento ya makwela. Beno ke kwikila yawu? Paul salaka yawu pwelele na kitini ya yandi ya Kento ya makwela ti yandi ke lakisa na Yesu Klisto na bilumbu ya nsuka, na yina me tala ndwenga to lukwikilu.

502 Beto tanga kaka mwa fyoti. Mu zola beno kubaka Corinthetaiens ya Ntete, kapu ya 4. Ya Ntete ya Corinthetaiens, kapu ya 4, beto ke tanga kaka. Mpe beto ke sukisa kaka na mwa ntangu fyoti, kana Mfumu zola. Ya Ntete ya Corinthetaiens, kapu 4, mpe mu zola kutanga nzila ya 18 tii na nzila ya 20. Mbote mingi. Beto bawu yayi.

*Ntangu yayi bayankaka kele na lunangu, mutindu ti—
mutindu ti mu ke zola ve kukwiza na beno.*

*Kasi mu ke kwiza na beno ntama mingi ve, kana
Mfumu zola, mpe ke zaba, ve nzonzolo ya bawu yina kele
na lunangu, kasi ngolo.*

503 Beno zaba, ya zolaka baka. . . Ntangu yayi, yina vwandaka dibuundu ya Rome kubandaka na kukwiza, kaka na kati kuna, bandaka na kukwiza. Beno me mona? Yandi zabaka yina. . . Beno zaba, Biblia ke tuba, “Bawu basikaka na beto, samu ti bawu vwandaka ve ya beto,” beno me mona. Ya kele kieleka.

*Samu ti kimfumu ya Nzambi kele ve na kati ya ndinga,
kasi na kati ya ngolo.*

504 Beno me mona, “Ve na kati ya Ndinga.” Beno tuba kaka, “Mbote, mu, mu me longukaka, mpangi-bakala. Mu me longukaka mingi kulutula yina nge me kuzwaka ntete ve. Mu kele—mu kele nganga-Nzambi. Mu kele. . .” Yina kele ve na kima ya kusala na Yawu. Ya zola kutuba mingi ve ti beno kele “ngulu,” to kima yankaka; beno me mona, beno me mona, beno kele ve na kima ya kusala na Yawu. Beno me mona? Dyabulu vwandaka na luzabu mingi, mpe. Beno me mona? Mbote mingi. Beno me mona?

*Samu ti kimfumu ya Nzambi kele ve. . . ndinga,
kasi. . . ngolo. Beno me mona?*

*Yinki beno ke zola kuna? Mu ke kwiza na beno na yinti,
to na zola, to na. . . mpeve ya lembami?*

505 Ntangu yayi, kapu ya 2. Mu zola kusukisa yayi, kaka minuti, kuna, ntete beto sukisa. Kapu ya 2; beno baluka na page. Beto banda kaka awa na ya 1te. Ntangu yayi beno me mona yina, Paul, yina yandi ke na kutubaka na Kento ya makwela ntangu yayi. Yandi ke lakisa kitini yayi ya Kento ya makwela na Klisto, mpe yandi zola ti bawu kuzaba. Ntangu yayi, beno bambuka moyo, Paul zolaka vwanda na mwa mayela mingi. Yandi vwandaka na mayela mingi, yandi vwandaka na yawu, kasi yandi “zolaka zimbana yawu,” yandi tubaka. Yandi vwandaka na ba-diplôme ya mutindu na mutindu mpe malongi ya lukolo, kasi yandi zolaka zimbana yawu, ntangu yayi, beno tala, samu na kulunguka Klisto.

*Mpe munu, bampangi, ntangu mu ke kwizaka na beno,
mu kwizaka, kwizaka ve na nzonzolo ya kulutula kitoko*

to. . . ndwenga. Beno me mona? Mu me kwiza ve na ndwenga, na kutubaka na beno kimbangi ya Nzambi.

506 “Mu kele Docteur *Kingandi*, mpe mu kele na nyonso. Mu kele. . . Ba me longa beto na baseminere, *yayi-mpe-yayi*”? Ve, ve. Paul tubaka, “Mu me kwiza ve na beno mutindu yina, na ndwenga.” Ntangu yayi, mpe yina. . .

Yinki kele dilongi ya munu? *Ndwenga Me Telemina Lukwikilu*. Beno me mona?

507 “Mu me kwiza ve na nge na ndwenga,” Paul tubaka, “pesa nge kimbangi ya Nzambi na nzila ya ndwenga, tubaka, ‘Ntangu yayi beno tala awa. Mu ke tuba na beno. Beto me longoka na seminere ti bilumbu ya bimangu me luta. Beto ke longuka na seminere ti bima yayi zolaka kutuba kieleka *Yayi* ve.’” Yandi tubaka, “Mu me kwiza ve mutindu yina, bampangi.” Ntangu yayi yinki yandi tubaka?

Samu ti mu me baka lukanu ve ya kuzaba kima mosi na kati ya beno, Yesu mvulusu. . . mpe yina ba komaka na kulunsi.

Mpe (kana) mu vwandaka na kati ya beno na kulemba, mpe na boma, mpe na lukwamusu mingi mu vwandaka na beno.

Mpe nzonzolo ya munu mpe kulonga ya munu vwandaka ve na bandinga ya luvunu ya ndwenga ya muntu, . . .

508 Huh? Mutindu Booth Clibborn tubaka, “Mbote?” Nani me konkota kuna?

Mu kwizaka ve na beno na *ndwenga* mosi ya seminere, *kasi na kumonisama ya Mpeve mpe ya ngolo*:

Ti (l-u-k-w-i-k-i-l-u) lukwikilu ya beno fwana vwanda ve na kati ya ndwenga ya bantu, kasi na kati ya ngolo ya Nzambi.

509 [Mpangi Branham me bula mwita—Mu.] Amen. Nge ke kwikila yawu?

Ti lukwikilu ya beno fwana vwanda ve na ndwenga ya organisation mosi, kasi na kati ya ngolo ya Nzambi.

510 Lukwikilu na ngolo ya Nzambi! Bivuvu ya beno kele ve. . .

511 Bayinto zole yayi me kuma mfinda kubanda Eden; lukwikilu ya Nzambi na zulu ya ndwenga ya Satana. Nzambi me talisa, na kati ya bansungi nionso, ti Yawu ke vukana ve. Yawu fwana vwanda ya kukabwana, samu na kuyela.

512 Ntangu yayi, na nswalu, ti mu baka kaka—kaka mpova mosi to zole, na zulu ya mosi na mosi, kubaka kaka mwa bima yina mu sonikaka awa.

513 Ésaü mpe Jacob vwandaka kifwani ya kulunga: bawu zole, misambidi; bawu zole, bana ya mapasa.

514 Ésaü vwandaka kifwanisu ya dibuundu. Yandi vwandaka muntu yina vwandaka na mayela. Yandi vwandaka—vwandaka na nkadulu ya mbote mpe bima ya mutindu yina, kasi yandi vwandaka ve na nsatu ya bukuluntu yina.

515 Jacob vwanaka kipe ve yina yandi zolaka sala, kaka samu ti yandi kuzwa bukuluntu. Mpe ntangu nyonso yina bawu vwandaka kintwadi, bawu zolaka ve kubuta. Ya kele kieleka? Mosi vwandaka telemina yankaka.

516 Beno me simbaka yawu? Amen. “Beno basika na kati-kati ya yawu. Beno kabwana,” me tuba Nzambi. “Mpe beno simba ve bima ya bawu ya kutsyema ve. Mu ke yamba beno.” Beno me mona?

517 Jacob zolaka kukabwana yandi mosi na mpangi ya yandi ya bakala ya dénomination ntete Nzambi sakumuna yandi. Nzambi tubaka na Abraham kima mutindu mosi.

Israel; mpe Moab.

518 Bankama yiya ya bapofete ya Israel telamaka na ntwala ya Michée. Mpe Michée kabwanaka yandi mosi na bawu, mpe bakaka Ndinga ya Mfumu, mpe vutukaka na Yawu.

519 Moise, mpe Koré, kima mosi, zolaka vukana ve. Bawu zolaka kabwana. Ya kele kieleka?

520 Abraham; mpe Lot. Lot vwandaka musambidi, kifwani ya dibuundu landila misiku. Kasi ntangu nyonso yina Lot vwandaka na Abraham, yandi salaka nzietelo bamvula mingi na yandi. Kasi Yandi ke . . . Nzambi ke sakumuna yandi ve tii kuna yandi ke tumama na Yandi mpe ke kabwana na Lot, dibuundu ya denomination. Na yina, ntangu Abraham kabwanaka yandi mosi mpe basikaka, samu na kutambula yandi mosi, Nzambi tubaka, “Ntangu yayi, Abraham, telama. Tala esete, wesete, node, sude.” Yandi tubaka, “Ya kele nyonso ya nge.” Kasi Yandi salaka yawu ve tii yandi kabwanaka yandi mosi. Ya kele kaka kieleka.

521 Nzambi zolaka sakumuna Seth ve tii Yandi kabulaka yandi na Cain. Yandi tulaka kidimbu na Cain mpe fidisaka yandi na ntoto ya Nod. Mpe Cain, na ndwenga ya yandi ya mayela mingi, me kuma bantu ya science mpe nyonso yankaka, me kulisa bambuma ya yawu. Mpe Seth, na yisi ya ludedomo ya yandi, mpe zola mpe lukwikilu na Ndinga ya Nzambi, yandi kulisaka bambuma yina basisaka profete yina kebisaka bilumbu ya nsuka, ya kele kieleka, vulusaka konso mukwikidi. Mpe ndwenga bebisaka mosi na mosi ya bawu. Bawu, bawu nyonso, kufwaka. Bawu nyonso, ata lutangu ya ba-diplome mpe psychologie vwandaka na bawu, nyonso yankaka, bawu kufwaka na balufundusu ya Nzambi.

522 Mpe nyonso na ngaanda ya Mpeve ya Nzambi ya kieleka, yina me butuka mbala zole, yina ke kwikila konso Ndinga ya Yawu mpe ke telama kaka na zulu ya Yawu, ke kufwa na balufundusu

ya Nzambi. Beno ke mona mwa bantu yayi ke ningana-ningana kuna na bala-bala, mpe bima yayi nionso ke na kusalamaka, mpe ke na kulandilaka mutindu yina, beno bambuka moyo, ya kele kima ve na yinza kasi nsuni samu na lufundusu. Ya ke pola. Ya fwana pola. Ya kele kaka ya kukangama kuna. Bakento, beno vumbuka.

523 Mu kele na mwa kimbangi mosi, kasi mu kele ve na ntangu ya kutuba yawu, na mwa mama mosi awa ntama mingi ve, na Californie. Ba vwandaka nata munu na bala-bala, ba vwandaka bokila munu na kati ya tenta. Ba vwandaka tambula na ditoma kuna, mwa. . . Ya kele—ya kele—ya kele nsoni. Na ntembe ve, mwankento mosi ya kitoko mingi. Mpe yandi vwandaka kwenda kuna, ke denda, mwa cowboy yayi yina lwataka yimpu, ba-botte mpe misanga ya kunamika, ke denda kuna na nzila. Muntu nyonso vwandaka bula na yandi, mpe vwandaka ningana, bawu nyonso mutindu yina.

524 Mu banzaka, “Mu zolaka telama kaka, kana mu vwandaka mulongi ve. Meda vwandaka kuna, mu zolaka sala yawu. Beno tuba, “Tala, mpangi ya kento, mu zola kutuba na nge kima mosi. Nge lenda vwanda kitoko mingi. Nge lenda siamisa yawu. Beno me mona? Beno lendaka vwanda na kiyeka ya kukwetisa bafrein ya ditoma, mpe kubaluka awa, mpe bana-babakala ke bula mwita mutindu bayimbwa ya mfinda, nionso yina. Kasi mosi ya bilumbu yayi, mwa nzutu yina, bankusu mpe misobi ke tambula na kati ya yawu mpe ke kudia yawu. Mpe mu banza na basabala sambanu ya ntangu yayi ya ke vwanda mutindu yina, ya kupola, ya me vwanda kuna na ntoni. Kasi moyo yina kele na kati ya beno, ke na kudya na zulu ya kulula yina, ke zinga na difelo ya dyabulu samu—samu na bansungi yina ke kwiza.”

525 Moise; mpe Koré. Lot; Abraham. Jean Mubotiki; mpe bafutisi mpaku. Yesu; mpe mabuundu ya denomination ya bilumbu ya Yandi. Beno me mona? Lukwikilu; ndwenga.

Mbote, banganga-Nzambi yayi lendaka telama, kutuba, “Beto. . .”

Yandi tubaka, “Yinga.”

“Beto kele na *yayi*. Oh, tata ya beto, beto me sala *yayi-mpe-yayi*.”

526 Yandi tubaka, “Yinga. Beno, na binkulu ya beno, me sala ti misiku ya Nzambi kusala kisalu ve, na kulongaka Malongi misiku ya bantu.”

527 Yandi tubaka, “Mbote, nani Nge kele, samu na kulonga beto? Wapi lukolo Nge me katuka?”

528 Yandi tubaka, “Bisalu yina Mu ke sala, ke pesa kimbangi ya Munu. Kana Mu ke sala ve bisalu ya Mesiya, na yina beno kwikila Munu ve. Mpe kana mu ke sala bisalu ya Mesiya, na yina beno zaba, beno ke kwikila bisalu.” Yandi tubaka, “Ya ke

pesa kimbangi ya Munu. Kana Mu ke sala ve bisalu, na yina beno kwikila yawu ve.”

⁵²⁹ Yandi vwandaka na ba-denomination yina, diaka, kuna na manima, na ndwenga ya bawu. Yesu vwandaka na lukwikilu. Lukwikilu na yinki? Yinki Yandi vwandaka: Mwana ya Nzambi. Beno me mona? Mbote mingi.

⁵³⁰ Santu Martin; na dibuundu ya Rome, na bilumbu ya kusungika. Kasi mu zola kutuba ntangu, bawu, ntangu ntete bawu kota na Rome ya mimpani, ntangu yandi bandaka na kukwiza na dibuundu ya Rome. Martin telamaka kuna mpe teleminaka dogme yina ya dibuundu ya Katolika yina; salaka bidimbu, mpe mambu ya ngitukulu, mpe bimangu. Mpe—mpe mabuundu ya yandi, bawu nyonso, zonzaka na bandinga, mpe pesaka profesi, mpe bima ya nene. Mpe ngolo ya Nzambi vwandaka na yandi. Yandi vumbulaka bantu ya kufwa mpe belusaka bambevo, mpe nyonso yankaka yina. Mpe ya vwandaka na dibuundu yango ya Katolika kuna, pesaka yandi malongi mutindu yina, mpe vwandaka meka na kuyoka yandi, mpe nyonso yankaka. Yinki ya vwandaka? Ndwenga; lukwikilu. Mutindu mosi ntangu yayi.

⁵³¹ Beto kuwa yimpu ya yawu nyonso. Zacharie 4:6 kele kisika mu ke sukisa, kaka awa. Biblia ke tuba, “Ve na nzila ya ngolo, ve na nzila ya ngolo, kasi na nzila ya Mpeve ya Munu, me tuba Mfumu. Ve na nzila ya ndwenga, ve na nzila ya luzabu, ve na nzila ya nkumbu, kasi na Mpeve ya Munu Mu ke (yinki?) ke kindisa Ndinga ya Munu.” Bilandi Yawu kunaka na kati ya bawu, kuna Mpeve kwizaka samu na kindisa Ndinga. Beno me mona? “Ve na nzila ya ngolo, ve na nzila ya ndwenga, ve na nzila ya ndwenga, ve na nzila ya lubakusu, ve na nzila ya *yayi*, ve na nzila ya *yina*, kasi na Mpeve ya Munu Mu ke fika Ndinga ya Munu. Na nzila ya Mpeve ya Munu, me tuba Mfumu.” Ya kele Masa ya Ndinga ya lukwikilu yina ke kindisa Ndinga ya Nzambi mpe ke sala ti Yawu kusala.

⁵³² Yinki ke nunga? Ya ke talana mutindu, kaka ntangu yayi, kieleka, ndwenga yina ke sala. Kasi, ya ke ve. Ya ke salama ve.

⁵³³ Ya ke talana mutindu, kaka ntangu yayi, ti mwa Dibundu yina ke kwikila Ndinga ya muvimba ya Nzambi kele—kele kieleka lutangu ya fyoti. Kasi beno vwanda na boma ve. Biblia ke tuba, “Beni vwanda na boma ve, Mameme ya fyoti. Ya kele Tata ya beno yina kele mbote na kupesa beno Kimfumu.” Uh-huh. Ya kele kieleka. Beno me mona? Mpe beno vwanda na boma ve. Benoni vwanda kaka na lukwikilu. Benoni vwanda kaka na Ndinga. Benoni bika ve Ndinga. Benoni bikana na Ndinga.

Beno zola Yandi? Amen!

Beno ke sadila Yandi? Amen!

Beno ke kwikila Yandi? Amen!

Amen! Amen!

Beto yimba yawu.

Beno zola Yandi? [Dibuundu ke yimbaka,
“Amen!”—Mu.]

Beno ke sadila Yandi? Amen!

Beno ke kwikila Yandi? Amen!

Amen! Amen!

Beno zola Yandi? Amen!

Beno ke sadila Yandi? Amen!

Beno ke kwikila Yandi? Amen!

Amen! Amen!

534 Oh, mu zola Yandi! Beno ve? Yinki ya kele? Na nzila ya lukwikilu, na nzila ya ndwenga ve! “Na nzila ya lukwikilu beto me kuzwa mpulusu.” Ya kele kieleka? “Ve na nzila ya ndwenga, ve na nzila ya luzabu; na nzila ya Mpeve ya Munu, me tuba Mfumu.”

535 Ntangu yayi, beno bika Bawu kukota na Dibuundu yayi. Nsinga yayi ya cuivre, ya ke nataka kura. Ntangu yayi, nsinga ya aluminium ke nataka ve kura. Beno me mona? Ya ke nataka ve. Ve. Tiyo ya kawutshu ke nataka ve kura; ya kele isolant. Kitini ya yinti kele isolant. Beto kele ve na nsatu ya ba-isolant. Beto ke na yawu kulutila mingi ntangu yayi, mpe ya ke salaka ba-isolant. Na yawu beto—beto zola... Beto zola kutwadisa, babakala mpe bakento yina me butuka mbala zole ke kwikila Ndinga ya Nzambi.

536 Ntangu yayi, yinki Dynamique tubaka? “Beno yufula Tata konso kima yina na Nkumbu ya Munu, mu ke sala yawu.” Mpe yinki beno ke salaka? Kukotisa na prize.

Amen!

537 Ya kele mutindu yina? Beno kotisa kaka na prise, yawu yina kaka beno fwana sala, mpe kura ke luta na nsinga nionso.

538 Yinki ke salama? Ndinga ke banda na kuyela. “Mpe yandi ke vwanda mutindu yinti yina ba kunaka na banzadi ya maza; makasa ya yandi ke beba ve; nyonso yina yandi ke kwenda na ntuala. Muntu ya yimbi kele mutindu yina ve.”

539 “Muntu ya kukondwa busantu kele ve mutindu yina.” Ntangu yayi, beno tuba ve, “musumuki,” ntangu yayi. “Muntu ya kukondwa busantu,” beno me mona, ya kele yandi yina ke tubaka ti yandi kele, mpe yandi kele muntu ya kukondwa busantu na Yawu, beno me mona. Ya kele kieleka. “Kukondwa busantu kele ve mutindu yina. Ba lenda ve kutelama na lufundusu na bantu ya kudedama.” Ve, tata. Kieleka ba lenda ve.

540 Na yawu, ntangu me kwiza. Ba kunaka Nkuna, ata ti, bayina ba soolaka ntete. “Yina ba soolaka ntete” kele kaka mutindu mosi kuna. Mu lendaka baka Apocalypse 12, kaka ntangu yayi, mpe 13, mpe kulakisa beno yawu, kaka bayina. Biblia ke tuba, ti, “Mbeni ya Klisto yayi yina vwandaka kwiza na zulu ya ntoto

ke vuna bantu nyonso,” (lisansie zole), “nyonso yina vwandaka na zulu ya kizizi ya ntoto, na ba-dénomination yayi mpe ba-credo. Yandi ke vuna bantu nyonso na zulu ya ntoto, mosi na mosi ya bawu, kaka ti bayina ba soolaka ntete ntete mbandukulu ya yinza.” Na yawu, mpangi, beno lenda ve kusala kima na zulu ya yawu. Beno boka kaka, “Amen.” Oh, la la! Mu zola yawu. Yinga, tata.

Beno zola Yandi? Amen!
Beno ke sadila Yandi? Amen!
Beno ke kwikila Yandi? Amen!
 Amen! Amen!

⁵⁴¹ Beno zola kusadila yawu mwa fyoti awa, beno nyonso. Mu zola nkunga yina, beno ve? Yina vwandaka Phoenix ya beto, bankunga ya lukutakanu. Oh! Mu zola yawu. Mu zola yawu. Beto yimba dyaka yawu.

Beno zola Yandi? Amen!
Beno ke sadila Yandi? Amen!
Beno ke kwikila Yandi? Amen!
 Amen! Amen!

⁵⁴² Mbote, beno lenda landila kaka na kukwenda, beno zaba. “Nge zola kusambila Yandi?” Mpe bawu nyonso kulandila kaka na kukwenda, bisika nyonso mpe dyaka. Oh! Beto me banda yawu kuna na Phoenix; beto ke zolaka kuzenga kisika yango. Yinga, tata. “Amen! Amen! Amen!”

Beno kele ya kukangama na prise na suka yayi?
 Amen!
Beno pelisa interrupteur. Amen!
Beno ke kuzwa kura. Amen!
 Amen! Amen!
Ntangu yayi Yawu ke yela. Amen!
Beno buta mbuma. Amen!
Beno ke lakisa Yawu. Amen!
 Amen! Amen!

⁵⁴³ Oh, ya kele mbote ve? Amen. Ya kele mbote mingi. Beno lemvo-kila kaka samu na kukanga beno nyonso awa, ntangu nyonso yayi, kasi mu ke na kuzwaka kaka jubilé, munu mosi, kaka ntangu mosi ya mbote. Mbote mingi.


Lumingu ke kwisa, ntangu yayi, muntu nionso yina kele pene-pene. . .

⁵⁴⁴ Ntangu yayi, ntangu yayi mu ke kwenda kuna na sika ya Mpangi Littlefield, samu na kumwangisa mwa Ndinga, kukondwa ntembe kubaka ndambu ya Ndinga yayi awa mpe kumwangisa Yawu kuna na kati-kati ya bawu, dibuundu ya Nzambi, mutindu yina. Mpe mu banza ti mu ke zonzila kaka na zulu ya kima yina mu salaka awa. Na yina, beno ke vwanda na kiese na kukwisa. Kasi bawu kele na mwa dibuundu ya fioti

kuna, ya bakiti difunda mosi na bankama tanu. Mu biekaka yawu kaka, mpe pene ya bamvula zole me luta. Ya ke vwanda mpasi. Kasi mu silaka na Mpangi Littlefield. Yandi kele mpangi ya bakala ya ntalu. Mpe muntu ke zitisaka nsilulu ya yandi kana yandi lenda. Kana Mfumu kuzola, mu ke kwenda kuna.

⁵⁴⁵ Ya ke vwanda na dibuundu awa na tabernacle. Beno bantu ke kwizaka kaka awa na tabernacle, bayina kele pene-pene mpe nyonso, mpe lenda. Beno kwiza kaka na ntwala.

⁵⁴⁶ Mpe kuna, Lumingu yina ke landa, beno bambuka moyo, Mpangi Arganbright ke vwanda awa ntangu yayi na Mpangi Rowe. Kieleka nge ke sepela na Mpangi Rowe. [Kisika ya mpamba na bande—Mu.] Mbote mingi.

⁵⁴⁷ Beto pesa lukutakanu ntangu yayi na Mpangi Neville, beto tala yina yandi fwana tuba na beto ntangu yayi. Mfumu sakumuna nge. 

62-0401 Ndwenga Me Telemina Lukwikilu
Branham Tabernacle
Jeffersonville, Indiana U.S.A.

KIKONGO-KITUBA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kidadilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org